



RIPOTI FAALE-TAUSAGA TF2022/2023



MATAGALUEGA O LE SOIFUA MALOLOINA



GOVERNMENT OF SAMOA

P.O. Box 2268
Government Building
Apia, Samoa.

Email: healthminister@health.gov.ws

Private Contact: (0685) 25352
Office: (0685) 68100 Ext. 101
(0685) 23786 / 23621
Fax No: (0685) 25057.

OFFICE OF THE MINISTER OF HEALTH

**Ofisa o le Minisita o le Soifua Maloloina, Iunivesite Faafoma'i o le Oceania, Falema'i
Faaitumalo ma Komiti Tumama a Tina
MINISITA LAGOLAGO O TAUUI O FAALAVELAVE FA'AFUASE'I**

Afioga Fofoga Fetalai
Fono Aoao Faitulafono o Samoa
MULINU'U

11 Iulai 2024

Afioga e,

E avea ia o a'u e fai ma sui o le Matagaluega o le Soifua Maloloina, e tu'uina aloa'ia atu ai le Ripoti Fa'ale-Tausaga a le Matagaluega mo lona fa'atalanoaina ile isi fonotaga a le Fono Aoao Faitulafono a Samoa.

E tusa ai ma le Tulafono o le Matagaluega o le Soifua Maloloina 2006 (toe teuteuina ile 2019), o lenei ripoti o lo o fa'aailoa atu ai galuega fa'atino a le Matagaluega mo le Tausaga Fa'ale-Tupe fa'ai'uina ia Iuni 2023. O fa'amatalaga ma fa'amaumauga e pei ona tu'uina atu i lenei ripoti, o lo o fa'avae mai i galuega fa'atino a le Matagaluega.

Ma le agaga fa'aaloalo lava,

Hon. Valasi Luapitofanua To'ogamaga Selesele
MINISITA O LE SOIFUA MALOLOINA

UPU TOMUA



E ia te au le ava ma le fa'aaloalo e fa'ailoa aloaia atu ai le Ripoti Fa'ale-Tausaga a le Matagaluega o Soifua Maloloina mo le Tausaga Fa'aletupe 2022/2023.

O lenei ripoti, o loo fa'amanino atu ai fa'amatalaga e fa'atatau I galuega fa'atino na ausia ale Matagaluega i totonu o lenei sefululua masina. O galuega faatino uma a le Matagaluega mo lenei tausaga fa'ale-tupe, o lo o atagia i fua fa'atatau o ana galuega fa'atino o lo o ile Tala Fa'atatau o le Tupe mo le Tausaga Fa'aletupe 2021/22, o lo o feso'ota'i atu i ana galuega tulituliloa o lo o atagia i totonu o le Ta'iala o Atina'e o Samoa TF2021/22-TF2025/26, faapea ai ma le Fuafuaga Fa'ata'atia Alualu

Mamao o le Soifua Maloloina TF2019/20-TF2029/30.

O loo fa'a'au'au pea ona mataitu fa'atinoga, aemaise o galuega faifaipea e siitia ai le auunaga fa'a-soifua Maloloina, ma aloaia ai matafaioi e gafataulima ai tupe fa'aalu a le Matagaluega. O lo o galulue lava ile mafai e gata ai taumafaiga mo le fa'tainoga o auunaga o lo o fa'atinoina i lalo o poutu e tolu o auunaga a le Matagaluega e aofia ai Auunaga mo le Soifua Maloloina Lautele, o Auunaga tau Falema'i fa'apea Auunaga Lagolago ma Pulega lelei, aemaise ai o le mulimulita'ia o a latou matafaioi fa'atulafonoina, o le mata'ituina faaletulafono o auunaga uma tau le Soifua Maloloina, o lo o fa'afoeina i totonu o vaega tuma'oti fa'apea vaega o lo o i lalo o le va'aiga a le malo, ina ia fa'aleleia atili ai le fa'agasologa o le fa'atinoga o auunaga tau le Soifua Maloloina i totonu o Samoa.

E ui i luitau sa feagai ai i lena tausaga fa'aletupe, ae na mafai lava ona fa'atumanuina pea le vaaiga taulai e una'ia ma fa'amalosia ai le fa'atinoina o matafaioi fa'atulafonoina e fa'amautinoa ai le maua pea o auunaga lelei mo le tausiaina o Soifua Maloloina o tagata Samoa.

Na ausia e le Matagaluega o Soifua Maloloina tulaga maoae e ala i galuega faatino e tauala atu i le auunaga o Falemai ma Togafitiga, Auunaga mo le Soifua Maloloina Lautele faapea le fa'atautaia o ana matafaioi mo le mataituina ma le iloiloa o gafa tauave, ina ia fa'atumanuina pea le lelei o le Soifua Maloloina mo tagata lautele.

Ma le fa'aaloalo lava.



Hon. Valasi Luapitofanua Toogamaga Selesele
MINISITA O LE SOIFUA MALOLOINA

FEAU TAUMOMOLI



O lenei Ripoti Fa'a-le-tausaga o loo fa'ailoa ai galuega ausia ma faatinoga ale Matagaluega ole Soifua Maloloina mo le Tausaga Faa-le-tupe 2022-2023. O loo manino i totonu o le ripoti taumafaiga a le Matagaluega aemaise le faatinoga o ana matafaioi fa'atulafonoina e pei ona aiaia ai ile Tulafono ole Matagaluega ole Soifua Maloloina 2006 (teuteuga ile 2019) faapea galuega ua fa'amaoniaina mo lenei tausaga fa'a-le-tupe.

O le taitaia ai e le Matagaluega o polokalame ma le faatinoina o ana matafaioi ua fa'atulafonoina, e taua tele ai le galulue faatasi ma ana paaga fa'asoifua Maloloina ile mataituina ma le faafoega o ana vaega ese'ese e faatinoina le auunaga. O le mafua'aga tonu lea ua mafai ai e poutu e tolu ole Matagaluega ona lagolagosua ma tuuina atu lo latou sao taua e unaia ai ma siitia le fa'afoega ole auunaga fa'asoifua Maloloina e talitonuina e tagata lautele.

O le fuafuaga a le Matagaluega e amanaia ai le fa'atuputupulaia o le manaoga, ina ia siitia le auunaga, ua fa'amauiina i totonu ole Fuafuaga Fa'ata'atia Alualu Mamao ole Soifua Maloloina TF2019/20 – TF2029/30. O le fuafuaga lea e aofia ai le fa'atautaia o Vaega Ese'ese fa'apitoa (MDTs) i totonu o falemali fa'aitumalo ma nuu, e fa'amalosia le fa'atinoina o polokalame mo siaki o faamai le pipisi i nu'u ma alalafaga.

O le upu moni, ua mafai e le Matagaluega ona ausia ana anavatau ma vaaiga taulai aemaise o ana fuafuaga fa'ata'atitia ile fesoasoani mai o paaga galulue a le Soifua Maloloina, Matagaluega ale Malo, Fa'alapotopotoga Tumaoti, paaga fesoasoani ma Fa'alapotopotoga mo Atinae.

Ua nofo silafia le Matagaluega ile taua o ana matafaioi fa'atulafonoina i lalo o ana poutu e tolu. Ou te momoli atu ai le fa'amalo ma le fa'afetai ile tautiga ole aufaigaluega e ala i galuega faatino, ina ia mautinoa le mulimulitaia o tulafono, faiga faavae, alafua ma taiala o loo lima taitaia ai ana galuega.

Ma le fa'aaloalo lava.

Aiono Dr. Alec Ekeroma

FA'ATONU SILI AOA OLE SOIFUA MALOLOINA

FA'APU'UPU'UGA O UPU MA O LATOU FA'ALAUATELEGA

FA'APU'UPU'UGA	FA'ALAUATELEGA
ACEO	Ofisa Sili Lagolago
AMR	Fa'aitiitia le aoga o Fualaaui Tui
BFHI	Polokalame Tau Falema'i mo Pepe
BWC	Kamupani Gaosi Vai Taumafa
CEO	Ofisa Sili Lagolago
CSU	Vaega o Auaunaga Autasi
DGoH	Faatonu Sili o le Soifua Maloloina
EML	Lisi o Vaila'au Tāua
EN	Tausisoifua Fa'amaui
ENT	Taliga, Isu, Fa'a'i
EPI	Polokalame Lautele mo Tui Puipui
FBDG	Ta'iala mo Taumafa ma Taumafa Tatau
F&P	Fa'afoeina o Tupe ma Fefa'ataua'iga
FY	Tausaga Fa'ale-Tupe
GoS	Malo o Samoa
HAC	Komiti Fauautua o le Soifua Maloloina
HCWM	Fa'afoeina o Otaota o le Soifua Maloloina
HEOC	Nofoaga Autu mo Fa'alavelave Fa'afuase'i o le Soifua Maloloina
HICT	Auaunaga tau Fa'atekonolosi mo Fa'amatalaga ma Feso'ota'iga tau le Soifua Maloloina
HISM&E	Auaunaga tau Fa'amatalaga o le Soifua Maloloina, Mata'ituina ma Iloiloga
HPAC	Komiti Fauautua o Polokalame o le Soifua Maloloina
HPED	Vaega o Puipuiga ma le Fa'amalosia o Tulafono o le Soifua Maloloina
HPV	Vairasi o le Iumeni Papiloma
HSCRMD	Vaega e Fa'afoeina ma Mata'ituina le Fa'aolo'aga o le Soifua Maloloina
HSP	Fuafuaga Fa'ata'atia Alualu Mamao o le Soifua Maloloina
IA	Su'etusi Tutotonu
ICD	Faailoga Faavaomalo e faamaui ai Gasegase
ICHAP	Polokalame Tu'ufa'atasi o le Soifua Maloloina
IHR	Tulafono Faatonutonu Fa'ava-o-Malo o le Soifua Maloloina
IWS	Suavai Tuma'oti
MESC	Matagaluega o Aoga, Ta'aloga ma Aganu'u
MNRE	Matagaluega o Punaoa Fa'ale-Natura ma le Siosiomaga
MOF	Matagaluega o Tupe
MOH	Matagaluega o le Soifua Maloloina
MTII	Falema'i o Malietoa Tanumafili II
MWCSD	Matagaluega o Tina ma Tama'ita'i, Atina'e o Nu'u ma Aga Feso'ota'i
NCDs	Fa'ama'i Ogaoga e a'afia ai Totoga
NDWS	Alafua o Suavai Taumafa
NEOC	Nofoaga Autu o Fa'alavelave Fa'afuase'i a le Malo
NHS	Auaunaga o le Soifua Maloloina
NZMT	Polokalame o Togafitiga i Atunu'u i fafo a Niu Sila

FA'APU'UPU'UGA	FA'ALAUATELEGA
OVT	Togafitiga i Atunu'u i fafo
PEN	Auupega Fa'aaogaina mo le Fa'afoeina ma le Mata'ituina o Fa'ama'i Ogaoga e a'afia ai Totoga
PLIMS	Fa'agasologa o Galuega e Mata'ituina ai Galuega Fa'atino i Faletalavai
PPE	Meafaigaluega mo Puipuiga
QAIPC	Fa'amautinoaga o Tulaga lelei ma le Puleaina o Siamā
RCCE	Feso'ota'iga mo Tulaga Lamatia ma le U'una'ia o le Galulue Fa'atasi ma le Mamalu Lautele
RN	Tausisoifua Resitalaina
SAM	Tulaga Matuiā o le lē lava o le Taumafa i Mea'ai
SHPP	Polokalame Fa'apa'aga a le Soifua Maloloina a Samoa
SMTS	Polokalame mo Togafitiga i Atunu'u i Fafo a Samoa
SNBH	Samoa National Broadband Highway
SPPRD	Auaunaga tau Fuafuaga Alualu Mamao, Faiga Fa'avae ma Su'esu'ega o le Soifua Maloloina
STI	Siamā e afua mai i Feusua'iga
SWA	Pulega o le Suavai a Samoa
TB	Fatafata Vaivai
TBA	Fa'atosaga Samoa
TTM	Falema'i o le Tupua Tamasese Meaole
UNFPA	Fa'alapotopotoga a Malo Afa'atasi mo Fesoasoani Tau tupe mo Tagatanu'u
UNICEF	Fa'alapotopotoga a malo Afa'atasi mo Fesoasoani tau tupe mo fa'alavelave fa'afuase'i patino i fanau
WB	Faletupe o le Lalolagi
WBFW	Vaiaso o le Fa'amanatuina o le Tāua o le Suāsusu o le Tinā
WHO	Fa'alapotopotoga o le Soifua Maloloina o le Lalolagi

FA'ASINO UPU

Upu Fa'asino	Itulau
UPU TOMUA	2
FEAU TAUMOMOLI.....	3
FA'APU'UPU'UGA O UPU MA O LATOU FA'ALAUATELEGA.....	4
FA'ASINO UPU	6
FA'ATOMUAGA.....	9
VA'AIGA AOAOTETELE O LE SOIFUA MALOLOINA.....	10
Faitau Aofai o le Atunu'u.....	10
Tulaga Fa'avae o le Soifua Maloloina.....	13
Fa'ailoilo o le Soifua Maloloina.....	16
FA'ATULAGAGA O LE MATAGALUEGA O LE SOIFUA MALOLOINA.....	18
AUFAIGALUEGA A LE MATAGALUEGA O LE SOIFUA MALOLOINA.....	19
TALA FA'ATATAU O LE TUPE MO LE TAUSAGA FA'ALETUPE TF2022/23	22
Tala o le Tupe:.....	23
Fa'aaogaina o Tupe a Poloketi o le Soifua Maloloina:.....	25
GALUEGA 'AUSIA A LE MATAGALUEGA O LE SOIFUA MALOLOINA MO LE TAUSAGA FA'ALETUPE 2022/23 O LOO FA'AVASEGAINA I POUTŪ O AUAUNAGA.....	27
POUTŪ 1: FAIGA FA'AVAE, TULAFONO FA'ATONUTONU, FA'AFOEGA MA LE FA'ATINOGA O AUAUNAGA LAGOLAGO.....	28
Vaega 1: Ofisa o le Faatonu Sili.....	28
Aufaigaluega.....	29
Tala Faatatau o le Tupe ma lona Faaaogaina:.....	29
Galuega Ausia:.....	29
Vaega 2: Auaunaga Lagolago ile Minisita o le Soifua Maloloina.....	31
Aufaigaluega.....	31
Tala Faatatau o le Tupe ma lona Faaaogaina:.....	31
Galuega Ausia.....	31
Vaega 3: Fuafuaga Alualu Mamao, Faiga Fa'avae ma Su'esu'ega o le Soifua Maloloina.....	32
Aufaigaluega.....	32
Tala Faatatau o le Tupe ma lona Faaaogaina:.....	33
Galuega Ausia.....	33
Vaega 4: Fa'amautinoaga o Tulaga lelei o Auaunaga o le Soifua Maloloina ma le Mata'ituina o Siamata.....	326
Aufaigaluega.....	35
Tala Faatatau o le Tupe ma lona Faaaogaina.....	36

Galuega Ausia.....	36
Vaega 5: Resitala ma le Atina'ega o Tomai Faapitoa ole Soifua Maloloina.....	37
Aufaigaluega.....	37
<i>Tala Faatatau o le Tupe ma lona Faaaogaina</i>	37
Galuega Ausia.....	37
Vaega 6: Vaega o Auaunaga e Mata'ituina o Fa'ama'i ma le Tulafono Faatonutonu Faava-o-Malo o le Soifua Maloloina.....	40
Aufaigaluega.....	40
<i>Tala Faatatau o le Tupe ma lona Faaaogaina</i>	41
Galuega Ausia:.....	41
Vaega 7: Faleteuoloa o Fualaaui ma Vailaaui mo Togafitiga.....	43
Aufaigaluega.....	43
<i>Tala Fa'atatau o le Tupe ma lona Fa'aaogaina:</i>	43
Galuega Ausia:.....	44
Vaega 8: Auaunaga Tau Faamatalaga ma le Faatinoga o Iloiloga ma le Mata'ituina o le Soifua Maloloina.....	45
Aufaigaluega.....	45
<i>Tala Faatatau o le Tupe ma lona Fa'aaogaina:</i>	45
Galuega Ausia:.....	46
Vaega 9: Auaunaga Faatekonolosi mo Faamatalaga ma Fesoota'iga o le Soifua Maloloina.....	46
Aufaigaluega.....	46
<i>Tala Faatatau o le Tupe ma lona Faaaogaina:</i>	47
Galuega Ausia:.....	47
Vaega 10: Vaega e Mata'ituina le Faafoega ma le Faaoloaga o le Soifua Maloloina	47
Aufaigaluega:.....	48
<i>Tala Faatatau o le Tupe ma lona Faaaogaina:</i>	48
Galuega Ausia:.....	48
POUTŪ 2: AUAUNAGA TAU FALEMA'I.....	49
Vaega 11: Falema'i Tupua Tamasese Meaole (TTM)	49
Aufaigaluega.....	49
<i>Tala Faatatau o le tupe ma lona Faaaogaina:</i>	49
Galuega Ausia:.....	50
Vaega 12: Auaunaga Tau le Su'esu'eina o le Toto ma Fa'ama'i	51
Aufaigaluega:.....	51
<i>Tala Faatatau o le Tupe ma lona Faaaogaina:</i>	52
Galuega Ausia:.....	52
Vaega 13: Vaega o Auaunaga Tau Fa'ata.....	52
Aufaigaluega:.....	52

<i>Tala Faatatau o le Tupe ma lona Faaaogaina:</i>	52
Galuega Ausia:.....	53
Vaega 14: Auaunaga mo le Soifua Maloloina o Nifo	54
<i>Aufaigaluega:</i>	54
<i>Tala Faatatau o le Tupe ma lona Faaaogaina:</i>	54
Galuega Ausia:.....	54
Vaega 15: Auaunaga Tau Faletalavai.....	55
<i>Aufaigaluega:</i>	55
<i>Tala Faatatau o le Tupe ma lona Fa'aaogaina</i>	56
Galuega Ausia:.....	56
Vaega 16: Auaunaga ile Falema'i Malietoa Tanumafili II.....	56
<i>Aufaigaluega</i>	57
<i>Tala Faatatau o le Tupe ma lona Faaaogaina:</i>	57
Galuega Ausia:.....	57
Vaega 17: Auaunaga Tuufaatasi tau Tausisoifua	58
<i>Aufaigaluega</i>	58
<i>Tala Faatatau o le Tupe ma lona Fa'aaogaina</i>	58
Galuega Ausia:.....	59
POUTŪ 3: AUAUNAGA MO LE SOIFUA MALOLOINA LAUTELE.....	60
Vaega 18: Auaunaga Tau Puipuiga ma le Faamalositia o Tulafono o le Soifua Maloloina	60
<i>Aufaigaluega</i>	60
<i>Tala Faatatau o le Tupe ma lona Fa'aaogaina:</i>	60
Galuega Ausia:.....	61
Vaega 19: Fa'afoega o Polokalame o le Soifua Maloloina, Siitia o le Soifua Manuia ma Aoaoga Faalauiloa.....	61
<i>Aufaigaluega</i>	62
<i>Tala Faatatau o le Tupe ma Lona Fa'aaogaina:</i>	62
Galuega Ausia:.....	62
Vaega 20: Auaunaga i Falema'i Fa'aitumalo ma Nu'u i Tua.....	68
<i>Aufaigaluega</i>	68
<i>Tala Faatatau o le Tupe ma lona Faaogaina:</i>	69
Galuega Ausia:.....	69
LU'ITAU	71
Tulaga Utiuti o le Aufaigaluega.....	71
Faagaioiga o le Polokalame o le m-Supply.....	71
Fafoega o Faamatalaga ma Faamaumauga o le Soifua Maloloina.....	71
Mata'ituina ma le Iloiloga o le Fa'atinoga o Auaunaga o le Soifua Maloloina	71
UPU FA'AI'U	72

FA'ATOMUAGA

O lenei ripoti faale-tausaga o lo o fa'ailoa atu ai galuega fa'atino a le Matagaluega ole Soifua Maloloina mo le tausaga fa'ale-tupe 2022 – 2023. O galuega uma sa faatino o loo mulimulitaia ai faatinoga fa'atulafonoina o loo ile Fuafuaga Autasi ale Matagaluega Soifua Maloloina Tausaga Faale-tupe 2020/21 – 2022/23 faapea fuafuaga mo galuega. E tusa ai ma le tulaga fa'ataitai o vaega ese'ese ole Soifua Maloloina ile Atunuu, o loo fa'a'au'au pea ona mataitu luitau e fa'atonutonu ma fa'afoe ai auaunaga fa'asoifua Maloloina ina ia mautinoa le saogalemu o auaunaga ma fa'amalieina o manaoga a tagata lautele.

O lo o fa'aaauina pea ona fa'afaigaluegaina e le Matagaluega le aufaigaluega o iai tomai fa'apitoa o le Soifua Maloloina i tausaga ta'itasi, e tauala lea i polokalame fa'amasani fa'atinoina mo tomai fa'apitoa eseese, faatasi ai ma le fa'afaigaluegaina o le aufaigaluega fou e talafeagai o latou tomai ma agava'a ma avanoa faigaluega a le Matagaluega, ina ia mautinoa o lo o auina atu auaunaga tau le Soifua Maloloina mo le mamalu o le atunu'u i sona tulaga lelei ma aoga. Ua maitauina e le Matagaluega i lenei tausaga fa'ale-tupe le siitia ai o le fuainumera o le aufaigaluega e fa'amavae ma le Matagaluega ona o mafua'aga ese'ese. E ui lava ina maua le fuainumera o le aufaigaluega e tuua le matagaluega, ao loo iai lava le faamoemoe o lea mafai ona faateleina avanoa e fa'afaigaluega ai tagata faigaluega agavaa faapitoa, mo le auaunaga pe a maea le toe iloilo ina ma le lauliliuina o loo faagasolo a le Komisi o Galuega a le Malo.

O se tasi o matati'a iloga i lenei tausaga fa'ale-tupe ua ripotia, o le taumafai lea o le Matagaluega e fa'aaogaina auala fa'atekonolosi fa'aonapo nei e fa'atinoina ai fa'amaumauga o gasegase i totonu o falema'i, fa'apea ai ma le fa'aaogaina o polokalame ua fa'aigoaina o le Tamanu ma le Tupaia, e fa'amaumauina ai fa'amaumauga o ituaiga gasegase o lo o va'aia i falema'i taitasi, ua fa'afaigofie ai ona fausia ripoti mai nei fa'amaumauga, e fa'avae ai fa'aiuga a ta'itai o le Soifua Maloloina, fa'apea ta'ita'i o le malo. O nei vaega uma ua faatino ina ia mautinoa le fa'amalosia ma le fa'atumauina ina ia sologa lelei pea lona fa'aaogaina fa'atulafono mo se taimi umi.

VA'AIGA AOAOTETELE O LE SOIFUA MALOLOINA

Faitau Aofai o le Atunu'u

O le Tusigaigoa o Tagata ma Fale o le 2021, na ripotia mai ai le faitau aofai o tagata Samoa e 205,557. E 104,854 o alii ae 100,703 o tamaita'i. Ua siitia le faitau aofai o Samoa ile 4.9% ile va o le 5 tausaga (2016 - 2021). E pei ona iai le vaaiga fa'aataata a le Ofisa o Fuainumera Faamaumauina 2022, o le aofai o tagata Samoa o lea siitia atu ile 207,473 e tusa lea ma le 0.9% e faatupulaia ai ile tausaga mo le tausaga 2022. I le faitau aofai o tagata Samoa 205,557, e 38.5% o i latou e lalo atu ole 15 tausaga le matutua, ae 5.5% o i latou e 65 ma luga atu tausaga.

Pusa 1: Faitau Aofai ma Pasene Faatupuaia ile Tausaga, 2006 - 2022

Tausaga ole Tusigaigoa	Aofaiga	% Faatupulaia ile Tausaga
2006	180,741	0.8
2007	182,157	0.8
2008	183,573	0.8
2009	184,988	0.8
2010	186,404	0.8
2011	187,820	0.9
2012	189,452	0.9
2013	191,084	0.9
2014	192,715	0.8
2015	194,347	0.8
2016	195,979	0.8
2017	197,611	0.8
2018	199,243	0.8
2019	200,874	0.8
2020	202,506	0.8
2021	205,557	1.5
2022 ³	207,473	0.9

Source: Samoa Bureau of Statistics, Population and Housing Census 2006 - 2021. 3 Projected

O loo ripotia mai e le Ofisa o Fuainumera Faamauina le siitia ole numera o tagata nuu o Samoa mai ile 2006 agai mai ile 2022. O le tusigaigoa ile 2021 o loo atagia ai le siitia o pasene mo le faatupulaia o tagata pe a faatusa atu i tusigaigoa o tausaga ua mavae.

Fa'amaumauga o e Maliliu ma e Taofia i Maota Gasegase

Mafua'aga e 10 Aupitoiluga o e Taofia i Maota Gasegase

I totonu o le tausaga (2022/2023), na faamauina ai mafua'aga e 10 aupitoiluga o lea taua i lalo:

Pusa 2: Fa'amai e 10 Pito i Luga e Mafua ai ona Taofia Gasegase i Falemai

Mafua'aga Autū	TF2022/2023
1. Siamata Mata'utia e Afaina ai le Pito i Luga o le Manava	22,096
2. Siamata Mata'utia e Afaina ai le Pito i Lalo o le Manava	14,298
3. Fulū e fesootai ma isi auga tugā o ma'i	3,637
4. Niumonia	3,075
5. Fula o le Manava	2,826
6. Tanesusu	314
7. Meaai oona e afua ai le manava tatā	214
8. Faamai Mata	128
9. Manava tatā	50
10. Tale Vivini/Tale Umi	37

Mafua'aga e 10 Pito i Luga e Mafua ai ona Maliliu Gasegase

O mafua'aga e 10 Pito i Luga e mafua ai ona maliliu gasegase i falemai o loo faamanino atu ile Pusa 3 o loo i lalo:

Pusa 3: Faamai e 10 Pito i Luga e Mafua ai ona Maliliu Gasegase

Mafua'aga Autū	TF2022/2023
1. Gasegase o le Fatu	141
2. Tigā Tugā o le Tino e afua mai Siana	110
3. Pe fa'afuasei o le Fatu	71
4. Tātāvale o le Fatu	70
5. Totoga o le tino ua lē aoga	37
6. Pa'u Fa'afuasei o le Fua o le Toto	31
7. Fa'amai o le Pepē o Musele ole Tino	26
8. Le lava le toto ile tino e ola ai le fatu	16
9. Niumonia	15
10. Lē lava le okesene ile tino	13

Mafua'aga e 10 Pito i Luga e Mafua ai ona Ave Gasegase i Atunuu i Fafu mo Togafitiga

O mafua'aga e ala ai ona auina atu gasegase i atunuu i fafu mo togafitiga:

Pusa 4: Mafuaaga e 10 Pito i Luga e Mafua ai ona Auina Gasegase i Atunuu i Fafu mo Togafitiga

Mafua'aga Autū	TF2022/2023
1. Ma'i fatu e mafua mai le laititi ole toto e agai iai	23
2. Fiva Rumatika	20
3. Ma'i Fatu na afua mai le taimi na fanau ai	4
4. Ma'i Suka	3
5. Gasegase o Mata	7
6. Kanesa o le Toala Fanau	5
7. Kanesa ole Fa'aau Tagata	5
8. Kanesa ole susu	10
9. Kanesa o le Taufale	8
10. Fa'amai o le Musele ole Fai'ai	6

Ata o le Sefulu Mafua'aga Ta'imua o le Auina atu o Gasegase i Atunuu i Fafu mo Togafitiga

O le Ata 1 o loo i lalo, o loo tuuina atu ai le aotelega o mafua'aga autu e sefulu mo le auina atu o gasegase i atunuu i fafo mo togafitiga mo le Tausaga Fa'ale-tupe (2022/2023).

Ata 1: Mafua'aga Ta'imua e Afua ai ona auina atu Gasegase mo Togafitiga i Fafu, Taofia ile Falemai ma Maliliu ai ile Falemai o le TTM



Tulaga Fa'avae o le Soifua Maloloina

1. Saogālemū o le Suavai

O le Vaega e Mata'itūina le Suāvai i lalo o le Vaega o Suesuega o Fa'ama'i & Tulafono Fa'atonutonu Fa'ava-o-Malo a le Matagaluega o le Soifua Maloloina, o lo o fa'atonuina fa'atulafono ma mata'itūina lelei le tulaga saogālemū ma le maloloina o le suavai taumafa. E aofia ai ma le mata'itūina o nofoaga o lo o tapu'e ai suavai e le Pulega o Suavai i Samoa, Suavai Tumā'oti fa'apea ma Kamupani o lo o gaosia le Suavai Taumafa. O le Alāfua mo Suavai Taumafa 2015, o lo o fa'aaogaina e mata'ituina ma iloilo ai le tausisia o le saogālemū ma le maloloina o le suavai taumafa. O le fa'afoeina o su'esu'ega o le suavai mai nofoaga o lo o tapu'e ai e le Pulega o le Suavai a Samoa ma Suavai Tuma'oti le suavai taumafa, e ta'i masina ma ta'i kuata ona fa'atinoina.

Nofoaga o lo o Tapu'eina ai le Suavai Taumafa e le Pulega o le Suavai a Samoa

Ua fa'amauina le fa'atumauina pea ole tausisia e nofoaga o lo o fa'amamaina ai le suavai o le 100% o alafua mo le saogalemu ma le Maloloina o le suavai taumafa, ae ua tu'u itiitia le pasene mo nofoaga o lo o tapu'eina ai le suavai mai le 86% ile 2022 ile 78% ile 2023.

Suavai Tumā'oti a Samoa


Ua maitauina le siitia ole tulaga tausisia e suavai tumā'oti o alafua mo le saogalemu ma le Maloloina ole suavai taumafa ile tausaga faale-tupe lenei, o le tausaga lenei ua faamauina ai le 62% ae 51% ile 2022. O le fuafuaga tataua e pei ona iai vaega ua siitia ai nei le usitaia, e afua mai ile fa'amama ua pasiaina mo nuu.

Kamupani e Gaosia le Suavai Taumafa

E pei ona molimauina ile tausaga faale-tupe lenei, ua siitia foi le tulaga tausisia e kamupani e gaosia le suavai taumafa o alāfua mo le saogalemu ma le maloloina o le suavai taumafa 2016 ile 87%, pe a fa'atusatusa atu ile na o le 85% ile tausaga fa'ale-tupe ua mavae. Ua maea pasia aloaia foi le Fuafuaga mo le Suavai Saogalemu Tumaoti ma ua lima taitaia ai le fa'aaogaina o Suavai Tumaoti o Samoa.

O le maua ai e tagata lautele o suavai mama ua faamauina nei le siitia e tauala mai suesuega a le Ofisa o Fuainumera Faamauina a Samoa 2022 – 2023. O le faailoga lea e atagia ai le alualu i luma o vaega o loo mataituina ai le suavai e pei ona faatino e le Vaega a Suavai Mama a le Pulega o le Suavai, o loo faailoa mai ai le 100% o le mulimulitaia pea o alafua ma fuafuaga tau suavai mama.

Suavai ma Soifua Tumamā



Samoa MICs Plus 2022 – 2023, Taualumaga o le Suesuega Tautelefono i Aiga, (Aukuso – Oketopa 2022)

2. Saogālēmū o Taumafa

O se tasi o matafaioi fa'atulafonoina a le Matagaluega o le Soifua Maloloina i lalo o le Tulafono o Taumafa 2015, Tulafono Fa'atonutonu o le Saogālēmū ma le Tulaga Lelei o Taumafa 2017, Tulafono o le Soifua Maloloina 1959 ma le Alāfua o le Saogālēmū o Taumafa, o le mata'ituina lea

ma le fa'atonutonu fa'ale-tulafono o le saogālēmū o taumafa i nofoaga uma o lo o gaosia ai taumafa i totonu o Samoa, ma iloilo le tulaga o lo latou tausisia tulagaono ma alāfua nei mo le saogālēmū ma le maloloina o taumafa. O nei matafoi fa'atulafonoina, e patino tonu ile vaega o auunaga mo le Saogālēmū o Taumafa, ma le Mata'ituina o le Taumafa Tapa'a i lalo o Auaunaga Tau Puipupiga ma le Fa'amalosiga o Tulafono o le Soifua Maloloina.

Asiasiga i Nofoga e Gaosi ai Taumafa

O asiasiga e mataitu ma faafoe ai Nofoga e gaosi ai Taumafa e tai kuata ma faatino. O le Vaega a le Saogalemu o Taumafa ma Fuafuaina o Taumafa Tapaa a le Matagaluega e faatinoina lea tulaga. O le tausaga faale-tupe lenei e tusa ma le 676 faleaiga ma fale gaosi taumafa na asiasia. E 90% faamauina mai ole mulimulitaia ma le usitaia o alafua.

Puleaina o le Taumafa Tapa'a


I lalo o le Tulafono o le Puleaina o le Taumafa Tapa'a 2008, o lo o fa'atulafonoina ai matafaioi a le Matagaluega o le Soifua Maloloina, e mata'itu ma fa'atonutonu fa'ale-tulafono le taumafaina o le tapa'a i Samoa, ma ia mautinoa, o lo o tausisia ei latou o lo o fa'atauina atu le tapa'a le Tulafono o le Puleaina o le Tapa'a, ma ona aiaiga fa'ale-tulafono. O le fa'afoeina o lenei matafaioi a le Matagaluega, o lo o nafa foi ma le Vaega o Auaunaga mo le Saogālēmū o Taumafa, ma le Mata'ituina o le Taumafa Tapa'a a le Vaega o Auaunaga Tau Puipuiga ma le Fa'amalosiga o Tulafono o le Soifua Maloloina. E tusa ma le 46 nofoaga o loo faatauina ai tapaa na laisene i lenei tausaga faaletupe ma e \$23,000 afe tupe na maua ai. E 96.7% le mulimulitaia e nei fale o alafua mo tapaa ae 3.3% e lei usitaia. Na tuuina atu foi tusi lapatai a le Matagaluega mo i latou e leo mulimulitai i alafua.

3. Taumafa Tatau

O le mata'ituina ma le fa'atonutonuina fa'ale-tulafono o le saogalemu o taumafa, o le matafaioi fa'atulafonoina lea o loo nafa ma le Vaega o Auaunaga mo le Saogalemu o Taumafa ma le Vaega o Taumafa Tatau lona fa'atinoga, i lalo o le Vaega o Auaunaga Tau Puipuiga ma le Fa'amalosiga o le Tulafono o le Soifua Maloloina. O nei matafaioi fa'atulafonoina, o lo o aiāina i totonu o le Tulafono o le Saogalemu o Taumafa 2015 ma le Alafua o Taumafa Tatau mo Aoga.

E maitauina mai asiasiga ma polokalame faatino a le Matagaluega mo aoga i lenei tausaga, le leai o se faasiliga pe siitia foi se pasene o le tausisia ma le mulimulitaia e aoga o alafua a le Matagaluega. O vaega nei na faamauina mai e iai le Lagolagosua mai Faalapotopotoga (Asosi a matua ma Faiaoga & Komiti Aoga) e 71.8%, e 181 aoga mai le 252 na asiasia), o le Siosiomaga Saogalemu mo Aoaoga mo Aoga Tumaoti e 60% le mulimulitaia o alafua, Aoga Misiona ile 57% le mulimulitaia ma aoga a le malo ile 54%. O le ata 3 o loo I lalo o lea faamatala atu ai pasene na ausia e aoga fa'aitumalo mo le usitaia lelei o faailoilo mo le Taumafa Tatau.


Ata 3: Mulimulitaia e Aoga o Alafua mo Taumafa Tatau (Savaii Schools)



Auala o Fa'amatalaga: Faamaumauga a le Vaega o Taumafa Tatau (Asiasiga i Aoga)

O pasene o loo taua i luga e maua mai aoga na asiasia ile motu o Savaii. O pasene o loo mafai ona maua mai le aofaiga o aoga I totonu o itumalo taitasi. O aoga foi o loo suesue ma lloilo i taiala ole taumafa tatau e iai le Siitia ole Iloa ma le tomai, Faiga Faavae a Aoga, Vaega manaomia mo Faleaiga, Taumafa i Aoga ma Fausia o se siosiomaga Saogalemu i Aoga. E tusa ma faamaumauga o loo i lalo, e leo aoga uma na mafai ona asia i lenei tausaga. O le ala lea ua tuu itiitia ai pasene o taumafa tatau i nisi o itumalo e pei ona faailoa atu. O aoga mai Savaii na asia e aofia ai, o Fa'asaleleaga e 11 mai le 35 aoga, e 9 mai le 20 aoga o le Itu-O-Tane, e 6 mai le 12 aoga mai Asau, e 3 mai le 13 aoga o Savaii-i-Sisifo ma le 4 mai le 14 aoga o Palauli na mafai ona oo iai asiasiga i lenei tausaga faaletupe.

Ata 4: Mulimulitaia e Aoga o Alafua mo Taumafa Tatau (Upolu Schools)



Auala o Fa'amatalaga: Faamaumauga a le Vaega o Taumafa Tatau (Asiasiga i Aoga)

Na faatino asiasiga mo aoga e 7 mai aoga e 15 ile itumalo o Anoamaa, e 4 aoga ole Itumalo Fagaloa peitai e lei oo iai se asiasiga, e 12 aoga mai le 25 aoga ole Itumalo Vaimauga na asiasia, e lei se aoga na asia mai le 13 Aoga ole itumalo Falealili, e 1 le aoga mai aoga e 5 o Lefaga, e 2 aoga mai aoga e 9 o Safata, 14 aoga mai aoga e 38 o Faleatae 9 aoga mai aoga e 17 o Sagaga ma le 18 aoga na asiasia mai aoga e 41 o le itumalo Aana.

4. Tumamā Lautele

I le fa'atinoga o auunaga tau le puipuiga o le soifua maloloina a le Matagaluega o le Soifua Maloloina, o le vaega o Auunaga mo le Soifua Tumamā a le Vaega o Su'esu'ega o Fa'ama'i ma Auunaga Fa'atonutonu o Tulafono Fa'ava-o-Malo o le Soifua Maloloina e latou te fa'atinoina asiasiga e mata'ituina ai le soifua tumamā ile mamalu lautele o le atunu'u. O nei auunaga o lo o fa'atulafonoina i le Tulafono a le Soifua Maloloina e pei ona teuteuina ile 2019, Tulafono o le Soifua Maloloina 1959, Faiga Fa'avae ma Fuafuaga Fa'ata'atia mo le Soifua Tumamā i lalo o le Matagaluega o Punaoa Fa'ale-Natura ma le Siosiomaga.

Na faatino e le Vaega o Soifua Tumama a le Matagaluega suesuega tai tolu masina mo aoga mo le masina o Fepuari agai ia Mati 2023. O fautuaga uma na maua mai i ia suesuega ua faia iai faatinoga aua le siitia o lea auunaga ma ua tufatufa atu foi i aoga.

Na faia foi e le Polokalame mo le Taifoi suesuega faapitoa mo le Tumama lautele ma maua ai i latou na aafia e 17 mo Upolu ae 5 mo Savaii, e tusa lea ma le 98% o i latou na faamaonia mai le fale suesue i totonu o le 48 itula mai ia Iulai 2022 ia Iuni 2023.

Ua fa'atulafonoina i lalo ole Tulafono ole Soifua Maloloina 1959, o le Vaega o Auunaga mo l e Tu'uitiitia o A'afiaga o le Soifua Maloloina mai Manu Fa'alafua o loo i lalo o Auunaga o

Su'esu'ega o Faamai ma Tulafono Faatonutonu Fa'avaomalo o le Soifua Maloloina, e faatino le matafaioi o le mataitu, suesue ma faatino faaiuga mo faitioga aemaise o polokalame mo faamai i faalapotopotoga. O le tausaga leni na faamauina ai e 12 faitioga na faatino iai suesuega. E 2 mataupu tau lepto e 2 mataupu mo faamai ole namu, e 7 mataupu e fesootai atu ile lē mama o falemai ma le 1 le Mataupu mai siosiomaga o aoaoga.

5. Fa'afoeina o Otaota Lafoai o le Soifua Maloloina

O le fa'atonutonuina ma le mata'ituina o galuega tau le fa'afoeina o otaota lafoa'i o le soifua maloloina a le Matagaluega o le Soifua Maloloina, e lima ta'ita'iina e le Tulafono Teuteu a le Matagaluega o le Soifua Maloloina 2019, Tulafono o le Soifua Maloloina 1959, Tulafono o Fanua ma Siosiomaga 1989 ma le Ta'iala o le Fa'afoega o Otaota Lafoa'i o le Soifua Maloloina 2019. O le 'auga ma le fa'amoemoe o galuega tau'ave nei a le Matagaluega, o le fa'aitiitia lea o a'afiaga fa'ale-soifua maloloina o otaota lafoa'i ile soifua maloloina lautele, e ala lea ile lelei fa'afoeina o le lafoa'iga o otaota lafoa'i o le soifua maloloina.

O le matafaioi patino a le Vaega o Auaunaga mo Otaota Lafoa'i o le Soifua Maloloina, o le fa'atautaia lea o asiasiga e mata'ituina ai vaega tetele e tatau ona fa'aleleia o leni auaunaga. E aofia ai le fa'afoeina o otaota lafoa'i o le soifua maloloina i falema'i uma i Samoa, fa'aleleia o le nofoaga o lo o susunuina ai otaota lafoa'i i Tafaigata, fausiaina o le o le nofoaga fou i Vai'aata e susunuina ai otaota lafoa'i i Salafai, ma le fa'atauina o se afi fou, o le fa'afoeina o auaunaga mo maliu e auina mai atunu'u i fafo faapea foi maliu auina atu i fafo, ma le aoina mai otaota lafoa'i mai nofoaga uma sa fa'anofosea ai tagata.

E tusa ai ma suesuega sa faia mo otaota lafoai i falemai, e tusa ma le 80.8% le mulimulitaia o alafua pe a faatusa atu ile Fuafuaga mo Otaota Lafoai. E 100% na ausia e isi vaega uma na faatino e iai vaega tau maliu, toe faafoi o tino maliu, faaliu efuefu o tagata ma le aumaia o tino maliu ile atunuu. I leni tausaga, na taulimaina ai e le Malo o Samoa le afi fou mo le faaleleina atili o manaoga ma ia mafai ona faagasolo lelei galuega mo otaota lafoai ile atunuu.

Fa'ailoilo o le Soifua Maloloina

O le tausaga fa'ale-tupe leni 2021/2022, o le tausaga muamua lea o le fa'atinoga o le Ta'iala o Atina'e o Samoa TF2021/22-TF2025/26. O le Matagaluega o le Soifua Maloloina ile avea ai ma lālā so'oupu autū mo le Vaega Lautele o le Soifua Maloloina a Samoa, e nafa ma le tali atu ile ausiaina o taunu'u a fa'amoemoeina e 3 i lalo o le Vaega o Fa'amuamua Lona 2 o le Ta'iala: Fa'aleleia le Soifua Maloloina Lautele. O fa'amoemoga nei e aofia ai:

1. Fa'aleleia o Auaunaga o le Soifua Maloloina ma Falema'i
2. Fa'aitiitia o fa'ama'i ogaoga e a'afia ai totoga ma fa'ama'i pipisi ma le
3. Fa'alauteleina o le Fa'amoemoe o le Soifua

O le Ata 5 o lo o i lalo, o loo faamanino atu ai le tulaga na oo iai le faatinoga o Faailoilo a le Soifua Maloloina, e saofagā ile ausiaina o taunuuga o faamoemoga ole Soifua Maloloina e pei ona taua i luga.

Ata 5: Tu'ufa'atasiga o Fa'ailoilo o le Soifua Maloloina

Taualumaga Tuliloaina 1: Siitia le fa'atinoga o auunaga fa'apea falema'i

Siitia le aofai o le afaigaluega galulue

****	20/21	21/22	22/23
Fomai	113	126	143
Tausisoifua faamauina	97	101	101
Tausisoifua Resitalaina	436	448	475
Faatosaga	81	79	94
Tomai tau Talavai	16	18	17
Foma'i Nifo	16	18	19
Tomai Lagolago Faapitoa	96	69	74

Taimi Fa'atalitali o Gasegase i Falema'i ***



Fua faatatau o le taimi faatali e faatino ai siaki e tausisoifua
35 -47 minute

Fua Faatatau o le taimi fa'atali e vaai ai le fomai
28 -37 minute

(TTM Hospital)


Taualumaga Tuliloaina 2: Fa'aitiitia le aofai e a'afia i Fa'ama'i Ogaoga e a'afia ai Totoga & Fa'ama'i Pipisi

Su'esu'ega fa'atino ile PEN Fa'a-Samoa **


SAVA'I
3 Itumalo (Vaisigano
1 & 2, Falealupo)
1,796 tagata

UPOLU
3 Itumalo (Lepa,
Lotofaga, Falealili)
1,282 tagata


Tausisia o Tulafono ma Tulafono Fa'atonutonu tau le Saogalemu o Taumafa ma le Taofia o le Taumafa Tapa'a *****



COMPLIANCE WITH NATIONAL DRINKING WATER STANDARDS 2015 *****




Usita'ia o Alafua mo Taumafa Tatau I totonu o Aoga *****



Taualumaga Tuliloaina 3: Life Expectancy Increased

Fanau Pepe Maliliu * (ile 1,000 pepe fananau)



Tina Fananau Maliliu *



Tausaga Faale-Tupe

Aofaiga


TF2022/23	0
TF2021/22	0
TF2020/21	1

Auala o Fa'amatalaga: *TTM PATIS/MTII PATIS/EPI, **TTM PATIS/MTII PATIS, ***PEN FAASAMOA, ****QUALITY ASSURANCE & INFECTION CONTROL *****REGISTER, *****HPED

FA'ATULAGAGA O LE MATAGALUEGA O LE SOIFUA MALOLOINA

O le Fa'atulagaga ole Matagaluega o le Soifua Maloloina ile Ata 6, o loo o lo o fa'aalia pea ile tulaga i ana matafai oi fa'atino, a'o tãlia ai le fa'amae'aina o fuafuaga a le Komisi o Tagata Faigaluega a le Malo ile toe fa'atulagaina fa'alelei o le Matagaluega o le Soifua Maloloina i ona vaega au'ili'ili e tatau ona iai.

Ata 6: Fa'atulagaga o le Matagaluega o le Soifua Maloloina (Fa'avae i luga o ana Matafai oi)



Komisi o Galuega ale Malo, 2019


AUFAIGALUEGA A LE MATAGALUEGA O LE SOIFUA MALOLOINA

O le vaega lenei o le ripoti, o lo o tu'uina atu fa'amatalaga aoaotetele mo le aufaigaluega a le Matagaluega o le Soifua Maloloina sa galulue i lenei tausaga fa'ale-tupe.

AOTELEGA O LE AUFAIGALUEGA:

E tusa ma le 1351 le aufaigaluega a le Matagaluega ole Soifua Maloloina mai ia Iulai 2022 ia Iuni 2023. E 849 tamaitai e tusa lea ma le 63% ae 502 o alii e tusa ma le 37% ole aufaigaluega. O le tausaga na tea nei, e 1489 le aufaigaluega a le Matagaluega. O le maitau a le Matagaluega, e siitia maualuga lava le numera o Tamaitai faigaluega na i loo alii.

Ata 7: Aotelega o le Aufaigaluega a le Matagaluega o le Soifua Maloloina mo le TF2022/23 (I le itu tau Kenera)



Auala o Fa'amatalaga: Fa'amaumauga o le Aufaigaluega a le Matagaluega o le Soifua Maloloina TFY2021/22 – TF2022/23

Ua maitauina le pa'u ole aofai ole aufaigaluega. I lenei tausaga e 135 le aufaigaluega na faamavae ma tuua le Matagaluega. O mafua'aga e aofia ai le femalagaai o tagata mo galuega faavaitaimi, siitia o tulaga i galuega i isi Matagaluega ole Malo, faamalolo ma le auaunaga ole Soifua Maloloina, ritaeta faatasi ma le tuai ona fa'afaigaluega mai o tagata ona ole iloiloga o loo faagasolo a le Komisi o Galuega.


E ui lava ile toatele ole aufaigaluega ua tuua le Matagaluega ae na mafai lava ona fa'afaigaluega ma ulufale mai tagata e 161 i totonu o lenei tausaga faaletupe:

Tagata Faigaluega Fou ale Matagaluega	
Faafaigaluega e tauala mai le PSC	84
Polokalame Faamasani mo Tausisoifua mai le NUS	73
Fomai Fa'ataitai	4

Aofai o le Auaigaluega i Tulaga Tau Tomai Fa’apitoa o le Soifua Maloloina mo le TF2022 -2023

E fitu Tulaga Tau Tomai Faapitoa o loo i totonu ole Matagaluega. E siitia maualuga le faitau aofai o isi vaega e 6 sei vagana ai le fuainumera o Tausisoifua Resitalaina ua pa’u.

Ata 8: Numera ole Auaigaluega mai Tulaga Tau Tomai Faapitoa TF2022 - 2023




Auala o Fa’amatalaga: Fa’amaumauga o le Auaigaluega o iai Tomai Fa’apitoa o le Soifua Maloloina TF2022 - 2023

Na maitau le tuutiitia ai o le auaigaluega tausisoifua e pei ona faailoa atu e le ata 8. O mafua’aga e pei ona taua i luga le faapogai ole tu’utiitia o fuainumera nei.

FAAILOGA TAUALOA

O loo fa’afaigaluega e le Matagaluega le toatele ole auaigaluega e umia tusipasi ese’ese e amata mai ile Tusipasi Amata seia oo lava ile Tusipasi o Fomai o Filosofia. O le toatele ole auaigaluega e umia Tusipasi Tikeri, sosoo mai ai mai latou e umia Tusipasi Amata faapea le Tipiloma.

Ata 10: Tusipasi Tauloa



Source of Information: Human Resource and Administration Database FY2022 - 2023

O se tasi o vaega tele na ausia ma faamauina le toatele o le afaigaluega e tuliloa a latou Tusipasi Maualuluga mo le faalateleina o le tomai. E 31 le afaigaluega e umia Faailoga Tauoloa Maualuluga, e 43 Postgrad ae 2 Fomai o Filosofia.

Aoaoga e Atinae ai Tomai o le Afaigaluega

Na mafai e le Matagaluega ona ausia le tasi nei ole faiga faavae ua faatulafonoina, e siitia ai le tomai ole afaigaluega ma fesoasoani tele ile unaia ole auunaga faasoifua Maloloina.

I lenei tausaga faaletupe, e 89 polokalame mo aoaoga i atunuu i fafo, ae 113 aoaoga i totonu lava ole atunuu.

**TALA FA'ATATAU O LE TUPE MO LE TAUSAGA
FA'ALETUPE TF2022/23**

Tala o le Tupe:

SCHEDULE 2.11

FA'AMATALAGA O TUPE MAUA A LE MATAGALUEGA I ONA VAEGA TA'ITASI

MA ANA TUPE FA'AALU

TALA FA'ATATAUINA O LE TUPE

Mo le Tausaga Fa'aletupe Fa'aiuina ilea so 30 Iuni 2021

			Faamatalaga	2023	Tupe Faatatau Faavae	Tupe Faatatau Aloaia	Ova Faaaoga/ Le uma ona faaaoga		2022
				\$	\$	\$	\$		\$
SOIFUA MALOLOINA									
TUPE MAUA									
Tupe Maua Masani									
	Isi Tupe Maua								
	Pili ma isi totofiguapauina			5,067,542	5,510,839	5,510,839	443,297		5,001,029
	AOFA'IGA O TUPE MAUA			5,067,542	5,510,839	5,510,839	443,297		5,001,029
TUPE TOTOGI									
Vaega									
1.0	Fautuaga Fa'afaiga Fa'avae ile Minisita		1	1,231,527	1,462,215	1,394,315	162,788		1,177,963
2.0	Auaunaga Lagolago ile Minisita			671,131	670,229	738,129	66,998		459,323
3.0	Fuafuafuaga Alualu Mamao, Faiga Fa'avae ma Su'esu'ega o le Soifua Maloloina			859,007	913,377	913,377	54,371		733,153
4.0	Faamautinoaga o Tulaga lelei o Auaunaga o le Soifua Maloloina ma le Mata'ituina o Siamia			1,119,535	1,450,807	1,450,807	331,273		1,071,725
5.0	Resitala ma Atina'ega o Tomai Fa'asoifua Maloloina			1,317,573	1,429,455	1,429,456	111,882		1,280,071
6.0	Su'esu'ega o Fa'ama'i ma Tulafono Fa'atontonu Fa'ava-o-Malo			1,914,113	2,104,728	2,104,728	190,615		1,945,508
7.0	Faleteuoloo o Vaila'au ma Fuala'au mo Togafitiga			7,256,766	7,279,102	7,279,102	22,336		1,194,489
8.0	Auaunaga o Fa'amatalaga o le Soifua Maloloina, Mata'ituina ma Iloiloga			822,049	898,539	898,539	76,490		755,462
9.0	Auaunaga Fa'atekonolosi mo Fa'amatalaga ma Feso'ota'iga Faa-Soifua Maloloina			1,297,668	1,347,037	1,347,037	49,370		1,228,188
10.0	Fa'afuega ma le Mata'ituina o le Fa'aoloaga o le Soifua Maloloina			830,151	920,904	920,904	90,754		722,165
11.0	Auaunaga Tau Falema'i ile falema'i o le TTM			17,481,481	20,226,769	20,209,395	2,727,914		17,078,119
12.0	Auaunaga Tau Su'esu'ega o le Toto ma Fa'ama'i			7,458,792	8,457,207	8,436,082	977,289		3,289,898
13.0	Auaunaga Tau Fa'ata			2,768,112	3,662,770	3,662,769	894,658		2,586,768
14.0	Auaunaga mo le Togafitiga o Nifo			3,504,417	4,407,841	4,407,841	903,423		2,885,666
15.0	Auaunaga tau Faletalavai			4,124,481	5,464,618	5,464,617	1,340,137		1,942,469
16.0	Auaunaga tau falema'i ile falema'i o le MTII			9,466,058	9,523,762	9,562,261	96,203		10,041,271
17.0	Auaunaga Tuufaatasi Fa'atausisoifua i Falema'i Tutotonu			19,907,268	20,869,150	20,879,731	972,463		18,994,630
18.0	Puipuiga o le Soifua Maloloina ma le Fa'amalosia o Tulafono			1,860,811	2,424,241	2,424,240	563,430		1,879,965

19.0	Fa'afoega o Polokalame o le Soifua Maloloina, Siitia o le Soifua Manuia ma Aoaoga Fa'alauloa	2,457,267	2,709,881	2,709,881	252,613	2,157,896
20.0	Auaunaga Fa'asoifua Maloloina i Falema'i Fa'aitumalo	9,670,074	12,191,728	12,191,728	2,521,654	8,808,929
21.0	Auaunaga Tau Tomai Lagolago o le Soifua Maloloina	0	0	0	0	2,304,243
Aofaiga		96,018,281	108,414,360	108,424,940	12,406,659	80,233,659

	<i>faamatalaga</i>	2023	Tupe Faatatau Faavae	Tupe Faatatau Aloaia	Ova Faaoga/ Le uma ona Faaoga	2021
--	--------------------	------	----------------------	----------------------	-------------------------------	------

Isi Vaega

Fesoasoani Tau Tupe						
Falemai Faamama Toto		9,329,934	9,329,934	9,329,934	0	8,664,994
Falema'i mo Fa'ama'i Ogaoga e A'afia ai totoga		247,945	250,000	250,000	2,055	249,834
Overseas Medical Treatment Scheme		5,000,000	5,000,000	5,000,000	0	7,999,471
Koluse Mumu		100,000	100,000	100,000	(0)	50,000
Sosaiete o le Kanesa i Samoa		100,000	100,000	100,000	(0)	75,000
GOSHEN Trust		100,000	50,000	50,000	0	50,000
Falemai Agape		50,000	50,000	50,000	0	0
Samoa Family Health		100,000	100,000	100,000	(0)	0
METI		100,000	100,000	100,000	(0)	100,000
Aofaiga o Fesoasoani Tau Tupe		15,127,879	15,129,934	15,129,934	2,054	17,189,298

Fefa'ataua'iga e fai ma sui ole Malo

Totogi ole avea ma sui auai						
Tupe mai le Faalapotopotoga o le Soifua Maloloina o le Lalolagi		0	35,000	35,000	35,000	0
Tupe mai le Koluse Mumu		5,800	5,800	5,800	(0)	5,800
			40,800	40,800	35,000	5,800

	<i>Faamatalaga</i>	2023	Tupe Faatatau Faavae	Tupe Faatatau Aloaia	Ova faaoga/ le uma ona faaoga	2022
SOIFUA MALOLOINA						
Totogi o Poloketi o Atinae						
Vaaiga 1: Polokalame mo le faamalasia ole tui puipui fou ile Pasefika		111,250	500,000	500,000	388,750	0
Vaaiga 2: polokalame a le ADB mo le faamalasia o Tui Puipui ile Pasefika		76,894	200,000	200,000	123,106	0
Poloketi mo le Tali atu I Faalavelave Faafuasei ole Koviti		31,700	100,000	100,000	68,299	0
		219,845	800,000	800,000	580,155	0
Polokalame mo le mataituina ma le faalauiloaina o le mauaina o le suavai mama ma le Soifua tumama		88,770	93,000	93,000	4,230	88,380
Oloa faatauina mo Faata		0	0	0	0	17,387
Fuafuaga mo Fomai Faapitoo (Fomai Saina)		181,117	200,000	200,000	18,883	0
Fale apitaga mo fomai		0	1,000,000	1,000,000	1,000,000	0
Toe faaleleia o Falemai itumalo		609	1,000,000	1,000,000	999,391	924,347
Meafaigaluega mo le Faata		0	0	0	0	23,331
Auaunaga Leoleo Po		0	0	0	0	0
Polokalame mo le Soifua Maloloina o Samoa		3,657,282	3,949,144	3,949,144	291,862	1,948,011

Polokalame mo Tupe o Vaega Ese'ese	110,315	116,000	116,000	5,685	0
Meafaigaluega mo le auunaga o Fale Fainifo (Vaega 14: Fale Fai Nifo)	0	0	0	0	448,557
Auaunaga Faamama Masani	0	0	0	0	966,081
Tausia lelei o mea faigaluega mo le Palama Auaunaga mo le faaleleia o Mea faigaluega a le Falemai	0	0	0	0	261,071
Mea faaoga mo le Fale Talavai (vaega 7: Faletuoloo o Fualaau)	0	0	0	0	1,657,417
Oka o Fualaau mo Fale Talavai (Vaega 7: Faletuoloo o Fualaau)	0	0	0	0	3,237,817
Oka o Vailaau (Vaega 17: Tausisoifua)	588,142	590,000	590,000	1,858	471,442
Meafaigaluega mo le Fale Suesue (Vaega 12: Auaunga ale Fale Suesue)	0	0	0	0	2,241,763
Auaunaga Moa Vao	0	0	0	0	269,178
Fuafuaga a le NEOC	497,411	500,000	500,000	2,589	0
Toe Foi mai o tagata faauu (Tulaga Tau Tomai Faapitoa)	1,983,396	1,500,000	1,500,000	(483,396)	2,365,186
Sapalai o Oka tetele mo meaai a le falemai	0	0	0	0	1,102,241
	7,107,043	8,948,144	8,948,144	1,841,102	16,022,209
Lisi o Fanua					
Totogi o Fanua – Falemai I Faleolo	69,583	73,750	73,750	4,167	55,455
Lisi o Fanua	33,768	34,200	34,200	432	0
	103,351	107,950	107,950	4,599	53,433
Lafoga	4,501,910	6,732,109	6,732,109	2,704,826	4,309,206
Aofaiga	11,718,104	16,899,304	16,099,304	2,540,530	4,086,515
AOFAIGA O TOTOGI – SOIFUA MALOLOINA	122,864,264	140,443,598	139,654,178	16,789,913	101,509,472
RISITI O TOTOGI	(117,796,722)	(134,932,759)	(134,143,339)	(16,346,617)	(96,508,443)

Fa'aogaina o Tupe a Poloketi o le Soifua Maloloina:

ATINAE O POLOKETI A LE MALO						
	<i>Faamatala</i>	2023	Tupe Faatatau Faavae	Risiti	Totogi	Paleni Faavae
		\$	\$	\$	\$	\$
Mealofa GDP						
UNDP Global Fund to fight Aid, TB & Malaria (UNDP)		1,001	0	0	5	996
Faamalositia o Polokalame o le Taifoi & Microbiological Lab Capacity in Samoa (Other)	2	136,231	325,860	492,568	218,901	(136,769)
Polokalame mo masini faata (AusAid)		(42,674)	0	31	0	(42,705)
Faalapotopotoga mo Tausisoifua Samoa (NZ)		3,551,283	0	144,243	68,913	3,475,953
Aoaoga mo Fefaatauaiga & Faafoega o Sapalai o Aisa mo Tui Puipui mo le afaigaluega (AusAid)		272,649	0	7,043	0	265,606
Tala ole Tupe a le Fa'alapotopotoga o le Soifua Maloloina 2022-2023 (WHO)		1,113,410	150,000	1,271,080	322,017	164,347
Meafaigaluega faafomai mo le Misela & Faamai Pipisi (JapAid)		471,066	0	12,859	0	458,206
Poloketi mo faalavelave faafuasei mo le Koviti-19 (World Bank)		1,141,971	1,564,129	43,765	38,100	1,136,306
ATINAE O POLOKETI A LE MALO						
	<i>Faamatala</i>	2023	Tupe Faatatau faavae	Risiti	Totogi	Paleni Faavae
		\$	\$	\$	\$	\$

Faamalosia o le telē e mafai ona oo iai le tui puipui fou i totonu ole Pasefika (Vaccine Project) (ADB)		(100,778)	1,042,753	7,564	383,653	275,311
Polokalame mo le Soifua maloloina o Tagata Samoa-IDA D527WS (World Bank)		6,276,125	4,024,400	170,881	0	6,105,244
Atunuu eseese o le Pasefika (MCWP) Polokalame Tuufatasi HIV/TB (UNDP)		(9,221)	257,434	346,453	203,975	(151,700)
UNFPA- Soifua Maloloina o Soifuaga Fanau 2021-2022 (MoH) (UNFPA)		(324,964)	244,266	55,701	369,169	(11,496)
Poloketi e faamalosia ai le tele e mafai ona oo iai le tui puipui fou i totonu ole Pasefika – Tupe Fa'aopo'opo (ADB)		(3,217,037)	1,303,441	21,886	497,151	(2,741,773)
Faamalosia o auunaga mai le ENT mo e iai manaoga tumau & MDS (AusAid)		57,399	0	0	38,623	96,022
Fale Suesue mo le Soifua Maloloina Lautele (NZ)		617,682	0	25,342	0	592,339
Tikeri mo le Faasaienisi Faasoifua Maloloina (NZ)		1,794,674	0	1,794,674	0	0
Faamalosia ole lelei ole aoga ole tui puipui fou i totonu o le Pasefika (COVAX)- UNICEF	<i>a+e</i>	239	100,000	0	0	239
WHO Grants (World Health Organisation)	<i>a</i>	50,582	0	0	0	50,582
Lagolago a le Malo o Ausetalia mo le Pipisi ole Koviti (AusAid)	<i>a</i>	9,474	0	0	0	9,474
Faalauiloga o Tui Puipui faaoga ai auala Faatekonolosi (UNICEF)	<i>a</i>	2,729	0	0	0	2,729
Polokalame o Soifuaga Fanau Soifua Maloloina/Poloketi (United Nations Population Fund)	<i>b</i>	(96,888)	0	0	0	(96,888)
Polokalame mo Faamaumauga o Fualaa ma Vailaa mo le Fale Talavai (Samoa) (Australian Aid)	<i>b</i>	(14,350)	0	0	0	626,179
Vaega a Ausetalia faapitoa mo Meafaigaluega faaoga mo i latou e le atoa le malosi ole tino (Mobility Device) (AusAid)	<i>b</i>	(24)	0	0	0	(24)
Auaunaga ole Soifua Maloloina o Mata (Other)	<i>b</i>	318	0	0	0	318
Tupe mo Fomai Siamani (Meafaigaluega Faafomai mo le Auaunaga) (Isi)	<i>d</i>	35,281	0	0	0	35,281
Totogi ole Auina mai- Mea Faigaluega mai Korea i Saute (Isi)	<i>d</i>	148,668	0	0	0	148,668
AOFA'IGA O FESOASOANI TAU TUPE MAI POLOKETI A LE MALO		11,874,845	9,012,283	4,394,091	2,140,496	10,262,447

**GALUEGA 'AUSIA A LE MATAGALUEGA O LE SOIFUA
MALOLOINA MO LE TAUSAGA FA'ALE-TUPE 2022/23 O
LOO FA'AVASEGAINA I POUTŪ O AUAUNAGA**

POUTŪ 1: FAIGA FA'AVAE, TULAFONO FA'ATONUTONU, FA'AFOEGA MA LE FA'ATINOGA O AUAUNAGA LAGOLAGO

O le fa'ataatiaga manino o le matagaluega, e tusa ma le sefulu (10) vaega o Auaunaga lagolagosua o loo faavae ai le Vaega Autu 1. O vaega nei e aofia ai:

Pusa 5: Vaega o loo i lalo o le Poutu 1 o Auaunaga o le Soifua Maloloina

VAEGA	FAAMATALAGA
Vaega 1	Ofisa o le Fa'atonu Sili Aoao o le Soifua Maloloina
Vaega 2	Auaunaga Lagolago ile Minisita
Vaega 3	Fuafuaga Alualu Mamao, Faiga Fa'avae ma Su'esu'ega o le Soifua Maloloina
Vaega 4	Fa'amautinoaga o Tulaga Lelei o Auaunaga o le Soifua Maloloina ma le Mata'ituina o Siamia
Vaega 5	Resitala ma Atina'ega o Tomai Fa'asoifua Maloloina
Vaega 6	Suesuega o Fa'ama'i & Tulafono Fa'atonutonu Fa'ava-o-Malo
Vaega 7	Faleteuoloa o Vaila'au ma Fuala'au mo Togafitiga
Vaega 8	Auaunaga o Fa'amatalaga o le Soifua Maloloina, Mata'ituina ma Iloiloga
Vaega 9	Auaunaga Fa'atekonolosi mo Fa'amatalaga ma Feso'ota'iga Fa'asoifua Maloloina
Vaega 10	Fa'afoega ma le Mata'ituina o le Fa'aoloaga o le Soifua Maloloina
Auaunaga Autasi 1	Fa'afoega o le Auaunaga
Auaunaga Autasi 2	Fa'afoega o Tupe ma Fa'ataua'iga
Auaunaga Autasi 3	Auaunaga mo le Puleaina ma le Tausia o Aseta

O le matafaioi faapitoa o vaega ese'ese o loo taua, latou te tuuina atu le lagolagosua e ala ile faatinoina o fautuaga mo faiga faavae ma tulafono fa'atonutonu, o le fa'afoeina ma le mata'ituina o punaoa ma aseta e fa'aoloaina ai le auaunaga a le Soifua Maloloina ma le faatinoga o a latou tiute tauave.

Vaega 1: Ofisa o le Faatonu Sili

O le vaega lenei e nafa ma le vaavaaia le faagasologa ma le faatinoga o tulafono, faiga faavae ma tulafono faatonutonu mo le saogalemu ma le manuia o le auaunaga. E le gata i lea, e nafa foi ma le fa'afoeina ma le mata'ituina o le galuea'ina o tulafono, tulafono fa'atonutonu ma faiga fa'avae e lima ta'ita'iina ai le fa'atinoga o auaunaga a le Soifua Maloloina. E fa'apea foi ona o latou fa'atinoina le mata'ituina ma le iloiloga aoatetele o alāfua e faatumauina ai le tulaga o le maua e tagata uma o auaunaga mo'omia o le Soifua Maloloina auā le soifua maloloina o le mamalu o le atunu'u.

O matafaioi fa'atulafonoina a le Ofisa o le Faatonu Sili Aoao e aofia ai:

- (i) Galuega fa'a-failautusi ile Ofisa o le Faatonu Sili
- (ii) Auaunaga lagolago faapitoa e faatinoina galuega Fa'aletulafono (Loia) ma
- (iii) Suetusi Fa'alotoifale ale Matagaluega

Aufaigaluega

E sefuluono (16) avanoa faigaluega i lalo o lenei auauunaga, peitai e nao le 13 sa mafai ona faafaigaluegaina ile tausaga ua mavae. E tolu avanoa o loo sailia pea nisi e agavaa e faafaigaluega ai.

Pusa 6: Aufaigaluega a le Ofisa o Faatonu Sili Aoao

Ofisa o le Faatonu Sili	Su'etusi Faalotoifale	Vaega o Tulafono (Loia)
1. Faatonu Sili Aoao o le Soifua Maloloina	1. Ofisa Sili Lagolago Suetusi	1. Ofisa Sili Lagolago mo Tulafono
2. Faatonu Sili Lagolago o Falemai ma Togafitiga	2. Ofisa Sinia Autu Suetusi = 2	2. Ofisa Sinia Autu mo Tulafono (Avanoa)
3. Pule Sili Lagolago o Soifua Maloloina Lautele	3. Ofisa Sinia Lagolago Suetusi	
4. Ofisa Sinia Tau Fesoota'iga (Avanoa)	4. Suetusi Lagolago = 1	
5. Ofisa Lagolago	5. Suetusi Lagolago = 1 (Avanoa)	
6. Ofisa Lagolago mo Falemai ma Togafitiga		
7. Ofisa Lagolago Sili Lagolago Soifua Maloloina Lautele		
8. Failautusi Lagolago		

Tala Faatatau o le Tupe ma lona Faaaogaina:

Tupe Fatatau mo le Tausaga	Tupe Faaaogaina	Tupe Totoe	% o Tupe Fa'aalu
SAT1,394,315	SAT1,231,527	SAT162,788	88.32%

E tusa ma le SAT1, 394,315.00 na faamatuu mai mo le faatinoina o galuega a le Ofisa o le Fa'atonu Sili Aoao o le Soifua Maloloina. E maea ane lenei tausaga faaletupe, ua mafai ona fa'aaoga le 88.32% o le tupe e tusa lea ma le SAT1,012,315,270. O tupe totoe e tusa ma le SAT162, 788.00 o le paleni e le i mafai ona fa'aaogaina ona o avanoa faigaluega e lei faatumuina i totonu o le tausaga faaletupe lenei.

Galuega Ausia:

1. Fonotaga Fa'aitulagi ma Faava-o-Malo

O fonotaga Faava-o-malo ma Fa'aitulagi I tausaga taitasi, e auai ai le Faatonu Sili o ia foi o le Fa'auluuluga o Vaega Eseeese o le Soifua Maloloina I Samoa, e avea ma sui aua le faaleoina o manatu i totonu o fonotaga i tausaga taitasi.

I lenei tausaga faaletupe, sa mafai ona auai le Faatonu Sili i nei fonotaga. O fonotaga nei:

Fonotaga Fa'aitulagi ma Faava-o-Malo	Aso
1. Fonotaga lona 73 ole Itulagi ale Pasefika i Sisifo	24-28 Oketopa 2022
2. Fonotaga a Soifua Maloloina ole Polenisia e faatatau ile tali atu ile koviti-19 ile Pasefika i Sisifo	Aukuso 2022
3. Fonotaga a Samoa e lua - ATOA Samoa	27 - 28 Iulai 2022
4. Fonotaga a Samoa e lua - ATOA Samoa	13 - 14 Oketopa 2022
5. Fonotaga a Taitai o Soifua Maloloina ile Pasefika	20 - 21 Setema 2022

Fonotaga Fa'aitulagi ma Faava-o-Malo	Aso
6. Asiasiga ile Fale Suesue o Toto i Suva i Fiti	Tesema 2022
7. Fonotaga mo le Soifuaga Atiae o le Tamaititi i Suva i Fiti	20-25 Fepuari 2023
8. Fonotaga a Atoa o Samoa ma Minisita ole Matagaluega ole Soifua Maloloina, Pago Pago Amerika Samoa	12-14 Aperila 2023
9. Fonotaga a Malo ole Taupulega mo Komiti Faufautua ole Soifua Maloloina (Taitai o Soifua Maloloina), Lonetona	15-23 Aperila 2023
10. Fonotaga lona 76 Tuufaatasiga mo Soifua Maloloina ile lalolagi, Geneva i Suiselani.	14 Me - 4 Iuni 2023
11. Fonotaga a Minisita o Soifua Maloloina ma le Faalapotopotoga o Soifua Maloloina ile Lalolagi i Barbados	14-20 Iuni 2023

2. Fonotaga a le Pulega Autasi ma Tulafono Faatonutonu ma le Pulega a le Matagaluega

O le Poutū 1 "Pulega Autasi ma Tulafono Faatonutonu a le Matagaluega e faatino a latou fonotaga i vaiaso taitasi, ao le Pulega a le Matagaluega e faia a latou fonotaga e taitasi ile masina. E soalaupule ai ma talanoaina ai le faatinoga o fuafuaga ma polokalame aemaise o le faamautinoaina o le o gatasi pe a o galuega faatino agai i vaega e ave iai le faamuamua faasoifua Maloloina.

3. Fa'a'au'auina o le Tuufaatasiga ole Auaunaga ole Soifua Maloloina ma le Matagaluega faatasi ma le Fesoasoani mai le Komisi o Galuega a le Malo.

Na amata le faatinoga o le faamoemoe a le Matagaluega ile 2023, ma muai suesue ai totogi o ovataimi e lei mafai ona faia ile fa tausaga ua mavae. Na maitauina ai le tele o totogi Faasili o itula faigaluega sa totogi atu ma maua ai nai tupe ale Matagaluega. Ua tele avanoa faapitoa ua maua mai le iloiloga a le Komisi o Galuega a le Malo ma ua toe feutagai ai nei mo le fa'a'au'auina. Na maea le laasaga muamua ole Iloiloga ale Komisi o Galuega a le Malo ia Iuni 2023.

4. Tuuina atu o Fautuaga Faasoifua Maloloina i Vaega 'Ese'ese ma Paaga o Atinae a le Matagaluega

O le avea ai ole Matagaluega ole Soifua Maloloina ma taitai o vaega eseese ole Soifua Maloloina, o loo taulamua ai pea ile faamaopo'opoina o paaga ma vaega galulue ole Soifua Maloloina e faatautaia faatalanoaga, e iloiloina ai ma lauliuliu ai faiga faavae ma fuafuaga alualu mamao ole Matagaluega.

5. Tuuina atu o Auaunaga Lagolago Faaletulafono

O le Vaega o Tulafono i lalo o le Ofisa o le Faatonu Sili e nafa ma le tuuina atu o auaunaga lagolago faaletulafono pe a manaomia e vaega uma o auaunaga tau soifua maloloina I lenei tausaga faaletupe, na mafai ai e le Faufautua Faaletulafono ona:

- (i) Tuuina atu o fautuaga faaletulafono ma manatu I mataupu uma e faasino I tulafono faa soifua maloloina.
- (ii) Saunia pepa faaletulafono e pei o le Memorandum of Understanding, Maliega Auaunaga, Konekarate, Fesoasoani ma Maliega lisi e manaomia e lagolago ai le faatinoga o poloketi a le Matagaluega o le Soifua Maloloina ma
- (iii) Fesoasoani i faamasinoga faaletulafono, iloiloga ma teuteuga o tulafono faalesoifua maloloina.

6. Auaunaga Su'etusi Faalotoifale

O le matafaioi a le Vaega o Su'etusi Lotoifale o le tuuina atu lea o le faamautinoaga o loo faagaioioi lelei le faafoega o lamatiaga, pulega ma faiga faalotoifale a le Matagaluega o le

Soifua Maloloina. E le gata I lea, latou te faamaonia foi o se puipuiga I le sailia o le solia o tulafono, tulafono faatonutonu ma aiaiga o konekarate ma maliega

I totonu o lenei tausaga faaletupe, na mafai ai e le Vaega o Su’etusi Lotoifale ona faatinoina mea nei.

- (i) Fausia ma faatino Fuafuaga Galuega Su’etusi Faaletausaga MO LE Tausaga Faaletupe 2022/23
- (ii) Tuuina atu fautuaga su’etusi I le Ofisa o le Faatonu Sili e fesoasoani I le faia o faai’uga
- (iii) Faatino su’etusi faatatau I tulaga lamatia mo totogi a le MOH, PforR, ADB Vaccines Project, Taitotonu Su’etusi Tausaga Faaletupe 20/21 & 21/22
- (iv) Faatino suesuega Faaletausaga FY21/22, suesueina o sapolai faafoma’I ua uma aso ma mea’ai fa’aaoga a le MOH
- (v) Faia siaki faapitoa ma asiasiga I nofoaga uma o le Soifua Maloloina moa seta ma tinoitupe.
- (vi) Faatino mua’I suesuega ma suesuega pe a talosagaina e le Faatonu Sili o le Soifua Maloloina

Vaega 2: Auaunaga Lagolago ile Minisita o le Soifua Maloloina

O lenei vaega e latou te fa’atinoina auaunaga faafailautusi ma auaunaga lagolago mo le Ofisa o le afioga ile Minisita o le Soifua Maloloina ma Minisita Lagolago o le Soifua Maloloina.

Aufaigaluega

E toafa (4) le aufaigaluega a o loo faigaluega i lalo o le Ofisa o le Afioga i le Minisita a le Soifua Maloloina, e ese mai ile Afioga i le Minisita o le Soifua Maloloina ma ana Minisita Lagolago e 2. Ua faatumuina uma avanoa e pei ona faaalua i le Pusa 7 o I lalo.

Pusa 7: Aufaigaluega Faafaigaluega ile Ofisa o le Minisita o le Soifua Maloloina

Ofisa o le Minisita o le Soifua Maloloina

1. Afioga ile Minisita o le Soifua Maloloina
2. Minisita Lagolago o le Soifua Maloloina (2)
3. Failautusi
4. Failautusi Lagolago
5. Ofisa Lagolago
6. Ave Taavale

Tala Faatatau o le Tupe ma lona Faaaogaina:

Tala Faatatau o le Tupe ile Tausaga	Tupe Faaaogaina	Tupe Totoe	% o Tupe Fa’aalu
SAT738,129.00	SAT671,131.00	SAT66,998.00	90.92%

O le Tala Faatatau o le tupe ua faamaonia mo lenei Vaega mo lenei Taulaga Faaletupe a SAT738,129. I le Faaiuga o le tausaga faaletupe, sa mafai ai e lenei Vaega ona faaoga le 90.92% o lana tala o le tupe faamaonia e SAT671, 131. O le paleni o totoe e SAT66, 998.

Galuega Ausia

I lenei tausaga faaletupe, na mafai ai e lenei vaega ona faatinoina mea nei e lagolagoina ai le tuuina atu o auaunaga faalesoifua maloloina I le atunuu.

1. Fonotaga Faasoifua Maloloina Fa'aitulagi ma le Kelope

E ui na tapunia tuaoi faavaomalo I lenei tausaga faaletupe ona o le COVID-19 I le lalolagi, e leo taofia ai le Afioga ile Minisita ole Soifua Maloloina mai le auai I fonotaga faalesoifua maloloina faavaomalo ma faaitulagi ina ia mafai ai e Samoa ona fai sona sao ile lalolagi atoa aemaise ole itulagi lenei.

I lenei tausaga faaletupu, o le Afioga I le Minisita o le Soifua Maloloina na mafai ona auai le I fonotaga nei ma avea e fai ma sui ole Malo o Samoa.

Fonotaga Faava-o-Malo ma le Atunuu	Aso	Nofoaga
1. Fonotaga Tele lona 76 ole Soifua Maloloina ole Lalolagi	22-28 Me 2023	Sineva, Suitiselani
2. Fonotaga lona 15 a Minisita o le Soifua Maloloina o le Pasefika	22-23 Mati 2023	Funafuti, TUVALU
3. Fonotaga lona 73 a le Itulagi o le Pasefika i Sisifo o le Soifua Maloloina	25-29 Oketopa 2023	Himeji, JAPAN
4. Fonotaga Lona 13 a Ta'iulu o le Soifua Maloloina ile Pasefika	6-7 Oketopa 2023	Suva, FIJI

Vaega 3: Fuafuaga Alualu Mamao, Faiga Fa'avae ma Su'esu'ega o le Soifua Maloloina

O lenei vaega o loo nafa ma le tuuina atu o fautuaga tau faiga fa'avae ma fuafuaga ile Ofisa o le Faatonu Sili Aoao o le Soifua Maloloina e logoina ai le faia o faai'uga ma fautuaga faavae i le Ofisa o le Minisita o le Soifua Maloloina e tusa ai ma le Tulafono o le Matagaluega o le Soifua Maloloina 2006 (teuteuga i le 2019), ma isi tulafono talafeagai mo le soifua maloloina.

O galuega faatulafonoina a lenei Vaega e aofia ai:

- (i) Fuafuaga Alualu Mamao
- (ii) Fausiaina ma le Iloiloga o Faiga Fa'avae ma
- (iii) Suesuega o le Soifua Maloloina

Aufaigaluega

O lenei vaega e aofia ai tagata faigaluega nei:

1. Ofisa Sili Lagolago

Pusa 8: Aufaigaluega a le MOH o loo faafaigaluegaina ile Vaega o Fuafuaga Alualu Mamao, Faiga Faavae ma Su'esu'ega

Auaunaga Tau Fuafuaga Alualu Mamao	Vaega o le Fausia ma le Iloiloga o Faiga Fa'avae	Suesuega o le Soifua Maloloina
1. Taiulu o Auaunaga tau Fuafuaga Alualu Mamao 2. Ofisa Sinia tau Fuafuaga Alualu Mamao (Avanoa) 3. Ofisa Tau Fuafuaga Alualu Mamao	1. Taiulu o Auaunaga Tau Fausia ma le Iloiloga o Faiga fa'avae 2. Ofisa Sinia tau Fausia ma le Iloiloga o Faiga Faavae 3. Ofisa tau Fausia ma le Iloiloga o Faiga Faavae	1. Ta'iulu o Auaunaga tau le Suesuega o le Soifua Maloloina

E toaiva (9) le afaigaluega sa faaigaluegaina i lalo o le Fuafuaga Alualu Mamao, Vaega o Faiga Faavae ma Suesuega O avanoa uma ua faatumuina e pei ona faaalua ile Siata 8 o I luga.

Tala Faatatau o le Tupe ma lona Faaogaina:

Tala Faatatau o le Tupe ile Tausaga	Tupe Faaogaina	Tupe Totoe	% o Tupe Fa'aalu
SAT913,377.00	SAT859,007.00	SAT54,371.00	94%

O le tala o le tupe ua faamaonia mo lenei Vaega, e faaogaina I lenei tausaga faaletupe e SAT913,377. I le Faaiuga o le tausaga faaletupe, na mafai ona latou faaogaina le 94% o le latou paketi SAT859,007. O le SAT54,371 (6%) o totoe e lei faaogaina mo avanoa tau Ofisa o vaega mo Faiga Faavae ma Fuafuaga Alualu Mamao na faatoa amata faaigaluegaina ile mae'a ai o le kuata muamua o le tausaga faaletupe.

Galuega Ausia

I lenei tausaga faaletupe lenei, na mafai ai e lenei Vaega ona faatino ma ausia galuega nei e lagolago ai le faatinoina o a latou galuega faatulafonoina:

1. Fausiaina o Lomiga a le Soifua Maloloina

O se tasi o galuega faatulafonoina a lenei Vaega o le fausiaina lea o fuafuaga, ta'iala, faiga faavae ma taiala faatonutonu o loo talosagaina e vaega eseese o auaunaga faalesoifua maloloina vaega tumaoti ma le soifua maloloina lautele (soifua maloloina lautele, falema'i ma pulega) e limata'ita'iina ai le faatinoga o a latou galuega.

I lenei tausaga faaletupe, o nisi nei o lomiga sa mafai ona tapenaina i totonu o le tausaga faaletupe lenei e lagolagoina ma atia'e ai le faatinoga o le soifua maloloina.

Fuafuaga Alualu Mamao	Faiga Faavae	Taiala
1. Ta'iala mo le Fa'afaoeina o Auaunaga mo le Kanesa o Totoga Fanau o le Tina 2023	1. Faiga Faavae mo Auaunaga Fa'alauiloa o le Soifua Maloloina 2022-2027	1. Taiala mo le Taumafa Tatau ma le Maloloina mo Samoa
2. Fuafuaga Autasi le tumau a le Matagaluega o le Soifua Maloloina mo le TF2023/24-TF2024/25	2. Faiga Faavae mo Taumafa 2021-2026	2. Lomiga lona 3 o le Ta'iala o Alafua mo le Fa'afaoeina o Ma'itaga ma le Fa'afanauina o Pepe
	3. Faiga Faavae mo Faalavelave lē Fuafuaina ma Tutupu Faafuasei ile faatinoina o le auaunaga Soifua Maloloina 2022/2023-2027/2028	3. Taiala mo le faatinoga o Tui Puipui ole HPV mo alo ma fanau teine
	4. Faiga Faavae ole Ava Malosi 2023-2028	4. Taiala mo le faatinoga o Tui Puipui ole PCV
	5. Toe lauliliuina o le Faiga Faavae ole Gasegase Auina i Fafu mo Togafitiga 2023	5. Taiala mo le faatinoga o Tui Puipui o le Rotavirus
		6. Taiala mo le faatinoga o Tui Puipui masani mo le afaigaluega ole Soifua Maloloina,

2. Iloiloga o Lomiga o le Soifua Maloloina

I totonu o le tausaga faaletupe o loo lipotia, sa faatautaia e le Vaega o Fuafuaga Faataatia, Faiga Faavae ma suesuega a le Matagaluega o le Soifua Maloloina faatasi ai ma isi vaega o le soifua maloloina sa faatautaia iloiloga mo pepa faalesoifua maloloina nei:

Fuafuaga Alualu Mamao	Faiga Faavae	Taiala
1. Fuafuaga Autasi a le Soifua Maloloina TF2020/21*-2022/23	1. Faiga Faavae mo Faalauiloa Faasoifua Maloloina 2010 - 2015	1. Ta'iala mo le Fa'afoeina o Tui Puipui masani
	2. Faiga Faavae mo le Mata'ituina o Faamai afi ma siama e mafua mai feusuaiga 2017 - 2022	
	3. Faiga Faavae mo le Auina i Fafu o Gasegase mo Togafitiga 2019	
	4. Faiga Faavae mo Taavale ale Matagaluega 2014	
	5. Faiga Faavae mo Faalavelave lē Fuafuaina ma Tutupu Faafuasei ile faatinoina o le auunaga Soifua Maloloina	
	6. Faiga Faavae ole Ava Malosi 2016 - 2021	

3. Su'esu'ega Soifua Maloloina

O le faamaopopoina o talosaga mo su'esu'ega faalesoifua maloloina mo le Komiti o Su'esu'ega Faalesoifua Maloloina e su'esu'e ma faamaonia, o se tasi lea o matafaioi autu a le vaega o Faiga Faavae ma Su'esu'ega.

E fitu (7) talosaga mo su'esu'ega faalesoifua maloloina na maua ma faamauina I lalo o le Resitala Su'esu'ega Soifua Maloloina I totonu o lenei tausaga faaletupe, e 10 mai ile 15 talosaga ma ua uma ona sainia lea Memorandum of Understanding I le va o le Matagaluega ma le au suesue taitasi ae o le isi 5 talosaga na talia o loo tālia le sainia o le MOU a'o faaaauu feutanaiga mo le maliliega a itu e lua.

E 15 ripoti o su'esu'ega faalesoifua maloloina na tuuina atu I le Matagaluega o le Soifua Maloloina e ala I le komiti o Su'esu'ega Faalesoifua maloloina mo le sailia o se faatagaga mo le faasalalauina. O nei mea uma na faamaonia e le Komiti ina ia faasalalaina, ma o nisi o lipoti su'esu'ega na faaaogaina ile atina'eina o le National Health Promotion Policy 2022-2027, National Vector Control Strategy ma fesoasoani foi ile toe iloilo o le National NCD Policy 2018-2023 Indicators.

4. Faatinoga o Auaunaga Faafailautusi mo Komiti Faufautua o le Soifua Maloloina mo Upolu ma Savai'i

E iai isi matafaioi faaopoopo a le Vaega lenei o Fuafuaga Alualu Mamao, Faiga Faavae ma Suesuega o le Soifua Maloloina, e ese mai ana matafaioi faatulafonoina. E aofia ai ma le faatinoga o auaunaga faafailautusi mo Komiti Faufautua o le Soifua Maloloina mo Upolu ma Savaii. O nei komiti e ta'ita'ifono ai le afiga ile Minisita, Hon. Valasi Luapitofanua

Toogamaga Selesele, ae sui taitaifono aile afioga ile Minisita Lagolago, Afioga Foisala Lilo Tu'u Ioane.

E masani ona fono komiti mo Upolu ma Savaii i masina taitasi ma sui usufono e tuuina atu faamatalaga/ ripoti i faafitauli tau le soifua maloloina na latou matauina i totonu o nuu ma afioga ile afioga ile Minisita o le Soifua Maloloina ma le Matagaluega o le Soifua Maloloina e taalanoaina ma tuuina atu gaioga talafeagai

Vaega 4: Faamautinoaga o Tulaga Lelei o Auaunaga ole Soifua Maloloina ma le Mata'ituina o Siam

O le Vaega o Auaunaga mo le Fa'amautinoaga o Tulaga Lelei o Auaunaga o le Soifua Maloloina ma le Mata'ituina o Siam e latou te fa'afoeina auaunaga tau ta'ita'iga mo tomai faapitoa ma tuuina atu fautuaga ina ia lelei ai le fa'atinoga o le mata'ituina, faatonutonu faatulafuoina ma le fa'aaauaaina o le atina'ega o tomai o le aufaigaluega ile fa'amautioaina o tulaga lelei e faatinoina ai auaunaga ma le mata'ituina o siam e tusa ai ma le Tulafono a le Matagaluega o le Soifua Maloloina toe teuteuina ile 2019 ma isi tulafono talafeagai.

O matafaioi faatulafono a lenei vaega e aofia ai:

- (i) Tuuina atu o fautuaga tau ta'itaiga faatomai faapitoa o le soifua maloloina
- (ii) Mata'ituina o tulaga lelei o le faatinoga o auaunaga o le soifua maloloina ma le
- (iii) Mata'ituina o auaunaga mo le puipuiga o siam.

Aufaigaluega

O lenei aufaigaluega e aofia ai tagata nei:

- 1. Ofisa Sili Lagolago

Pusa 9: Aufaigaluega a le Vaega Faamautinoaina Tulafa Lelei ole Auaunaga o le Soifua Maloloina ma le Mata'ituina o Siam

Faamautinoaina o Auaunaga Lelei o le Soifua Maloloina	Puipuiga ma le Mata'ituina o Siam
1. Taiulu o le Faamautinoaga o Auaunaga lelei Faafoma'i	1. Taiulu o Auaunaga mo Puipuiga ma le Puleaina o Siam
2. Taiulu o le Faamautinoaga o Auaunaga lelei Faafoma'i Nifo	2. Ofisa Sinia o Auaunaga mo Puipuiga ma le Puleaina o Siam
3. Taiulu o le Faamautinoaga o Auaunaga lelei Faatausisoifua ma Faatosaga	3. Ofisa Sinia o Auaunaga mo Puipuiga ma le Puleaina o Siam (TTM)
4. Taiulu o Auaunaga Tau Faatonutonu Faale-Tulafono mo Fomai	4. Ofisa Sinia o Auaunaga mo Puipuiga ma le Puleaina o Siam (MTII ma Falemai Faaitumalo i Savaii)
5. Ofisa Sinia mo le Faamautinoaga o Auaunaga lelei Faafoma'i Nifo	5. Ofisa Sinia o Auaunaga mo Puipuiga ma le Puleaina o Siam (Falemai Faaitumalo i Upolu ma le Vaega o Auaunaga mo le Soifua Maloloina Lautele)
6. Ofisa Sinia mo le Faamautinoaga o Auaunaga lelei mo tomai lagolago faapitoa o le soifua maloloina	
7. Auaunaga Tau Faatonutonu Faale-Tulafono mo Falemai Faaitu Malo ma Auaunaga o le Soifua Maloloina Lautele	

E sefulu ma le tolu (13) le aufaigaluega galulue i lenei vaega faatasi ai ma le Pule Sili lagolago. E sefulu (10) avanoa na mafai ona faatumu ile tausaga lenei ae totoe le 2 o avanoa e lei maua lava se isi e faafaigaluega ai.

Tala Faatatau o le Tupe ma lona Faaaogaina

Tala Faatatau o le Tupe ile Tausaga	Tupe Faaaogaina	Tupe Totoe	% o Tupe Fa'aalu
SAT1,450,807	SAT1,119,535	SAT331,273	77%

O le tala o le tupe faamaonia mo lenei Vaega e faaaogaina I lenei tausaga faaletupe e SAT,450,807, I le Faaiuga o le tausaga faaletupe, sa mafai ona latou faaaogaina le 77% o le latou paketi le SAT1,119,535. O le isi SAT331,273 (23%) e lei faaaogaina mo le avanoa e pei ona faailoa atu I luga e lei mafai ona faatumuina I totonu o le tausaga faaletupe.

Galuega Ausia

1. Mata'ituina o le Tausisia e Tomai Faapitoa o le Soifua Maloloina o Ta'iala ma Alafua Faatitia mo le Faatinoga o a latou Galuega

O se tasi o matafaioi faatulafonoina a le Vaega lenei, e aofia ai le mata'ituina o le tausisia e tomai faapitoa o le soifua maloloina o ta'iala ma alãfua o le faatinoga o a latou galuega.

I le tausaga faale-tupe lenei, sa faatinoina ai e lenei vaega le faatinoga o auaunaga a tomai faapitoa o le soifua maloloina e tali atu ai ile Koviti-19. E le gata i lea, ae sa mata'ituina foi le puipuiga ma le faaititia o le pepesi ai o lenei siama i totonu o falema'i uma i Upolu ma Savaii, ina ia mautinoa o lo o tausisia aiaiga o le faatinoga o lenei galuega

2. Fa'amaea le Iloiloga o Alafua ma Ta'iala mo Auaunaga Tau Tomai Faapitoa o le Soifua Maloloina

I le tausaga faaletupe lenei, sa mafai ai ona tuufatasia e le Vaega lenei se Tusi Ta'iala mo le Fa'afoeina o Puipuiga ma le Fa'aititia o le Pepesi o Siama, e ta'ialaina ai le fa'atinoga o nei auaunaga o le soifua maloloina.

E le gata i lea, ae sa faapea ona faatautaia ai foi ma le Iloiuloga o le Faiga Fa'avae mo le Fa'afoeina o Auaunaga mo ni Fa'alavelave Tutupu i totonu o le Falema'i 2014. O lenei galuega sa galulue fa'atasi ai ma isi paaga o le soifua maloloina. O le tualumaga o lenei iloiloga ma le toe fa'afuina o lenei faiga fa'avae, o le a alia'e ile ripoti faale-tausaga o le tausaga faale-tupe o lumana'i.

3. Aoaoga mo le faalauteleina o le tomai ole afaigaluega

Sa faatino aoaoga e faalautele ai le tomai o le afaigaluega faatoa ulufale ile Matagaluega mo le taimi muamua faapea ai foi ma le afaigaluega mo togafitiga. O ia aoaoga e aofia ai Alafua mo Puipuiga o Siama aemaise o Puipuiga e Tetee atu i Faamai.

4. Asiasiga Fa'afuasei ile falemai ma Suetusi Faalotoifale

O le faafoeina o asiasiga faalilolilo ma le su'etusiina o auaunaga faatino i falemai taitasi, o le tasi foi lea matafaioi faatulafonoina a lenei vaega. I le tausaga faaletupe lenei, o nisi nei o asiasiga sa mafai ona o latou faatinoina:

- (i) Tausisia e falema'i uma o auaunaga tau le puipuiga ma le fa'aititia o le pepesi o siama;
- (ii) Faafoeina o auaunaga mo le soifua maloloina o nifo i totonu o falema'i laiti mo nifo i Savalalo ma Malifa
- (iii) Tina fananau maliliu ile 2021

Vaega 5: Resitala ma le Atina'ega o Tomai Faapitoa ole Soifua Maloloina

O le vaega leni e latou te galueaina le Tulafono o le Faamauina ma le Resitalaina o Tomai Faapitoa o le Soifua Maloloina 2007; ma tuuina atu fautuaga i Fono a Tomai Faapitoa o le Soifua Maloloina, e fesootai ma le resitalaina o tomai faapitoa o le soifua maloloina, o le faamatuu atu o tusi faamaonia e galulue ai tomai faapitoa eseese ma le tulaga tau le lē tausisia o alāfua o auaunaga.

O a latou matafaioi faatulafonoina e aofia ai:

- (i) Mataitu ma faatino le resitara mo tomai faapitoa ma auaunaga lagolago o le soifua maloloina e pei ona pasia e le laulaufono o tomai faapitoa o le soifua maloloina
- (ii) Faafoe faatinoga ma faaseā tuuina mai e le atunuu e faasaga I tomai faapitoa o le soifua maloloina.

Aufaigaluega

O leni Vaega e aofia ai le aufaigaluega nei:

1. Ofisa Sili Lagolago

Pusa 10: Aufaigaluega Faafaigaleugaina ile Vaega o Auaunaga tau Resitala ma le Atina'ega o Tomai Faapitoa ole Soifua Maloloina

Resitala o Tomai Faapitoa o le Soifua Maloloina ma le Atina'ega o Tomai Faapitoa

1. Taiulu mo Tomai Lagolago Faapitoa
2. **Taiulu mo Tausisoifua Soifua Maloloina**
3. Ofisa Resitara Sinia
4. Ofisa Lagolago

E to'afa (4) le aufaigaluega sa faafaigaluegaina i lalo o le Resitala o Tomai Faapitoa o le Soifua Maloloina ma le Atina'ega o Tomai Faapitoa e le aofia ai le latou Ofisa Silisili Lagolago. E tolu (3) avanoa na faatumuina ae tasi le avanoa e lei mafai ona faafaigaluega ai se tasi.

Tala Faatatau o le Tupe ma lona Faaaogaina

Tala Faatatau o le Tupe ile Tausaga	Tupe Faaaogaina	Tupe Totoe	% o Tupe Fa'aalu
SAT1,429,456	SAT1,317,573	SAT111,882	92%

O le tala o le tupe faamaonia mo leni Vaega e faaaogaina i leni tausaga faaletupe e SAT1, 429,456. I le faaiuga o le tausaga faaletupe, sa mafai ona latou faaaogaina le 92% o le latou paketi e pei o le SAT1, 280,071.00. O le totoe ai o le SAT111, 882 (18%) e le'i faaaogaina, e mo le avanoa e le'i faatumuina e pei ona faailoa atu i luga i totonu o le tausaga faaletupe leni.

Galuega Ausia

1. Mata'ituina o le Tausisia e Tomai Faapitoa o le Soifua Maloloina o Aiaiga Fa'ale-Tulafono o le Resitala

E pei ona ta'ua i luga o se tasi o galuega faatulafonoina a le Vaega o Resitala ma le Atina'ega o Tomai Faapitoa, o le mata'ituina lelei lea o le usita'ia e e tomai faapitoa o le soifua maloloina e aofia ai ma foma'i tomai lagolago faapitoa o aiaiga faaletulafono o lo latou resitalaina, e pei ona faamanino i totonu o le Tulafono o le Fa'amauina ma le Resitala o Tomai Faapitoa o le Soifua Maloloina 2007.

I lenei tausaga faaletupe, sa lipotia mai ai o le 82% o tomái faapitoa ma tomái faapitoa lagolago o le soifua maloloina sa usita'ia ma faamalieina aiaiga faaletulafono o lo latou resitalaina. O le isi 18% e le'i usita'ia.

2. Tuuina atu o Tusipasi Fa'afaigaluega Fa'aletausaga (APC) mo Tomái Faasoifua Maloloina

O le pusa (Pusa 11) o loo i lalo o lo o faailoaina atu ai le aofai o Tusi Pasi Aloaia na tuuina atu i tomái faapitoa ile tausaga faale-tupe lenei.

Pusa 11: Tusipasi o Faatinoga Tuuina atu mo Tomái Faapitoa TF 2022/23

Tomái Faapitoa o le Soifua Maloloina	Aofai o Tusi Pasi Aloa'ia e Faafaigaluega ai
Tausisoifua Faamauiina	127
Tausisoifua Resitalaina	498
Fomai	84
Tomái Tuto'atasi	42
Fomai Nifo (fomai tumaoti ma fomai i Falemai a le Malo)	18
Inisinia ma Tomái Faapitoa Fesoasoani	17
Tomái Lagolago Faapitoa ole Soifua Maloloina	37
Tusi Pasi mo fomai galulue le tumau	43

3. Aoaoga mo le Aafaigaluega mai Tomái Faapitoa Ese'ese

O loo fa'ailoaina atu le aofai o aoaoga sa faatautaia i lenei tausaga mo tomái faapitoa ese'ese ole Soifua Maloloina

Pusa 12: Aoaoga na faatautaia ile TF 2022/23

Aoaoga	Aso
1. Soifua Maloloina o le Siosiomaga	10/06/2022
2. Combined Induction for Medical, Dental, Pharmacy & Allied Health Professionals	31/06/2022
3. Fonotaga mo Alafua o Tomái Faapitoa Fesoasoani – Vaega 1	20/10/2022
4. Fonotaga mo Alafua o Tomái Faapitoa Fesoasoani – Vaega 2	21/10/2022
5. Aoaoga lona tolu mo Falemai Faaitumalo mo Tausia lelei o Taliga ma le Faalogo – Vaega 1	27/10/2022
6. Aoaoga lona 3 mo Falemai Faaitumalo mo le Tausia lelei o Taliga ma le Faalogo – Vaega 2	28/10/2022
7. Aoaoga mo le Faaogaina o Vaega Manaomia mo Togafitiga mo le aafaigaluega Fa'i nifo – Vaega 1& 2	3 – 4 Oketopa 2022
8. Aoaoga mo le Faaogaina o Vaega Manaomia mo Togafitiga o gasegase mo le aafaigaluega a le Faata – Vaega 1& 2	30/11/22 – 1/12/22
9. Aoaoga mo le Lauliliuina o galuega Faatino ma alafua mo le falemai mo le aafaigaluega a le Faata – Vaega 1& 2	8-9 Tesema 2022
10. Aoaoga mo le aafaigaluega e tausia le lelei o masina faigaluega a le Matagaluega.	19-20 Tesema 2022
11. Aoaoga Toe faamanatu mo le mataituina lelei o faamaumaga ma le Tupaia mo Tagata faigaluega a Savaii	21-25 Aukuso 2022
12. Aoaoga Toe Faamanatu mo mata'ituina lelei o	26/08/2022

Aoaoga	Aso
faamaumauga ma le Tupaia mo Tagata Faigaluega a Upolu	
13. Aoaoga mo le faamaumauga ma le mata'ituina o le polokalame mo fale talavai	
14. Aoaoga mo le Tupaia	9-23 Setema 2022

4. **Faafuaga o faaseā a ma'i ma faaseā faasaga i Tomai Faalesoifua Maloloina**

O se tasi o galuega autu a lenei vaega o le faafuaina lea o faaseā ma faitioga a gasegase e faatatau i le faatinoga ma amioga a le afaigaluega o le soifua maloloina.

I totonu o lenei tausaga faaletupe, e na'o le tasi le faaseā aloa'ia na fa'ao'o i le Ofisa o le Resitara ma sa tuuina atu i luma o le Fono Faafuaga o le Soifua Maloloina mo a latou su'esu'ega ma le faia o se faai'uga.

5. **Faafuaga ma le Puleaina o Aoaoga mo le Toe Atina'eina o Tomai Faapitoa o le Soifua Maloloina**

O le taua o le faatinoina o polokalame faamaonia mo le atina'ega o tomai faapitoa o le soifua imaloloina, e le na'o le faalauteleina o lo latou malamalama i o latou lava tomai faapitoa, ae faapea fo'i le faatinoga o mana'oga e maua ai Tusi Pasi e Galulue ai i tausaga ta'itasi.

Soo se tomai faapitoa o le soifua maloloina e moomia le faatinoina o aoaoga e atina'e ai tomai ma agavaa e faatinoina ai a latou matafaioi. Sa faatinoina aoaoga faapenei ile tausaga faale-tupe lenei mo tomai faapitoa uma o le soifua maloloina.

6. **Aoaoga Faalauiloa Amata mo le Afaigaluega Fou ole Soifua Maloloina**

E taua tele le faatinoga o aoaoga faalauiloa amata mo le afaigaluega fou o le Matagaluega, ina ia lava ai lo latou silafia i matafaioi faatulafonoina o le Matagaluega faapea ai ma le fesoota'iga o latou galuega faatino i isi galuega faatino a le Matagaluega faapea le vaega lautele o le soifua maloloina.

O le Aoaoga Faalauiloa Amata mo le Afaigaluega Fou o le Matagaluega o le Soifua Maloloina sa faatinoina lea ilea so 17 Setema 2021 ile Faletalimalo o Taumeasina. Sa valaaulia ai nisi o le pulega o le Matagaluega e faatino a latou folasaga faatatau i matafaioi faatulafonoina a a latou vaega ma faailoa fesootaiga i vaega o tomai faapitoa eseese o le soifua maloloina. E le gata i lea, ae sa folasia ai foi e le tama'ita'i loia a le Matagaluega aiaiga o galuega faatino a le afaigaluega i lalo o tulafono, faiga faavae ma ta'iala a le Komisi e Pulea Galuega a le Malo, faapea ai ma tulafono o lo o lima ta'ita'iina ai auaunaga faasoifua maloloina ta'itasi.

7. **Faatinoga o Auaunaga Faafailautusi mo Fono Faafuaga a Tomai Faapitoa ole Soifua Maloloina**

O le Ofisa o le Resitara ma le Atina'ega o Tomai Faapitoa o le Soifua Maloloina e latou te faatinoina auaunaga faafailautusi mo fono faafuaga taitasi o tomai faapitoa o le soifua maloloina pe a faatino a latou fonotaga.

I le tausaga faale-tupe lenei, sa faatinoina ai e le vaega lenei auaunaga faafailautusi mo fono faafuaga uma o tomai faapitoa o le soifua maloloina.

Vaega 6: Vaega o Auaunaga e Mata'ituina o Fa'ama'i ma le Tulafono Faatonutonu Faava-o-Malo o le Soifua Maloloina

O le matafaioi a le Vaega leni e aofia ai le aoina mai o faamatalaga faatatau i faama'i pipisi ma faama'i ogaoga e a'afia ai totoga ma faia iai faaiuga ile tulaga o le pepesi ai mai lea taimi i lea taimi. O le faanaunaga o le faatinoga o nei auaunaga ia siitia ai le tulaga o le soifua maloloina ma le soifua manuia o tagata, faaitiitia tulaga tau le faailoga tagata o le faatinoga o auaunaga, ma ia malu puipuia le soifua maloloina lautele, faapea foi ma le tuutiitia o le alualu i luga o le aafiaga o tagata i gasegase.

O matafaioi faatulafonoina a leni Vaega e aofia ai le:

- (i) Mata'ituina o faama'i
- (ii) Puleaina o fa'ama'i e afua mai manu fa'alafuā
- (iii) Auaunaga tau su'esu'ega o le soifua maloloina lautele
- (iv) Mata'ituina o le Saogalemu ma le Soifua Maloloina o le Suavai Taumafa
- (v) Puleaina ma le Faafoeina o Auaunaga mo Suiga o le Tau ma ona a'afiaga ile Soifua Maloloina
- (vi) Auaunaga o le Soifua Maloloina i Uafu ma Malaevaalele Fa'ava-o-Malo
- (vii) Puleaina ma le Faafoeina o Auaunaga mo le Taifoi

Aufaigaluega

O le aufaigaluega a le vaega leni e aofia ai:

1. Ofisa Sili Lagolago

Pusa 13: Aufaigaluega Faafaigaluegaina i Lalo o le Vaega e Mata'ituina Fa'ama'i ma Tulafono Fa'atonutonu Fa'ava-o-Malo o le Soifua Maloloina

Vaega e Mata'ituina Fa'ama'i	Vaega e Pulea ma Fa'afoeina Faama'i e afua mai Manu Fa'alafuā	Vaega o Su'esu'ega	Vaega e Mata'ituina le Saogalemu o le Suavai Taumafa	Vaega e Mata'ituina Suiga o le Tau ma ona Aafiaga ile Soifua Maloloina	Vaega o Auaunaga o le Soifua Maloloina i Uafu ma Malaevaalele e Faava-o-Malo	Vaega o Auaunaga mo le Taifoi
<ol style="list-style-type: none"> 1. Taiulu o Auaunaga Tau Mata'ituina o Faama'i 2. Ofisa Sinia o Auaunaga Tau Mata'ituina o Fa'ama'i 3. Ofisa o Auaunaga Tau Mata'ituina o Fa'ama'i = 2 	<ol style="list-style-type: none"> 1. Ta'iulu o Auaunaga mo le Puleaina o Fa'ama'i Afua mai Manufaa'alafuā 2. Ofisa Sinia o Auaunaga mo le Puleaina o Fa'ama'i Afua mai Manufa'alafuā (Avanoa) 4. Ofisa e Mata'ituina le Tumamā (Avanoa) 5. Ofisa mo Auaunaga mo Fa'ama'i afua mai Manu fa'alafuā ma le Tumamā 	<ol style="list-style-type: none"> 1. Ta'iulu o Auaunaga Tau Suesuega 2. Ofisa Sinia o Auaunaga Tau Suesuega = 2 	<ol style="list-style-type: none"> 1. Taiulu o Auaunaga mo le Saogalemu o le Suavai Taumafa 2. Ofisa Sinia o Auaunaga mo le Saogalemu o le Suavai Taumafa 3. Inisinia Sinia mo Suavai Taumafa 4. Ofisa Lagolago mo le Soifua Maloloina o le Siosiomaga 	<ol style="list-style-type: none"> 1. Taiulu o Auaunaga mo le Suiga o le Tau ma aafiaga ile Soifua Maloloina 2. Ofisa mo le Mata'ituina o le Suiga o le Tau ma aafiaga ile Soifua Maloloina 	<ol style="list-style-type: none"> 1. Taiulu o Auaunaga o le Soifua Maloloina i uafu ma malae vaalele 2. Ofisa Sinia mo Auaunaga o le Soifua Maloloina i Uafu ma Malaevaalele = 2 3. Ofisa mo Auaunaga o le Soifua Maloloina i Uafu ma Malaevaalele = 2 	<ol style="list-style-type: none"> 1. Taiulu o Auaunaga mo le Taifoi 2. Taiulu o Tausisoifua 3. Tausisoifua Sinia 4. Inisia mo Suesuega 5. Tausisoifua Faamaui (Avanoa) 6. Ofisa mo le Soifua Maloloina o le Siosiomaga

E toa 26 le aufaigaluega ile vaega lenei e aofia ai ma le Ofisa Sili Lagolago. E 24 avanoa ua mae'a faatumuina, ae lua (2) avanoa e lei mafai ona faatumuina ile tausaga faale-tupe lenei e pei ona faailoaina atu ile lanu mumu ile Pusa 10 o loo i luga.

Tala Faatatau o le Tupe ma lona Faaogaina

Tala Faatatau o le Tupe ile Tausaga	Tupe Faaogaina	Tupe Totoe	% o Tupe Fa'aalu
SAT2,104,728	SAT1,914,113	SAT190,615	94%

E 91% o le tala faatatau o le tupe mo le vaega lenei sa mafai ona faaogaina ile tausaga faale-tupe lenei. O le 9% e lei mafai ona faaogaina e mo avanoa faigaluega e lei mafai ona faatutumuina ile tausaga lenei ua ripotia.

Galuega Ausia:

1. Fausiaina o Ripoti tau Su'esu'ega o Fa'ama'i

(i) Ripoti Ta'i Vaiaso o Su'esu'ega o Fa'ama'i

O le tapenaina o ripoti ta'i vaiaso o su'esu'ega o fa'ama'i, o se tasi lea o matafai faatino a lenei vaega. I le tausaga faale-tupe lenei, ua numera silia ai ripoti na tapenaina e le vaega lenei mo faama'i, ona o le taumafaiga ia ripotia le tulaga na iai le Koviti-19 i Samoa, ma isi faama'i pipisi e pei o le fulū.

(ii) Ripoti o le Mata'ituina o Fa'ama'i

I lalo o le vaega lenei, e lima (5) vaega o auunaga o lo o faatinoina ai. E tofu lava vaega nei e lima ma ripoti e tapenaina mo le mata'ituina o fa'ama'i, e tusa ai ma alāfua faata'atitia e lima ta'ita'iina ai le faatinoga o a latou galuega.

I le tausaga faale-tupe lenei, o nisi nei o ripoti sa tapenaina e pei ona faailoaina atu ile Pusa o i lalo:

Asiasiga Faatino ale Vaega Mata'ituina Faamai TF2022/23

Vaega	Ripoti	Taimi Faatino ai
Vaega e Mata'ituina Fa'ama'i	Ripoti o le Fa'agasologa o le Koviti-19	Aso uma
	Ripoti o Faamai e tataua ona faailoa	Vaiaso
	CO bulletin	E lei maea tuufaatasia
	Faamai e iloa gofie auga	
Vaega o Auaunaga mo Suiga o le Tau ma A'afiaga ile Soifua Maloloina	Aoaoga Toe Faamanatu mo le asiasiga e mataitu ai faamai	
	Fausiaina o polokalame mo faamai e mataitu ai faalavelave tutupu ma ripotia	
Vaega e Mata'ituina le Suavai	Suesuega o Suavai mai le Pulega o Suavai	Masina
	Ripoti o asiasiga faatino i punavai eseese mo le suavai taumafa	Tai tolu masina
	Mata'ituina o fale gaosi suavai taumafa	Masina
	Mata'ituina o punavai uma o le suavai taumafa	Tai Tolu masina
Vaega o Auaunaga mo Uafu ma Malaevaalele	Faatinoga o auaunaga o le soifua maloloina i le uafu fava-o-malo ma le Malaevaalele i Faleolo	Vaiaso

E ripoti uma nei sa fesoasoani ile tuuina atu o fautuaga ile Ofisa o le Faatonu Sili Aoao o le Soifua Maloloina ma le Minisita o le Soifua Maloloina mo le faia o fa'aiuga talafeagai

2. *Tuuina atu o Fautuaga mo le Mata'ituina o Fa'ama'i*

E faalagolago tele le afioga ile Minisita o le Soifua Maloloina, Faatonu Sili Aoao o le Soifua Maloloina ma le Pulega a le Matagaluega i ripoti faatino e faavae ai le faaleleia o auunaga o le soifua maloloina, siitia ai le atina'ega o le faagasologa o le auunaga o le soifua maloloina, ma faailoa i ta'ita'i o le malo vaega e mo'omia ai le fesoasoani.

I le tausaga faale-tupe lenesi, na matua iloga ona aafia le tamaoaiga o le atunuu ile Koviti-19. O le mafuaaga lea na taga'i ai le malo ini auala e fesoasoani e faaitiitia ai a'afiaga o le soifua maloloina ma le tamaoa'iga o le atunuu mai le Koviti-19.

O le Vaega e Mata'ituina Faama'i ma le Tulafono Fa'atonutonu Fa'ava-o-Malo sa mafai ona o latou faatinoina fautuaga ile tausaga faaletupe lenesi:

- Lapata'iga mo Malaga faatatau i Puipuiga o le Koviti-19
- Faataatiaga o Galuega mo le Fa'agasologa o Auunaga mo aafiaga o le soifua Maloloina e afua mai ile Suiga o le Tau
 - Galuega faatino e faatupeina e le Faaputuga tupe mo Suiga o le Tau ma le
 - Faatinoga o le Polokalame Faatino mo le taifoi e pei o le faiga o tui puipui o le taifoi.

3. *Auunaga o le Soifua Maloloina i Uafu ma Malaevaalele*

I le faatinoga o auunaga e tali atu ai ile Koviti-19 ile tausaga faale-tupe lenesi, sa faatinoina ai e le Vaega e Mata'ituina Su'esu'ega o Fa'ama'i e faamautinoaina ai le saogalemu ma le soifua maloloina o Samoa, ina ia malu puipuia e ala lea ile faatinoga o auunaga masani o le soifua maloloina i uafu ma malaevaalele.

O matafaioi faatulafonoina a le Vaega o Auunaga o Uafu ma Malaevaalele e aofia ai le:

- (i) Faia o siaki faasoifua maloloina mo vaa a lalo i le Uafu i Matautu
- (ii) Faailoa o lapata'iga o femalagaa'iga mo vaalele ma va'a fagota ona o le Koviti-19
- (iii) Ia mautinoa le faia o siaki o le soifua maloloina mo vaalele ma vaa a lalo
- (iv) Ia mautinoa e le mafai ona tuvae se tasi mai faigamalaga e aunoa ma le uia o ta'iala o faigamalaga.
- (v) Ia mautinoa e laeiina e le aufaigaluega o vaalele laei e puipuia mai ai faama'i ile taimi atoa e faatinoina ai galuega
- (vi) Ia mautinoa o le lafoa'iiga o laei faapitoa mo puipuiga ile faatinoga o auunaga i luga o vaalele ma malaevaalele ia lelei faatinoina ile uafu i Matautu ma le malaevaalele i Faleolo

4. *Iloiloga Tuufatasi a le Faalapotopotoga ole Soifua Maloloina ole Lalolagi (JEE)*

Na tuufatasi ile tausaga 2015 le Faavaa mo le Mata'ituina ma le Iloiloina o Tulafono mo le Soifua Maloloina Faava-o-Malo, ina ia atiae atunuu ma ia galulue faatasi e aofia ai ma vaega tomai faapitoa tumaoti. E fa (4) vaega ua vaevaeina iai le faavaa, e iai:

- ✓ Ripoti Faaletausaga (SPAR)
- ✓ Faatinoga
- ✓ Iloiloga pe a maea faatinoga (AAR)
- ✓ Iloiloga Tuufatasi a Vaega Eeseese (JEE)

Sa faatino e le Vaega e Mataituina Faamai ma Tulafono Faatonutonu Faava-o-Malo le fonotaga a Matagaluega o loo aofia ile faatinoga o lea vaega taua aemaise o vaega taitasi a le matagaluega. O le JEE o loo lagolagosua i atunuu ile faailoaina lea o vaega e leo mafai ona maua ia latou polokalame, ina ia ave iai le faamuamua mo avanoa e faamautu ai tapenaga ma le tali atu, ma galulue faatasi ai ma paaga e fesoasoani mai.

5. Faatinoina ole Faainuga Fualaa ole Mumu Tutupa (MDA)

O le masina o Setema ile Aso 16 – 24 2023, na faatino ai le atunuu atoa le faainuga o fualaa mo le mumu tutupa. Na savalia e le matagaluega aiga taitasi i nuu, aemaise o matagaluega a le malo, pisinisi ma kamupani tumaoti.

- ✓ Nofoaga sa faatino ai
- ✓ Vaega Taitasi e savalia aiga

6. Aoaoga mo le Faalauteleina o le Tomai o le Aufaigaluega ma ana paaga

Ua maua tuufaatasia le Fuafua Alualu Mamao mo le Faafoega o le Faamai e afua mai Namu 2023 – 2033. O aoaoga ma fonotaga na faatino i lenei tausaga 2022 ina ia mafai ona tuufaatasia ma faatino le fuafuaga. Na faatino foi e le Fale Suesue mo Soifua Maloloina Lautele se aoaoga faapitoa e fesoasoani ile tomai ma le agavaa o le aufaigaluega ole fale suesue e uiga ile tinomi (Genome).

Vaega 7: Faleteuoloa o Fualaa ma Vailaa mo Togafitiga

O le Faleteuoloa o Fualaa ma Vailaa mo Togafitiga e nafa ma le faafoeina o oka ma le tufatufaina atu o vailaa ma fualaa mo togafitiga i vaega uma o le auaunaga e mo’omia ai. O la latou matafaioli faatulafonoina e aofia ai le teu maluina o fualaa ma vailaa mo togafitiga, faatasi ai ma le tufatufaina atu i falema’i uma.

Aufaigaluega

O le aufaigaluega o lenei vaega e aofia ai:

1. Ofisa Sili Lagolago

Pusa 14: Aufaigaluega ile Faleteuoloa o Vailaa ma Fualaa mo Togafitiga

Faleteuoloa o Vailaa ma Fualaa mo Togafitiga
1. Taiulu o Auaunaga mo le Faleteuoloa o Vailaa ma Fualaa mo Togafitiga
2. Ofisa Sinia o Auaunaga mo le Faleteuoloa o Vailaa ma Fualaa mo Togafitiga = 2
3. Ofisa mo le Mata’ituina o Fuala’au
4. Ofisa mo le Mata’ituina o Oloa o le Faleteuoloa
5. Ofisa e Tufaina Oloa
6. Ofisa e Nafa ma le Totogiina o Oloa
7. Ofisa e nafa ma le teuina o oloa = 2

E to’a valu (8) le aufaigaluega o lo’o galulue i le vaega lenei, ma sa faatumuina uma avanoa faigaluega i le tausaga fa’ale-tupe lenei.

Tala Fa’atatau o le Tupe ma Iona Fa’aaogaina:

Tala faatatau o le tupe i le tausaga	Tupe faaogaina	Tupe Totoe	% o Tupe Fa’aalu
SAT7,279,102	SAT7,256,766	SAT22,336	99%

E mae'a ane le toe 1% o le tala o le tupe e lei fa'aaogaina.

Galuega Ausia:

1. Mata'ituina o le Faatauina, Tufatufaina ma le Teuina o Oloa Tau Faletalavai

O le Faletuolua o Oloa tau Faletalavai, e nafa ma le faatauina mai, o le teumaluina ma le faamatu'u atu o oloa nei mo falema'i uma o lo o i lalo o le ta'ita'iga a le Matagaluega o le Soifua Maloloina. E aofia ai falema'i tutotonu i Upolu ma Savai'i (TTM ma le MTII), o falema'i fa'aitumalo faapea falema'i laiti.

2. Mata'ituina o le Polokalame Faapitoa mo le Faatinoga o Auaunaga Tau Oloa o Faletalavai (PLIMS)

O le polokalame ua ta'ua i luga ua faaaogaina nei e le Faletuolua o Oloa tau Faletalavai e fesoasoani ile faafoeina o le okaina ma le tufatufaina o oloa tau talavai.

Sa faatautaia e le Faletuolua o Oloa Tau Faletalavai aoaoga i vaiaso ta'itasi i le tausaga faale-tupe lenei mo aufaigaluega fou uma o le Faletuolua. E le gata i lea, ae sa faapea ona fai ai ma ni aoaoga toe faafouina o tomai ma agava'a mo le aufaigaluega uma ile polokalame ua ta'ua o le mSupply.

3. Faafouina o le Lisi o Fualaau Tāua

O le Lisi o Fualaau Tāua o lo o lisiina ai fuala'au mo'omia mo puipuiga o le soifua maloloina mai faama'i pepesi faapea ma isi faamai e fesootai ile soifua maloloina lautele, ina ia mautinoa e maua i taimi uma.

O le masina o Mati 2022 sa faatautaia ai galuega a le Faletuolua o Oloa Tau Faletalavai ma ana pa'aga e iloiloina le lisi o fualaau tāua ma toe faafouina, ina ia atagia ai fualaau mo'omia mo fa'ama'i o lo o tele ina a'afia ai le atunu'u e aofia ai ma fualaau mo le togafitiga o fa'ama'i ogaoga e a'afia ai totoga. O le faamae'aina o lenei galuega o le atagia ile ripoti o le tausaga faale-tupe o lumana'i.

O le mataituina ma le faafouina o lenei lisi e fesoasoani ile ausiaina o le 95% o fualaau e tataua lava ona maua i taimi uma, ma tufatufaina atu i falema'i fa'aitumalo ina faigofie ona maua e le mamalu o le atunu'u. E faatinoina e le Faletuolua oka i vaiaso ta'itasi mo falema'i uma e ala lea ile faaaogaina o le polokalame ua ta'ua o le mSupply.

4. Su'egaoloa a le Faletuolua o Oloa tau Faletalavai

O le taua o le faatautaiga o su'egaoloa o le Faletuolua o Oloa tau Faletalavai, e faamautinoa ai o lo o lava oloa e tua iai auaunaga, ma ia sa'o atoatoa fa'amaumauga. E le gata i lea, ae ia mautinoa foi o lo o lava fualaau ma vailaau e tua iai.

I le tausaga faale-tupe lenei, e sili atu ma le 1,000 su'egaoloa saa faatinoina talu ona faaaogaina le polokalame ua ta'ua o le mSupply e faatinoina ai lenei galuega ile masina o Me 2021. O le sa'o o fa'amaumauga ile aofa'iga o fualaau ma vaila'au ile faletuolua, e atagia ai le lelei faatinoga o le mata'ituina o oloa.

5. Faafoeina ma le Puleaina o Oloa ua Uma le Aogā

O se tasi o matafaioi patino a le Faletuolua o le faamautinoaina lea o lo o lelei faafoeina oloa ma ia tuutiitia oloa ua uma le aogā.

E o'o ane ile fa'aiuga ole tausaga faale-tupe 2021/22, e na o le 3.8% o oloa o e faleteuolua ua molimauiua ua mae'a taimi e aoga ai. O i e atagia ai le lelei o le polokalame ua faaogaina e mata'ituina ai oloa o le faleteuolua

6. Mataituina o le Faaogaina o le mSupply i falema'i i nu'u i tua

O le Faletuolua e nafa ma le faatautaiga o asiasiga i falema'i i nuu i tua i Upolu ma Savai'i ina ia mautinoa o loo lelei le faaogaina o le polokalame ile faafoeina o fualaau ma vailaau mo togafitiga.

I le tausaga faale-tupe lenesi, sa faafoeina ai asiasiga e 9 mo falema'i uma i Upolu ma Savai'i e mata'ituina ai le faaogaina o le mSupply.

Vaega 8: Auaunaga Tau Faamatalaga ma le Faatinoga o Iloiloga ma le Mata'ituina o le Soifua Maloloina

O le vaega lenesi e latou te faatautaia auaunaga tau faamatalaga ma le faatinoga o iloiloa ma le mata'ituina o le soifua maloloina mo le fausiaina o faiga faavae ma le faia o faaiuga mo vaega e ave iai le faamuamua o le soifua maloloina, o le faletusi o le soifua maloloina, e lagolagoina ai le atinaega o tomai e pei o le faafoeina o auaunaga tau iloiloga ma le mata'ituina o poloketi o le soifua maloloina, o le Fuafuaga Alualu Mamao o le Soifua Maloloina ma isi fuafuaga ma faiga faavae.

O matafaioi faatulafonoina a lenesi vaega e aofia ai:

- (i) Faafoeina o faamaumaua o le soifua maloloina
- (ii) Faatinoga o iloiloga ma le mata'ituina o le soifua maloloina ma le
- (iii) Faafoeina o le faletusi o le soifua maloloina

Aufaigaluega

O le aufaigaluega o le vaega lenesi e aofia ai:

- 1. Ofisa Sili Lagolago

Pusa 15: Aufaigaluega Galulue ile Vaega o Faamatalaga ma le Iloiloga ma le Mata'ituina o le Soifua Maloloina

Vaega o Auaunaga o Faamatalaga o le Soifua Maloloina	Vaega o Auaunaga Tau Iloiloga ma le Mata'ituina o le Soifua Maloloina
1. Ta'iulu o Auaunaga Tau Faamatalaga o le Soifua Maloloina	1. Ta'iulu o Auaunaga Tau Iloiloga ma le Mata'ituina o le Soifua Maloloina
2. Ofisa Sinia o Auaunaga Tau Faamatalaga o le Soifua Maloloina	2. Ofisa Sinia o Auaunaga Tau Iloiloga ma le Mata'ituina o le Soifua Maloloina
3. Ofisa o Auaunaga Tau Faamatalaga o le Soifua Maloloina	
4. Ofisa e Faamaumauina Faamatalaga = 3	

E to'aiva (9) le aufaigaluega o lo'o galulue i le vaega lenesi, ma o avanoa faigaluega uma sa faatumuina i le tausaga faale-tupe lenesi

Tala Faatatau o le Tupe ma lona Fa'aaogaina:

Tala Faatatau o le Tupe i le tausaga	Tupe Fa'aaogaina	Tupe Totoe	% o Tupe Fa'aalu
SAT898,539	SAT822,049	SAT76,490	91%

O le tupe faatatau sa fa'amaonia mo le vaega lenei mo lenei tausaga faale-tupe e \$898,539.00. E mae'a ane le tausaga faale-tupe lenei, ua mae'a fa'aaogaina le 91% o le tupe faatatau mo le vaega lenei ma e \$76,490.00 vaega tupe o lo'o totoe.

Galuega Ausia:

1. Faafoega ole Auaunaga Faletusi

O le tasi lea vaega fa'aopo'opo a le Matagaluega e tauala atu ile auaunaga mo le faafoega ole Fale Tusi, e fesoasoani ai ile faatinoga a le auaunaga ma le faatumauina ole tomai ma le iloa o tagata faigaluega. Sa faatino aoaoga e faatatau ile fa'aaogaina o tekonoosi e fa'aaoga ai le faletusi a le Matagaluega. O fa'amatalaga uma e manaomia o loo maua ile faletusi.

2. Faafoega o Resitala o e Fananau mai, Faaipoipoga ma Maliu

O le tasi lea matafaioi ua faatulafonoina a le Vaega o Faamaumauga a le Matagaluega o le galulue faatasi ma le Fuainumera o Faamaumauga a Samoa ma isi Matagaluega ile aoina o faamaumauga atoatoa ona sa'o ma moni mo tagata tai toatasi i lalo ole Polokalame mo le Resitala o e fananau, Faaipoipo ma Maliu. I totonu o lenei tausaga, e lua ripoti sa mafai ona tuufaatasia ma tuuina atu ile Ofisa o Fuainumera Faamauina mo le silafia e le atunuu aemaise o le kapeneta.

Vaega 9: Auaunaga Faatekonolosi mo Faamatalaga ma Feso'ota'iga o le Soifua Maloloina

O le Vaega o Auaunaga tau Faatekonolosi mo Faamatalaga ma Feso'ota'iga o le Soifua Maloloina, e nafa ma le faafoeina o auaunaga faatekonolosi mo faamatalaga ma feso'ota'iga o le soifua maloloina e ala lea ile faaaogaina o tekonoosi faaonapo nei mo le aoina ma le fa'amaumauga o fa'amaumauga o le soifua maloloina. O lenei vaega e galulue va'ava'alua ma le Vaega o Auaunaga Tau Faamatalaga ma Iloiloga ma le Mata'ituina o le Soifua Maloloina, ina ia faamausaliina ai fa'amaumauga o le soifua maloloina, ma mautinoa le malu puipuia o nei faamaumauga.

O matafaioi faatulafonoina a lenei vaega e aofia ai le:

- (i) Faafoega o auala mo faamaumauga o le soifua maloloina
- (ii) Faafoega o faamaumauga ma feso'otaiga faatekonolosi ma le
- (iii) Faafoeina o auaunaga faalauiloa faatekonolosi o le soifua maloloina

Aufaigaluega

O le aufaigaluega a lenei vaega e aofia ai:

1. Ofisa Sili Lagolago

Pusa 16: Aufaigaluega Galulue ile Vaega o Auaunaga Faatekonolosi mo Faamaumauga ma Feso'otaiga o le Soifua Maloloina

Vaega o Auaunaga o Faamatalaga o le Soifua Maloloina	Vaega o Auaunaga Tau Faamaumauga mo Feso'otaiga Faaneionapo
1. Ta'iulu o Auaunaga Tau Faamatalaga Faatekonolosi = 2	5. Ofisa Sinia o Auaunaga e faaaoga ai mea faigaluega Faaneionapo
2. Ofisa Faapitoa mo Auaunaga Tau Faamaumauga	6. Ofisa e tuufaatasia vaega faaneionapo
3. Ofisa Sinia mo Auaunaga Tau	

Faamaumauga Faatekonolosi = 2	
4. Ofisa mo Faamaumauga Faatekonolosi = 3	

Tala Faatatau o le Tupe ma lona Faaaogaina:

Tala Faatatau o le Tupe i le Tausaga	Tupe Faaaogaina	Tupe Totoe	% o Tupe Faaalu
SAT1,347,073	SAT1,297,668	SAT49,370	96%

Sa mafai ona faaaogaina e le Vaega lenei le 96% o lana tala o le tupe faatatauina mo le tausaga faaletupe lenei. O le 4% (\$49, 370) e lei mafai ona faaaogaina e mo avanoa faigaluega e lei mafai ona faatumuina.

Galuega Ausia:

1. Mata'ituina o le Fa'agasologa o Auaunaga Tau Tekonolosi mo Feso'ota'iga ile Matagaluega o le Soifua Maloloina

O se tasi o matafaii fa'atulafonoina a le Vaega o Auaunaga Fa'atekonolosi mo Feso'ota'iga ma Fa'amaumauga a le Soifua Maloloina, o le mata'ituina lea o le fa'agasologa o auaunaga tau tekonoosi o feso'ota'iga ma fa'amaumauga i falema'i uma o lo o i lalo o le va'ava'aiga a le Matagaluega e aofia ai falema'i tutotonu, falema'i laiti ma falema'i fa'aitumalo i Upolu ma Savai'i.

2. Fa'aaauuina o le Fa'atinoga o Galuega Fa'atino i lalo o le Poloketi o le e-Health

Sa fa'aaauuina pea le fa'atinoga o galuega fa'atino o le poloketi o le e-Health ile tausaga fa'ale-tupe lenei, e aofia ai le fa'alauiloa ma fa'agaii nisi o polokalame e fesoasoani ile fa'aleleia o fa'amaumauga o gasegase fa'apea ai ma le fa'afoeina o oka o vaila'au ma fuala'au mo gasegase mai falema'i uma, e pei ona fa'aaogaina ai polokalame ua fa'aigoaina o le Tamanu, Tupaia ma le m-Supply.

3. Mata'ituina o Aseta tau Tekonoosi mo Feso'ota'iga a le Matagaluega o le Soifua Maloloina

I totonu o le tausaga faale-tupe lenei, sa fa'atinoina ai asiasiga fa'ale-kua e fa a le vaega lenei e asia ai meafaigaluega ma masini fa'atekonolosi o lo o i falema'i, ina ia mautinoa o lo o sologa lelei mo le fa'atinoga o galuega ma auaunaga. E le gata i lea ae fa'amauina mai ai meafaigaluega ua le o toe aoga, ina ia toe fa'afouina.

Vaega 10: Vaega e Mata'ituina le Faafoega ma le Faaoloaga o le Soifua Maloloina

O le Vaega e Mata'ituina le Faafoega ma le Fa'aoloaga o le Soifua Maloloina e latou te faatinoina galuega mo le sailia ma le mata'ituina o punaoa e atina'e ai le soifua maloloina e pei ona faatulafonoina ai le matafaii lea a le Maagaluega i lalo o le Tulafono Teuteu a le Matagaluega o le Soifua Maloloina 2019.

Matafaii faatulafonoina a le vaega lenei e aofia ai le:

- (i) Faafoeina o polokalame mo le vaega lautele o le soifua maloloina
- (ii) Fa'aoloaina ma le faafoeina o fesoasoani auina maim o atina'e o le soifua maloloina
- (iii) Mata'ituina o le faagaioiga o polokalame o le soifua maloloina.

Aufaigaluega:

E toaiva (9) le aufaigaluega o lo’o galulue i lalo o le Vaega lenei e aofia ai ma le Ofisa Sili Lagolago, ma e tasi le avanoa faigaluega e lei mafai ona faatumuina i totonu o le tausaga faale-tupe lenei.

Tala Faatatau o le Tupe ma lona Faaaogaina:

Tala Faatatau o le Tupe i le Tausaga	Tupe Faaaogaina	Tupe Totoe	% o Tupe Fa’aalu
SAT920,904	SAT830,157	SAT90,754	90.1%

E tusa ma le 90.1% o le tala faatatau o le tupe mo le vaega lenei namafai ona faaaogina i totonu o le tausaga faale-tupe lenei. O le vaegatupe totoe, e mo le avanoa faigaluega e lei mafai ona faatumuina.

Galuega Ausia:

1. Ripoti o le Faatinoga o Polokalame o le Soifua Maloloina

O se tasi o matafaioi patino a lenei vaega e aofia ai le tapenaga o ripoti ole faatinoga o polokalame o le soifua maloloina. I le tausaga faale-tupe lenei, na mafai ona tuu faatasi ripoti mo le faatinoga o polokalame o le soifua maloloina ai le piriota o Ianuari ia Iuni 2020 ma Iulai 2020 ia Tesema 2021.

O nei ripoti e faailoa atu ai i le malo o Samoa ma pa’aga fesoasoani a le soifua maloloina tulaga o iai le faatinoga o atina’e ma polokalame o le soifua maloloina o lo o fesoasoani mai ai ile atina’ega.

2. Faafoga o Malaga Asiase a Pa’aga Fesoasoani mo Atina’e ma Polokalame o le Soifua Maloloina, faapea le Komiti Faafae i Samoa

I le tausaga faale-tupe lenei, sa mafai ona faatautaia e le Vaega lenei le faafoga o Fonotaga a le Komiti Faufautua o Fesoasoani mo le Soifua Maloloina (HPAC) faapea foi le Komiti Faafae a Samoa (SNCC).

3. Faafaeina o le Polokalame mo le U’unaiga o Auaunaga Faasoifua Maloloina (PfR)

O le vaega e Mata’ituina le Faafaeina ma le Faaoloaina o le Soifua Maloloina, e nafa ma le mata’ituina o faatinoga o le Polokalame momle U’una’iga o Auaunaga Faasoifua Maloloina (PfR) e pei ona faatupeina e le Faletupe o le Lalolagi.

O lenei polokalame o loo fesoasoani i le malo o Samoa i le faatinoga o galuega faataatitia o le Faiga Faavae mo Fa’ama’i Ogaoga e a’afia ai totoga 2018-2023 ma le faamoemoe ia uuna’ia ai le faatinoga o polokalame faatinoga o polokalame faatino e puleaina ai le faatupula’ia o le a’afiaga o tagata i lea faama’i, aemaise lava o polokalame faatino mole aotelega o le soifua maloloina i totonu o nu’u ma afio’aga.

POUTŪ 2: AUAUNAGA TAU FALEMA’I

E pei ona faailoaina atu ile Faatulagaga o le Matagaluega o le Soifua Maloloina, e ono (6) vaega o loo i lalo o le Poutū 2 o Auaunaga a le Matagaluega o le Soifua Maloloina (Auaunaga Tau Falema’i). O vaega o auaunaga e aofia ai:

Pusa 17: Vaega o Auaunaga i lalo o le Poutū 2 o Vaega o Auaunaga a le atagaluega o le Soifua Maloloina

VAEGA	FAAMATALAGA
Vaega 11	Falemai o le Tupua Tamasese Meaole (TTM)
Vaega 12	Auaunaga tau Suetoto
Vaega 13	Auaunaga tau fa’ata
Vaega 14	Auaunaga mo le Soifua Maloloina o Nifo
Vaega 15	Auaunaga Tau faletalavai mo le falema’i o le TTM
Vaega 16	Falema’i o le Malietoa Tanumafili II (MTII)
Vaega 17	Auaunaga Tuufaatasi tau le Tausisoifua mo Falema’i Tutotonu

O vaega uma nei o auaunaga tau falema’i e latou te faatinoina auauanaga e lagolagoina ai auauanaga faatino I totonu o le falemai tutotonu o le Tupua Tamasese Meaole ma le falemai o Malietoa Tanumafili II.

Vaega 11: Falema’i Tupua Tamasese Meaole (TTM)

O le falema’i o Tupua Tamasese (TTM) o le falemai tutotonu lea o loo faatinoina auauanaga e fesoasoani ai i gasegase auina mai falemai i tua. E le gata I gasegase tausavali, ae faapea foi gasegase taofia mo togafitiga faapea foi ma gasegase auina atu i atunuu i fafo mo togafitiga.

O a latou matafaioi faatulafonoina e aofia ai le:

- (i) Auaunaga tau taotoga
- (ii) Auaunaga faafoma’i
- (iii) Auaunaga faafoma’i mo tamaiti
- (iv) Auaunaga faafoma’i mo gasegase tigaina
- (v) Auaunaga mo tina to
- (vi) Auaunaga mo tina ma’itaga
- (vii) Auaunaga mo le soifua maloloina o le mafaufau, ma le
- (viii) Faafoeina o auaunaga a foma’i asiasi mai faapea foi ma gasegase auina atu i fafo mo togafitiga.

Aufaigaluega

E tusa ma le 133 le aufaigaluega i le falemai lenei. E leai se avanoa faigaluega faasalalauina sa fa’amauina i le tausaga faale-tupe lenei.

Tala Faatatau o le tupe ma lona Faaogaina:

Tala Faatatau o le Tupe i le Tausaga	Tupe Faaogaina	Tupe Totoe	% o Tupe Faalu
SAT20,209,395	SAT17,481,792	SAT2,727,914	87%


E maea ane le tausaga faale-tupe lenei ua mafai ona faaaogaina e le vaega lenei le 84% o la latou tala o le tupe (20,209,395 Tala Samoa). O le 13% o le tala o le tupe e lei mafai ona faaaogaina, e mo faatauga a le falemai e lei mafai ona faatinoina i totonu o le tausaga faale-tupe lenei.

Galuega Ausia:

1. Faafoega o Faalavelave Tutupu Faafuasei ma Faalavelave ile Vaega o Gasegase Tausavali

O le lelei ole auaunaga ofoina atu a le Matagaluega, e aofia ai le lelei ona faafoe o gasegase e tausavali mai aemaise o gasegase faafuasei e taunuu mai vave ona iloa mafua'aga o gasegase ma le sa'o ole togafiti e togafitia ai. I le Falemai Tupua Tamasese Meaole, e iai gasegase sa sulu mai mo se fesoasoani i lalo o auaunaga taitasi nei e aofia ai, Vaega mo Auaunaga Faafuasei, Falemai o Tamaiti, Falemai mo Taotoga faapea vaega e fusifusia ai manua o ma'i. O loo faamanino atu ile siata o loo i lalo le aotelega o gasegase.

Ata 11: Faalavelave Faafuasei ile Vaega o Gasegase Tau savali



Source: Medical Records Unit FY2022/23

2. Tuufaatasia ole Faiga Faavae mo le Auina o Gasegase I Fafu mo Togafitiga

O le Faiga Faavae na iloiloaina mo le Polokalame e auina atu ai Gasegase I atunuu I fafo na toe lauliliu ina ia atagia ai vaega taua nei:

- (i) Agavaa ma aiaiga o gasegase e auina i fafo i lalo o polokalame e lua:
Polokalame a Samoa ma Niusila
- (ii) Matafaioi a le Komiti o Fomai e faafoea le Polokalame
- (iii) Faamaumauga mo le le Auina i Fafu o Gasegase
- (iv) Faafoega ma le Mata'ituina o le Polokalame
- (v) Faatupega

O lenei Faiga Faavae ua faia e fesoasoani ai ile Matagaluega o Soifua Maloloina ma le Matagaluega o Tupe, ile tuuina atu o fautuaga ile kapeneta i itu e agai ai i luma aemaise ole lelei faafoe ole polokalame i tausaga o lumanai.



3. Faafoeina o le Polokalame e auina atu ai Gasegase mo Togafitiga i Atunu'u i Fafu

O le Polokalame e Auina atu ai Gasegase i atunu'u i fafo sa faavaeina i le 1990 ina ia tali atu ai i manaoga o le atunu'u mo le sailia lea o togafitiga i atunuu mamao ona e le o mafai ona maua i Samoa nei.

E lua vaega ua vaevaeina iai leni polokalame:

- (i) O le polokalame a Samoa o lo o faatupeina e le Malo o Samoa ma le
- (ii) Polokalame a Niu Sila o lo o faatupeina e le Malo o Niu Sila

Gasegase Auina atu mo Togafitiga i Atunu'u i Fafu

I totonu o le tausaga faale-tupe leni, e na'o le 279 gasegase sa tusi talosaga mai mo avanoa e Malaga ai, peitai e nao le 187 na pasia o latou faatalanoa e le Komiti ma auina atu mo togafitiga i Niu Sila. E 44 gasegase e le'i mafai ona auina atu i fafo ona le tulaga lamatia ua oo iai o latou gasegase. E 12 na fa'aleaogaina ona o tulaga tau tupe ma isi vaega, e 8 e lei mafai ona Malaga, ae 1 le gasegase na saili fesoasoani ile malo mo Ausetalia ma le 12 gasegase na maliliu.

O mafua'aga e 10 Pito I Luga na afua ai ona auina gasegase i fafo mo togafitiga i leni tausaga. E aofia ai:

<u>TF2021/22</u>	<u>TF2022/23</u>
1. Gasegase FaaFomai	1. Tātāvāle ole Fatu
2. Gasegase o Mata	2. Fiva Rumatika
3. Gasegase o Kanesa	3. Ma'i Fatu na afua ile fanauga
4. Gasegase ole Fatu	4. Ma'i Suka
5. Gasegase Taooto	5. Gasegase o Mata
6. Gasegase o Taliga, Isu ma Faai	6. Kanesa o le Toala Fanau
7. Gasegase o Fale Tipitipi	7. Kanesa ole Fa'aau Tagata
8. Gasegase o Totoga Sa o alii	8. Kanesa ole Susu
9. Gasegase ole Tino	9. Kanesa ole Taufale
10. Gasegase o le Gutu (Taotoga Faapitua)	10. Gasegase o le faiai

Vaega 12: Auaunaga Tau le Su'esu'eina o le Toto ma Fa'ama'i

O le vaega leni o lo o nafa ma le faatautaia o su'esu'ega o le toto, fa'ama'i pipisi ma su'esu'ega faapitua e fesoasoani i isi vaega o le auaunaga faasoifua maloloina aemaise o auaunaga faafomai ma auaunaga o le soifua maloloina lautele. O nei auaunaga ma su'esu'ega e tatala i le 24 itula mo aso e fitu o le vaiaso mo le falema'i tutotonu ma falema'i tumaoti.

O a latou matafaioi faatulafonoina e aofia ai le:

- (i) Fesoasoani i le Faatautaiga o paina toto
- (ii) Sueuega faasaienisi e pei o le
 - a. Biochemistry
 - b. Haematology
 - c. Histopathology and cytopathology (Anatomic Pathology)
 - d. Microbiology
 - e. Serology ma le
- (iii) Puleaina o le falemalii o le falemai tutotonu

Aufaigaluega:

E toa 46 le aufaigaluega o lo o galulue i lalo o le vaega leni. E 36 avanoa faigaluega sa faatumuina i le tausaga faale-tupe leni e aofia ai male Pule Sili Lagolago, ae 3 o le sefulu

(10) avanoa e lei mafai ona faatumuina o lo o fa'afaigata ona faasalalau ma faatumuina ona ua silia ma le sefulu (10) tausaga e le'i mafai ona faatumuina. O lea sa tuuina atu ai le talosaga i le matagaluega o le Komisi a le Malo i le toe iloiloina o avanoa e le'i mafai ona faatumuina ina ia sosolo faatasi ma le faatulagaga fou a lenei vaega.

Tala Faatatau o le Tupe ma lona Faaaogaina:

Tala Faatatau o le Tupe i le Tausaga	Tupe Faaaogaina	Tupe Totoe	% o Tupe Fa'aalu
SAT8,436,082	SAT7,458,792	SAT977,289	88%

E mae'a ane le tausaga faale-tupe lenei, ua 88% o le tala faatatau o le tupe a le vaega lenei ua mafai ona faaaogaina. O le 12% (977,289 tala samoa) e le mafai ona faaaogaina, e mo avanoa faigaluega e iva e lei faatumuina i totonu o le tausaga faale-tupe.

Galuega Ausia:

1. Faafoeina o Su'esu'ega o le Toto mo Gasegase

O le matafaioi patino a le vaega lenei o le faatautaia o suesuega o le toto mo gasegase pe a moomia e le gata i gasegase e agai mai i falemai tutotonu, ae faapea foi falema'i tumaoti. O nei suesuega e aofia ai suesuega fasaenisi nei:

- (i) Biochemistry
- (ii) Haematology
- (iii) Microbiology
- (iv) Serology
- (v) Histology and cytology ma le
- (vi) Fa'afoeina o paina toto

O le aofa'iga o su'esu'ega sa faatinoina e 794,226 ma e 211,675 le aofa'iga o su'esu'ega sa faatinoina fa'anatinati i le tausaga faale-tupe lenei.

Vaega 13: Vaega o Auaunaga Tau Fa'ata

O le vaega lenei e latou te faatinoina le matafaioi taua o le faatautaia lea o fa'ata mo i latou e talosaga mai. O a latou matafaioi faatino e aofia ai le faatinoga o:

- (i) Fa'ata masani
- (ii) Su'esu'ega o le manava
- (iii) Su'esu'ega o le susu
- (iv) Su'esu'ega o patupatu/fula
- (v) Fa'ata faapitoa
- (vi) Faatinoga o fa'ata mo gasegase tigaiga mo le 24 itula mo faalavelave faafuasei i tua atu o itula faigaluega, faaiuga o vaiaso ma aso malolo faapea ai ma
- (vii) Faafoeina ma le puleaina o le faatinoga o auaunaga tau fa'ata uma.

Aufaigaluega:

E toa 31 le aufaigaluega galulue i le vaega lenei. E 28 avanoa ua mae'a faatumuina e aofia ai ma le avanoa o le Ofisa Sili Lagolago, ae 3 avanoa e lei mafai ona faatumuina i le tausaga faale-tupe lenei.

Tala Faatatau o le Tupe ma lona Faaaogaina:

Tala Faatatau o le Tupe i le Tausaga	Tupe Faaaogaina	Tupe Totoe	% o Tupe Fa'aalu
SAT3,662,769	SAT2,768,112	SAT894,658	76%

E mae'a le tausaga faale-tupe ua mafai ona faaogaina e le vaega lenei le 76% (2,768,112) o la latou tala o le tupe. O le 24% e lei mafai ona faaogaina e mo avanoa faigaluega e lei mafai ona faatumuina.

Galuega Ausia:

1. Faatinoga o Fa'ata Esee (Fa'ata o Gasegase, Fa'ata mo isi Mafuaaga, Fa'ata o Ponaivi)

(i) Fa'ata o Gasegase

O se tasi lenei o matafaiioi patino a le Vaega lenei, o le faatautaia lea o fa'ata mo gasegase e mo'omia lea auunaga e le gata i totonu o falema'i a le malo, ae faapea foi falema'i tumaoti.

I totonu le tausaga lenei ua ripotia mai le aofaiga o fa'ata mo gasegase sa faatinoina e lenei vaega e 14,578. O nei fa'ata e fa'ao'o atu i fomai na tuuina mai talosaga e le gata i falema'i a le malo, ae faapea falema'i tuma'oti.

(ii) Fa'ata Faatino mo isi mafuaaga

O fa'ata nei e ala ona faatinoina e lenei vaega e mo tulaga tau gasegase ae o manaoga o nisi o fuafuaga e pei o talosaga mo pepa nofo mau i Niu Sila ma i latou e galulue i galuega faavaitaimi.

I le tausaga faale-tupe lenei, e 4185 talosaga mo fa'ata nei na tuuina mai I le Vaega o Auaunaga Tau Fa'ata ma faatinoina. O le pa'u o le numera o talosaga mo fa'ata nei i lenei tausaga faale-tupe, e mafua mai I tapu ma vavao sa feagai ai ma le atunu'u ona o le Koviti-19, sa le mafai ai ona Malaga nisi i atunu'u mamao i le amataga o le tausaga faale-tupe, ma na taofia ai le faatinoga o pepa mo nofomau I Niu Sila, faapea foi galuega faavaitaimi.

(iii) Fa'ata o le Ponaivi

O fa'ata mo ponaivi e faatinoina pe a talosaga mai fomai mo gasegase ua aafia ponaivi, ma aafia i le tuma ma isi lava aafiaga ua le tulaga lelei ai le fa'ata'atuiaga o ponaivi o le tino.

I le tausaga faale-tupe lenei, e 13,635 talosaga tuuina maim o le faatautaiga o fa'ata o le ponaivi sa faatinoina e le vaega lenei.

2. Faatinoga o Fa'ata Faapitoa (CT scan)

E 2,288 talosaga tuuina maim o fa'ata faapitoa i le tausaga faale-tupe lenei. O le pa'u maualalo I le aofai o nei fa'ata faatinoina e afua mai I le tuai ona auina mai o le masini mo nei fa'ata faapitoa mo le falema'i o le TTM ona ua faaletonu le masini tuai na iai. O le faatuai foi ona aumai o lenei masini mai fafo, oina o tulaga faaletonu na iai femalagaiga a va'a ona o le Koviti-19.

3. Faafoeina o Auaunaga mo suesu'ega faapitoa o le manava

Sa maitauina fo'i le faatuputupulaia o gasegase e moomia lenei auuanaga i le tausaga faale-tupe lenei. E tusa ma le 5,249 i latou na talosagaina lenei auunaga ina ua aveesea tapu ma vavao o le Koviti-19 sa feagai ai ma le atunu'u.

4. Faafoega o Faata ole Susu ma Talosaga Faapitoa

E tusa ma le 82 faata ole susu na talosagaina ae 6 mataupu faapitoa na faatoai atu mo faata. E maitauina le faatoa lolofi atu o tagata ile taimi latou te faalogoina ai ua mama'i ae leo taimi e tatau ai ona faatino siaki.

5. Talosaga mo Faata Faafuasei ma CSO Category

I totonu o le tausaga faale-tupe lenei, o le tele o faata na faatino e faapitoa lea mo gasegse faafuasei. E tusa ma le 6,645 faata na talosaga ma faatino.

Vaega 14: Auaunaga mo le Soifua Maloloina o Nifo

O le vaega lenei e nafa ma le faatautaia o auauanaga mo le togafitiga o nifo i le falemai o le TTM faapea isi auauanaga e faia i nuu i tua.

O a latou matafaioi faatulafonoina e aofia ai le faatinoga o:

- (i) auauanaga lautele mo le togafitiga o nifo
- (ii) auauanaga faalauiloa ma aoaoga mo le saogalemu o nifo i nu'u I tua ma le
- (iii) polokalame mo le soifua maloloina o nifo I totonu o aoga

Aufaigaluega:

E toa 52 le aufaigaluega o lo o galulue i le vaega lenei. E 40 avanoa faigaluega ua mae'a faatumuina e aofia ai ma le avanoa mo le Pule Sili Lagolago, ae 12 avanoa faigaluega e lei mafai ona faatumuina I le tausaga faale-tupe lenei

Tala Faatatau o le Tupe ma lona Faaaogaina:

Tala Faatatau o le Tupe i le Tausaga	Tupe Faaaogaina	Tupe Totoe	% o Tupe Fa'aalu
SAT4,407,841	SAT3,504,417	SAT903,423	80%

E tusa ma le 80% (3,504,417 tala Samoa) o le tala faatatau o le tupe faamaonia mo le vaega lenei sa mafai ona faaaogaina I le tausaga faale-tupe lenei. O le 20% na totoe, e mo avanoa faigaluega e 12 e lei mafai ona faatumuina I le tausaga lenei ua ripotia.

Galuega Ausia:

1. Faatinoga o Auaunaga ma Togafitiga o Nifo

O le matafaioi faatulafonoina patino lea a lenei vaega, ina ia mautinoa le lelei o le faatinoga o auauanaga ma togafitiga mo nifo o le mamalu lautele.

I le tausaga faale-tupe lenei, o nisi nei o auauanaga sa mafai ona faatinoina e lenei vaega mo le mamalu lautele o le atunuu:

- (i) Se'iina o nifo
- (ii) Nifo Faatumu
- (iii) Taotoga tau nifo
- (iv) Fausiaina o tainifo fa'apipi'i ma le
- (v) Fa'asa'oina o nifo pipi'o ma le aveesea o nifo sisili

(i) Nifo Se'i

O nifo se'i e pei ona faatinoina ile tausaga faale-tupe lenei e eseese mafuaaga e ala ai ona faatino, ae o le tele o gasegase e ala ai ona se'i nifo ona ua tele ina pala ma ua aafia i faama'i o nifo, ua tupu ai le tiga o le nifo.

(ii) Fa'atumuga o Nifo

O le auaunaga lea e faatinoina mo nifo ua afaina totonu ma e tataua ona fa'atumuina le vaega o le nifo ua aafia.

I le tausaga faale-tupe lenei, e tusa ma le 100% gasegase na moomia lenei auaunaga sa mafai ona faatinoina. O le toatele o gasegase sa faatinoina iai lenei auaunaga e mai aoga sa asia e le vaega lenei mo ana polokalame masani mo aoga.

(iii) Taotoga o Nifo

O nei taotoga e aofia ai ma taotoga faatino mo 'augutu, gutu ma maso o foliga

O taotoga nei e mafua ona faatino ina ia:

- (i) Se'iina ai nifo pito i tua
- (ii) Se'iina o nifo ua aafia ile siam
- (iii) Fa'asa'osa'oina o le 'augutu
- (iv) Ta'otoga o le gutu e afua mai ni manu'aga
- (v) Aveesea o se tuma/fula mai le ua, 'augutu poo foliga
- (vi) Faia ta'otoga e faaleleia ai faaletonu o laugutu ma
- (vii) Faaleleia vaega o le ala'ea

(iv) Nifo Faatumu

O lenei auaunaga e faatinoina e faatumu ai nifo ua faaleagaina po o nifo ua toesea, 100% o gasegase na talosagaina lenei auaunaga sa togafitia.

(v) Aveesea o nifo sisili ma le fa'asa'oina o nifo pipi'o

O lenei auaunaga e mo i latou e mo'omia le aveesea o nifo e sisili mai tainifo masani, faapea foi ma le fa'asa'oina o nifo pipi'o. O togafitiga ta'atele mo lenei galuega e aofia ai le aveesea o nifo sisili ma le fa'aogaina o auala masani mo le fa'asa'oina o nifo pipi'o.

2. Asiasiga Fomai Nifo i Aoga

Sa mafai ona fa'atautaia le vaega lenei asiasiga i aoga tulaga lua ma nu'u i tua e mata'ituina ai le soifua maloloina o nifo o fanau aoga. E 26% o asiasiga na mafai ona faatinoina, ae o le tausaga 2022 sa le mafai ai ona faatinoina nei auaunaga ma asiasiga ona o tapu ma vavao sa feagai ai ma le atunuu i le Koviti-19. O le mafuagaga lea sa tuuina atu le talosaga aloaia mo le matagaluega o Aoga e taofia ai polokalame nei I le masina o Aukuso 2022

Vaega 15: Auaunaga Tau Faletalavai

O le vaega lenei e latou te tuuina atu auaunaga tau le talaina o vai mo le mamalu o le atunu'u e aga'i mai vailaau ma fualaau mo togafitiga. E le gata i lea, ae latou te fa'atautaia foi su'egaoloa mo le faletalavai lava ia, ma faamautinoa o lo o lelei atoatoa le tufatufaina atu o fuala'au i falema'i tutotonu ma vaega uma o auaunaga o le soifua maloloina, faapea le fa'amautinoaina ole sa'o lelei o talavai e tuuina atu ile mamalu o le atunu'u.

Aufaigaluega:

E to'a 27 le aufaigaluega o lo o galulue ile Vaega lenei. E 19 avanoa faigaluega ua mae'a faatumuina e aofia ai ma le Pule Sili, ae 8 avanoa e lei mafai ona faatumuina ile tausaga faale-tupe lenei.

Tala Faatatau o le Tupe ma lona Fa'aaogaina

Tala Faatatau o le Tupe ile Tausaga	Tupe Faaaogaina	Tupe Totoe	% o Tupe Fa'aalu
SAT5,464,617	SAT3,504,417	SAT903,423	75%

O le tala faatatau o le tupe sa fa'amaoniaina mo le vaega lenei i le tausaga faale-tupe lenei e SAT5,464,617. E mae'a ane le tausaga faale-tupe, e na o le 87% o le tala faatatau o le tupe sa mafai ona faaaogaina. O le 75% e lei mafai ona faaaogaina, e mo avanoa faigaluega o e vaega lenei sa lei mafai ona faatumuina. O le isi vaega o le tala faatatau o le tupe e lei mafai ona faaaogaina e 25% o le paketi e mo avanoa e 7 e lei mafai ona faatumulia I lenei tausaga faaletupe lipotia.

Galuega Ausia:

1. Fa'afoeina o Talavai ile Faletalavai o le Falema'i o le TTM

O le faletalavai o le falema'i o le TTM e nafa ma le tufaina atu o vaila'au ma fuala'au mo togafitiga i vaega ta'itasi o le auaunaga i totonu o le falema'i e aofia ai ma le talaina o talavai a gasegase tausavali.

I le tausaga faale-tupe lenei, e tusa ma le 134,570 talavai sa faatinoina ile faletalavai o le falema'i, ma e le mo na'o gasegase taofia, ae faapea foi gasegase tausavali e va'aia ile nofoaga mo auaunaga tau gasegase tausavali, faapea foi i latou e va'aia e foma'i tuma'oti

2. Asiasiga i Faletalavai i Nuu i Tua ma Polokalame a le Falemai Faaitumalo

O le Falemai Tupua Tamasese Meaole e faatino a latou asiasiga i Faletalavai i nuu i tua ma tufatufaina ai Fualaau e talosaga mai.

O le tuu itiitia ai o galuega ale aufaigaluega ile faatinoina o a latou asiasiga mo faalapolapotoga o se vaega tele lea ua mafai ona fesoasoani iai le faafaigaluegaina o fomaina o loo i falemai faaitumalo. E 36 asiasiga sa faatautaia mai ia Iulai 2022 ia Iuni 2023.

3. Faafoga o asiasiga ma oka i totonu o le falemai ma le siakiina o sapolai (Aso e uma ai le aoga)

O asiasiga faapitoa i totonu o le falemai ua faia ina ia siaki ai le aso e uma ai le aoga o Fualaau. O nei asiasiga e faatulaga ina ia tai lua vaiaso ma faatino. E tusa ma le 90 asiasiga na faatautaia i totonu o lenei tausaga faaletupe.

E 101 oka sa mafai ona fai i totonu o lenei tausaga.

Vaega 16: Auaunaga ile Falema'i Malietoa Tanumafili II

O le falema'i o le Malietoa Tanumafili II, e latou te tu'uina atu auaunaga aoatetele mo le faafaeina o matafaioli faafomai I le falemai tutotonu lenei I Savaii, ma mata'itu le faatinoga o nei auaunaga. E tali tutusa lava le faatinoga o auaunaga ile falemai lenei ma le falemai o le TTM i Upolu. O le sini ma le fa'amoemoega o a latou galuega fa'atino, o le u'una'ia, faamausaliina ma faatumauina le faatinoga o auaunaga o le soifua maloloina I ona tulaga aupito silin ona lelei mo le soifua maloloina o le lautele o le atunu'u. o auaunaga faapitoa o lo o faatinoina e aofia ai Tausiga Aoatetele o le Soifua Maloloina, Su'esu'ega o le loto ma Auaunaga mo Nifo.

Aufaigaluega

E tusa ma le 208 le aofai o le aufaigaluega o lo o galulue i le falema'i lenei. E 130 avanoa faigaluega ua ma'ea faatutumuina aofia ai ma le avanboa o le Pule Sili, ae 78 avanoa e lei mafai ona fa'atumuina ile tausaga faale-tupe lenei.

Tala Faatatau o le Tupe ma lona Faaogaina:

Tala Faatatau o le Tupe ile Tausaga	Tupe Faaogaina	Tupe Totoe	% o Tupe Fa'aalu
SAT9,562,261	SAT9,466,058	SAT96,203	99%

O le tala fa'atatau o le tupe mo le vaega lenei sa fa'amaoniaina mo le tausaga faale-tupe lenei e SAT 9,562,261. E ma'ea ane le tausaga faale-tupe, ua silia i le 99% tupe faaalu a le vaega lenei.

Galuega Ausia:

1. Faafoga o Gasegase mo le Falemai Malietoa Tanumafili II


O le fa'afaigaluegaina o fomai e 3 ile falemai, ua fesoasoani tele e tali atu ile tele o gasegase e agai atu ile 24 itula fitu aso. O le vaaiga lelei mo le agai i luma i mea faigaluega aemaise ole polokalame mo le aufaigaluega, o se tasi lea o fuafuaga maumautua ile faatinoga o le auaunaga.

2. Gasegase mai Savaii sa tuuina atu ile Falemai o Tupua Tamasese Meaole i Upolu mo togafitiga (TTM)

E iai nisi o auaunaga o le soifua maloloina e le mafai ona faatinoina ile falemai o le MTII, ona o le leai o se aufaigaluega e faapitoa mo nei auaunaga e pei o le faia o ta'otoga tetele ona o nisi o tulaga maaleale o le soifua maloloina, ma le tele o ma'i e a'afia ai se gasegase.

E 24 gasegase sa auina atu I le falemai o Tupua Tamasese Meaole mo togafitiga faapitoa. E tasi o le 4.1% sa faataunu'uina ma le manuia taotoga. E 240 le aofai o gasegase na auina atu i Upolu mo togafitiga e aofia ai ma le Va'a ma le Vaalele togipau e tasi.

Ata 14: Gasegase e manaomia Togafitiga Faapitoa



Source of Information: MTII Database 2022/23

3. Faafoega o Auauanaga mo le Soifua Maloloina o Nifo ile Falemai o Malietoa Tanumafili II

I le tausaga faale-tupe lenei sa faatinoina ai auauanaga tau Soifua Maloloina o Nifo mo mamalu lautele o le atunuu. E 4935 le aofa'i o gasegase na tau savali mai le falemai ma faatautaia ai togafitiga mo nifo. E tusa ma le 375 i le 188 na vaaia ma toagfitia e le foma'i nifo e pei ona ripotia mai i le tausaga faaletupe lenei. I le faafaigaluegaina ai o fomai nifo e to'alua e o lo o faatuputupulaia ai le faagasologa o lenei auauanaga.

4. Faafoega o Auauanaga mo Pepe Fananau

O le mata'ituina lelei o pepe fananau i tototnu o le Falema'i o se tasi lea o matati'a taua ua faamauina i lalo lenei vaega. I le tausaga faale-tupe lenei, sa faamauina e 735 pepe fananau mai ma faamauina ai e 350 tama'ita'i ae 385 tama. Ua ma'ea foi ona faailoa i le falema'i ma faamaonia.

Vaega 17: Auauanaga Tuufaatasi tau Tausisoifua

E Vaega o Auauanaga Tuufaatasi tau Tausisoifua, e nafa male tuuina atu o auauanaga tau tausisoifua o lo o faatulafonoina i lalo o le Tulafono o Tausisoifua ma Fa'a'tosga, fa'apea ta'iala ma alāfua o le fa'atinoga o auauanaga a lenei tomai faapitoa o le soifua maloloina. O matafaioi patino a lenei vaega e ese ma le taua ile fa'agasologa o le soifua o le tagata e amata mai ile taimi e fanau mai ai. E aofia ai foi i auauanaga a lenei vaega auauanaga faalauiloa ma puipuiga o fa'ama'i, faapea le tausiga o le soifua oi latou ua gasegase ma tigaina, oi latou ua iai a'afiaga tumau o le tino, faapea ma i latou ua fa'atalitali oti. O tausisoifua, oi latou ia e mua'i to'ai atu iai gasegase, pe a sulufa'i atu i falema'i mo togafitiga. E le gata i lea, a'o i latou foi e taulamua ile faatinoga o tausiga aoatetele o le soifua maloloina e aofia ai auauanaga faalauiloa, o puipuiga, o togafitiga ma le toe fa'afoisia o le malosia.

Aufaigaluega

E to'a 458 le aufaigaluega galulue i lalo o le vaega lenei e aofia ai ma le Ofisa Sili Lagolago. E 324 avanoa faigaluega sa mafai ona faatumuina ile tausaga faale-tupe lenei, ae 134 avanoa faigaluega e lei mafai ona faatumuina.

Tala Faatatau o le Tupe ma lona Fa'aaogaina

Tala Faatatau o le Tupe ile Tausaga	Tupe Faaaogaina	Tupe Totoe	% o Tupe Fa'aalu
SAT20,879,731	SAT19,907,268	SAT972,463	95%

O le tala o le tupe faamaoniaina mo le vaega lenei i le tausaga faale-tupe lenei e SAT20,879,731. E mae'a ane le tausaga faale-tupe ua mafai ona faaaogaina le 95% o lenei vaegatupe. O le 5% e lei mafai ona faaaogaina, e mo avanoa faigaluega e 134 sa le i mafai ona faatumuina.

Galuega Ausia:

1. Faafoega o Aoaoga Fa'amasani mo Tausisoifua Fa'au'u mai Iunivesite

O le faamautinoaina o le lelei ole auaunaga e tuuina atu ma le lava tapena i manaoga o tagata lautele, o le ala lea o loo fa'aaau ai pea ona faatino le polokalame faaletausaga e fa'afaigalega ai tamaiti tausisoifua e fa'au'u mai le Iunivesite i tausaga taitasi. E tusa ma le 100% o tausisoifua e maea a latou aoga e maua a latou tusipasi ma resitala mo a latou faatinoga. O le polokalame lenei e mo le fa'asaununiga mo le auaunaga aemaise ole iloilo ina poo mulimulitai ma usitaia i vaega manaomia mo le polokalame ma alafua ole Tausisoifua.

2. Aoaoga mo le Faalauteleina o Tomai o Tausisoifua ma Faatosaga

O le fonotaga a Fa'auluuluga o Tausisoifua ma Faatosaga ile Pasefika (PHoNM) na faafetaia ai le taua ole sao o nei vaega tetele ile Pasefika. O nei fonotaga na tuuina mai ai vaega taua e lima taitaiina ai faiga faavae ma vaega faamuamua mo tausisoifua i totonu o lenei itulagi. Na tuuina mai ai foi ma le aoao o Tulaga faapule mo matafaioi faatausisoifua ile itulagi o le Pasefika.

O faatalanoaga sa faapitoa mo vaega e 6 e aofia ai le *Aoaoga Faatausisoifua, Tulafono Faatonutonu o Tausisoifua, Faalavelave Faafuasei Faasoifua Maloloina, Universal Health Coverage and Aoaog Tetele o le Soifua Maloloina, Pulega mo Falemai ma le Aufaigaluega a Tausisoifua.*

3. Puleaina o A'oa'oga Tausima'I ma Atina'e Tomai Faapitoa

O se vaega o le faaleleia o le agavaa o le faaaauuina o a'oa'oga faafoma'I mo tausi soifua ma faatosaga I vaega eseese o le auaunaga. O I latou na auai ai, o tagata faigaluega mai auaunaga ta'itasi I le falema'I. I lenei tausaga, e 6 a'oa'oga sa faatinoina:

- ✓ *Cholecystitis*
- ✓ *Modules of Infants*

O le aiasiga a le Foma'I Ma'isukasa faia I le aso 19 o Setema 23, 2022, mo le aufaigaluega a le Soifua Maloloina I le puipuia ma le puleaina o manu'a vae suka. O lenei aoaoga sa faatautaia faatasi ma le Matagaluega o Tina ma Tama'ita'i, Atina'e o Nuu ma Afioaga ma Agafesoota'i, i lalo ole Polokalame mo i latou ua iai aafiaga tumau (Samoa Disability Patnrnership) o se tasi o galuega faatino mo le 2020/2021.

POUTŪ 3: AUAUNAGA MO LE SOIFUA MALOLOINA LAUTELE

E tolu vaega o lo o i lalo o le Poutū 3 o Auaunaga a le Matagaluega o le Soifua Maloloina o le Soifua Maloloina Lautele. O nei Vaega o lo o fa'ailoaina atu ile Pusa 19 o loo i lalo.

Pusa 18: Vaega o lo o i lalo o le Poutū 3 o Auaunaga a le Matagaluega o le Soifua Maloloina

VAEGA	FAAMATALAGA
Vaega 18	Puipuiga o le Soifua Maloloina ma le Fa'amalosia o Tulafono o le Soifua Maloloina
Vaega 19	Fa'afoega o Polokalame o le Soifua Maloloina, Siitia o le Soifua Manuia ma Aoaoga Fa'alauiloa
Vaega 20	Auaunaga Faasoifua Maloloina i Falema'i Fa'aitumalo

Vaega 18: Auaunaga Tau Puipuiga ma le Faamalosia o Tulafono o le Soifua Maloloina

O le vaega leni e latou te faatinoina auaunaga tau mata'itu o le faatinoga o tulafono ma alāfua o le soifua maloloina, ma faatino o asiasiga tau le soifua maloloina lautele ina mautinoa o lo o malu puipuia le soifua maloloina o le atunu'u, siitia le tulaga o le soifua maloloina ma faaleleia le siosiomaga ina ia soifua maloloina mo le soifua laulelei o le atunu'u. E le gata i lea, ae tuuina atu foi ta'ita'iga tau fuafuaga alualu mamao ina ia faamalosia ai le tausisia o tulafono uma o le Soifua Maloloina e siitia ai le tulaga o le soifua maloloina o le tagata Samoa uma. O le Tulafono o le Matagaluega o le Soifua Maloloina (teuteuina ile 2019), Tulafono o le Soifua Maloloina 1959, Tulafono o Taumafa 2015, Tulafono o Maliu 1961, Tulafono o le Saogalemu i Galuega 2002, Tulafono o le Mata'ituina o Uafu ma Malaeva'alele 2005 ma le Tulafono o le Tapa'a 2008, o tulafono ia o lo o lima ta'ita'iina ai le faatinoga o matafaioi faatulafonoina a le vaega leni.

O a latou matafaioi faatulafonoina e aofia ai le:

- (i) Faatonutonu faataulafonoina o le saogalemu o taumafa ma le pulea o le taumafa tapa'a
- (ii) Puleaina o otaota lafoa'i o le soifua maloloina, Saogalemu ma le Maloloina o Falefaigaluega ma le Faatonutonu Faatulafono o Auaunaga tau Maliu faatasi ai ma le
- (iii) Mata'ituina faatulafono o auaunaga mo le tumamã.

Aufaigaluega

E to'a 10 le aufaigaluega galulue ile vaega leni e aofia ai ma le Ofisa Sili Lagolago. E tasi le avanoa mo le Ofisa o Vaega e Faafoeina Otaota lafoai na avanoa ma o loo faamoemoe e uma atu leni tausaga faaletupe ua iai lona sui.

Tala Faatatau o le Tupe ma lona Fa'aaogaina:

Tupe Faatatau	Tupe Fa'aaoga	Tupe Totoe	% Tupe Fa'aalu
SAT2,424,240	SAT1,860,811	SAT563,430	77%

O le paketi fuafuaina mo le vaega lenei e tusa ma le SAT2,42,253.00. E maea ane lenei tausaga faaletupe, ua fa'aaoga le 77%. O le paleni o loo totoe mai ai e SAT563,430.00 e tusa lea ma le 23%. E iai avanoa e lei mafai ona faatumu ma faafaigaluega a lenei vaega faatasi ai ma totogi Faasili o itula e lei mafai ona totogi aemaise fesuiaiga faalotoifale ole aufaigaluega i totonu o le Matagaluega.

Galuega Ausia:

1. Auaunaga mo le Puleaina o Tapaa ma le Saogalemu o Taumafa

(i) Mata'ituina o Fale Gaosi Meaai

O le asiasia ai o fale gaosi meaai i aso taitasi o se fuafuaga faataatia o loo faatino pea, ina ia mautinoa le mulimulitaia o Alafua mo taumafa saogalemu ma Tulafono mo Meaai 2015. E tai tolu masina ma faatino asiasiga mo fale gaosi meaai ma pisinisi faleoloa faapea tagata taitoatasi.

E 676 fale gaosi meaai ma faleaiga na asiasia ma faamauina mai ai e oo atu ile 90% o le mulimulitaia ma usitaia e nei fale o alafua mo taumafa saogalemu.

(ii) Mata'ituina o le Faatinoga o le Tulafono o le Tapaa 2008

O le tasi lea matafaioi ua faatulafonoina nei a le Vaega e Faatonutonu le Taumafa Tapaa ma le Saogalemu o Taumafa. O le Faatonutonuina lea ma faia asiasiga mo fale gaosi tapaa ina ia mautinoa le saogalemu ma mulimulitaia tulafono. O le tausaga faaletupe lenei, e 511 fale tapaa na asiasia e ala ile Tulafono Faatonutonu o Tapaa 2008. E tusa ma le 96.7% na faamauina mai le maua na oo iai taumafaiga e mulimulitai i tulafono faataatitia.

(iii) Tuuina atu o Laisene a le Soifua Maloloina mo Fale Gaosi Tapaa

O le tuuina atu o laisene a le soifua maloloina mo le faatauina o le tapa'a o lo o faatulafonoina i lalo o le Tulafono o le Tapa'a 2008.

E oo atu ile 46 fale gaosi tapaa na agavaa i laisene ma ua pasia latou te faatauina tapaa.

E tusa ai ma le Vaega Section 31E o le Tulafono o le Tapa'a 2008, o le laisene a pisinisi laiti o lo o faatagaina ai lo latou faatauina o le tapa'a i katuni. O le totogi o le laisene e tusa lea ma le \$500.00. O le tau aofai atoa o laisene sa tuuina atu mai ia Iulai 2022 – Iuni 2023, e \$23,000.

2. Auaunaga mo le Fa'afueina o Otaota Lafaai ole Soifua Maloloina

(i) Faatinoga o Tulafono mo Maluu ma Faamaoniga o Mataupu ripotia

Na faamauina e le matagaluega e oo atu ile 111 mataupu tau maluu na faatoai mai i lenei tausaga faaletupe. O ia mataupu e aofia ai tino maluu e toe faafoi i atunuu i fafo, liu efuefu ma le auina mai o tagata maluu i totonu o Samoa.

Vaega 19: Fa'afueina o Polokalame o le Soifua Maloloina, Siitia o le Soifua Manuia ma Aoaoga Faalauiloa.

O le matafaioi patino a le vaega lenei o le faatinoga o auaunaga faalauiloa, o faasilasilaga faale-soifua maloloina lautele ma le faalauiloaina o puipuga faale soifua maloloina faapea

polokalame mo le soifua maloloina a le manuia. E latou te faafoeina foi feso’ota’iga 24 itula ile 7 aso e logologo uialii ai le mamalu o le atunu’u i tulaga e iai le soifua maloloina mai lea taimi i lea taimi.

O matafaioi faatulafonoina a lenei vaega e aofia ai:

- (i) Mata’ituina o taumafa tatau
- (ii) Faatinoga o polokalame o le soifua maloloina
- (iii) Mata’ituina o le Soifua Maloloina lelei o Fanau
- (iv) Faafoeina o Feso’ota’iga i taimi o faalavelave faasoifua maloloina lautele
- (v) Faatinoga o auaunaga mo le soifua maloloina o tupulaga talavou.
- (vi)

Aufaigaluega

E toa 26 le aufaigaluega galulue a le vaega lenei e aofia ai ma le Ofisa Sili Lagolago, e 4 avanoa o loo avanoa pea e oo mai le taimi nei.

Tala Faatatau o le Tupe ma Lona Fa’aaogaina:

Tala Faatatau ole Tupe Faaogaina Tupe Totoe	% Tupe Fa’aalu
Tala Faatatau ole Tupe ile Tausaga	
SAT2,709,881	SAT2,457,267
	SAT252,613
	91%

E tusa ma le SAT2, 709,881 le tupe fuafuaina mo lenei auaunaga. E 91% sa mafai ona fa’aaoga, e 9% e lei maea fa’aaoga ona o avanoa faigaluega e lei mafai ona faatumu i lenei tausaga faaletupe.

Galuega Ausia:

1. Iloiloina o le Taiala mo Fesootaiga ma Galuega Faapaaga ma Faalapotopotoga

O lenei fuafuaga sa faamaonia i le 2020 ma faaogaina o se meafaigaluega e lima taitaina ai galuega faatino a le Vaega sa faafoeina lenei auaunaga o fesootaiga i taimi o faamai e oso faafuasei.

2. Faafoega o Polokalame o Tui Puipui Masani (EPI)

E tusa ai ma ripoti a le vaega e faatinoina tui puipui, e 83% o tamaiti e 15 masina ua maea a latou uluai tui puipui mai ia Ianuari ia Iuni 2023.

3. Auaunaga Faalauiloa ile Atunuu

O le fa'asologa o polokalame faalauiloa na fa'atinoina i lenei tausaga Fa'aletupe e aofia ai:

- (i) 2 Auaunaga Faalauiloa Tuufaatasi o le Soifua Maloloina mo Tagata Lautele (ICHAP)
- (ii) 2 Aoaoga Faalauiloa mo Taumafa Tatau Nutrition (Upolu and Savaii)
- (iii) Aoga toe Faamanatu ai Tomai Faapitoa mo Tui Puipui
- (iv) 2 Vaiaso sa faatino ai polokalame mo le Taifo i Savaii ma Upolu
- (v) 18 Polokalame mo le Si'itia o le Soifua Maloloina i A'oga e faapitoa mo Matua ma Komiti o Aoga
- (vi) 18 Polokalame o le Tapaa, Taumafa Tatau, Ava Malosi ma Faamalosi Tino sa faatinoina a'o faatautaia suesuega (screening) o le PEN Faasamoa i le atunuu lautele
- (i) Aoaoga mo le toe Faamanatuina o Tomai i Polokalame Faalauiloa o le Soifua Maloloina sa faatautaia mo Vaega Faifaamalosi tino/ (Upolu and Savaii

- (ii) Ripoti o su'e tusi faalotoifale mo le polokalame a le BFHI mo falemai uma.
- (iii) Aoaoga mo Taulasea e faatatau i faam'ai e mafua mai feau vai a manu,fatafata vaivai, siama o feusuaiga mo Savaii ma tausisoifua faatoa amata ona faigalugea.
- (iv) Faafeoina o auauunaga o le pule le uma(Toso Teine), sauga o feusuaiga ma sauaga matag.
- (v) 14 Aoaoga sa faatinoina mo AYPHS
- (vi) Metotia mo le Fuafua Tatauina o Fanau i se taimi umi. (LARCs)
- (vii) Fonotaga ma Fomai ma Tausi Soifua e faatatau i le soifua maloloina ole tina ao ma'ito seia oo ina fanau. (Obs & Gyn)
- (viii) 2 Fonotaga ma Pa'aga o le Soifua Maloloina o le Soifuaga Fanau

4. Faamanatuina o Aso Faapitoa ole Soifua Maloloina ile Lalolagi

O le faatinoina ma le faatautaia o aso faapitoa o le soifua maloloina i le lalolagi o lo'o mata'ituina i le kalena fa'aletausaga a le Matagaluega ma fa'amanatuina e ala i fa'asalalauga ma polokalame faalauiloa i luga o upega tafa'ilagi. E tele polokalame o le Soifua maloloina sa fa'atautaia i lenei tausaga fa'aletupe e aofia ai:

- ✓ Vaiaso e Faamanatu ai le Faasusuina o Pepe i Suasusu o Tina
- ✓ Vaiaso e Faamanatu ai le Faaogaina Tatau o Fualaaui ma Vailaau
- ✓ Aso Faapito mo le Leai atu i le Ulaula Tapaa
- ✓ Aso Faapitoa mo le Fa'amai Afi i le lalolagi
- ✓ Aso Faapitoa mo le Gasegase o le Kanesa i le lalolagi
- ✓ Vaiaso Faapitoa mo Tupi Puipui i le lalolagi
- ✓ Aso Faapitoa mo le Saogalemu o Meataumafa
- ✓ Aso Faapitoa mo le Soifua Maloloina i le Lalolagi
- ✓ Aso Faapitoa mo le Faamanatuina o le Fatafata vaivai ile lalolagi
- ✓ Aso faapitoa mo Lepela i le lalolagi

5. Polokalame Faasoifua Maloloina e Faatino i Totonu o Faalapotopotoga ma Nuu

Ole manulauti autu o polokalame ole soifua maloloina na faatautaia ina ia aofia ai tagata uma ma e leai se tasi e le auai pe a oo i polokalame o le soifua maloloina. O le Vaega o loo gafa ma lea auauunaga ua iai le tomai faapitoa e faatino faalauiloaina o feau tau soifua maloloina, o polokalame faalauiloaina ina ia siitia atili ai le malamalama ma ia pulea e tagata o latou lava soifua maloloina. O polokalame nei sa faatinoina i lenei tausaga faaletupe.

- ✓ Polokaloame o le ICHAP mo nuu i lalo o le Polokalame a le PEN Faa Samoa.
- ✓ Tuuina atu o tamaiti e manaomia ona toe siaki i le maea ai o siaki i totonu o Aoga (referrals)
- ✓ Faationo Faalauiloa ma Aoaoga i lalo o le polokalame o le PEN Faasamoa
- ✓ Polokalame o le faatinoina Tui Puipui Masani,HPV ma le tui ole Taifoi
- ✓ Polokalame o Tui Puipui mo i latou e lei faatinoina tui o le MMR ma le PCV
- ✓ Polokalame fa'alauiloa mo le soifua maloloina i a'oga mo tamaiti a'oga ua fa'ailoaina le tino puta ma le mamafa tele.
- ✓ A'oa'oga mo Vaega o Tomai Faapitoa o le Soifua Maloloina ma sui o nuu e faatatau i polokalame faalauiloa ole soifua maloloina ma Taumafa Tatau. Health Promotion & Nutrition
- ✓ Mata'ituina o Polokalame Faalauiloa i Aoga
- ✓ Mata'ituina o Alafua o le Taumafa Tatau i Aoga

6. Faafoega o Aoaoga mo Tinā To (BFHI)

O le isi auaunaga autu a le falema'i autu ma falema'i fa'aitumalo o le fa'atinoina o fuafuaga e lagolago ai auaunaga o le soifua maloloina lautele. I totonu o lenei Tausaga Faaletupe, e tusa ma le 6 polokalame sa faatautaia e aofia ai:

- ✓ A'oa'oga mo le afaigaluega i Sava'i
- ✓ Aoaoga mo le afaigaluega i Upolu ma Savaii e faatatau i le tino vale o fanau (Severe Acute Malnutrition)
- ✓ Aoaoga mo Faalapotopotoga tau Taaloga i Polokalame o le Soifua Maloloina
- ✓ A'oa'oga mo matua ua resitala i lalo ole Polokalame o le Siitia o le Soifua Maloloina (Health Promotion Program)
- ✓ 10 A'oa'oga o polokalame o le Soifua Maloloina na faatautaia mo le PEN Faasamoa i nuu e aofia ai ma MDTs
- ✓ A'oa'oga faatatau i Feso'otaiga ma le faaituau i Tamaitai poo Alii sa faatino mo tausi soifua i le taimi e faatino ai tui puipui o le HPV ma isi tui puipui fou.

E toa 3 i latou ua fa'amaonia ua maua i le lepela i totonu o lenei tausaga faaletupe i le maea ai o asiasiga masani.

Ole aofa'i o gasegase o le fatafata vaivai ua faamaonia i totonu o lenei tausaga faaletupe e toa 7 ina ua maea asiasiga tulituliloa ale Matagaluega.

7. Faafoega o Auaunaga mo le Soifua Maloloina o Soifuaga Fanau

O le fesoasoani tupe (UNDP Global Fund) o loo mafai ona faatino ai galuega faapaaga ale Matagaluega ole Soifua Maloloina ma vaega tumaoti e ala i le auaunaga ale Vaega e Faafoeina Polokalame mo le Soifuaga Fanau. ,O asiasiga e mata'itu ai polokalame i falemai uma o Savaii ma Upolu ina ia mafai ona maua, vave iloa ma togafitia faamai pipisi e ala i feusuaiga. O le isi auaunaga o le Faatinoina lea o suesuega faalauaitele pe a mautinoa se gasegase faatasi ma le fa'aa'uina o togafitiga o gasegase o loo resitala. O faamaumauga ma fa'amatalaga o gasegase uma o loo resitala sa faamauina mai vaega nei:

- 1) fa'amaumauga a le fale su'esu'e mai falema'i uma, lipoti o su'esu'ega, resitara o faa'ma'i ma siama,mai le faafoega o Fa'ama'i pipisi e tu'ufa'atasia, su'esu'e ma ripotia ile 6 masina. E tai ono masina ma faatino le faamauina o iuga o suesuega sa faatinoina e le fale suesue mo falemai faaitumalo e fa'aaogaina ai resitala mo faamai ma ripoti mo suesuega.
- 2) I lona aotelega, e 50.6% o suesuega e auala mai siaki masani mo tinā to, 28.1% o gasegase tausavali, e 1.5% o iuga o suesuega mo tagata femalagai (2021).

O faamaumauga o suesuega sa faatino ma faamauina e fa'aaoga ai auala nei:

1. HIV – INSTI, HIV Determine, Uni-Gold, HIV/Syph SD Duo rapid tests, Gene Xpert (CD4 and viral load)
2. Sefili – Anti-TP, RPR (VRDL occasionally)
3. Faamai ole Ate A – HAV igm and igg
4. Faamai ole Ate B – HbAgs, HBsAB
5. Faamai ole Ate C – HCV igm
6. Faamai Pipisi e mafua mai Feusuaiga – GeneXpert
7. Fatafata Vaivai – Masini mo Suesuega (GeneXpert) (no cultures for TB)


Auaunaga mo Aiga Fuafuaina

Monitoring visit to all Health Services Delivery Point reported the status of family planning utilization, ANC visit, Presumptive treatments as well as Youth Friendly Health Services Family planning users are reported in the following usually with mothers coming in after expiration period of family planning methods listed below:

O asiasiga mo le mata'ituina o auunaga i falemai uma na lipotia ai le tulaga o le fa'aogaina o auunaga o le fuafuaina o aiga, siakiina o tina to, togafitiga, fa'apea ma Auaunaga Fa'alesoifua maloloina mo le Tupulaga Talavou. O le ripotiina o le fa'aogaina o auunaga/metotia mo le fuafuaina o aiga, e fua lava ile umi e aoga ai le Fualaaui/tui. E pei ona iai vaega ua taua:

- Fualaaui ole Microlut (3 masina)
- Fualaaui ole Microgynon (3 masina)
- Tui ole Depo (3 masina)
- Tuiina ole lima (5 tausaga Jadelle insertion)

Ata 15: Fa'aogaina o Auaunaga Aiga Fuafuaina (Aperila-Iuni 2023)



O le numera o tina e fa'aogaina le auunaga aiga fuafuaina, o loo aofia ai le fuainumera o tinā ua malilie e fa'aoga le aiga fuafuaina. E toa laiti i latou o loo fa'aogaina le metotia o le Jadelle.

Pusa 19: Faatusatusaga o e Fa'aogaina le Aiga Fuafuaina

	Ianuari-Tesema 2019	Ianuari-Tesema 2020	Ianuari - Tesema 2021	Ianuari - Tesema 2022
Tagata Fou	579	711	540	813
Jadelle	144	257	259	214
Aofaiga	5782	6952	4592	4983

O le siata o loo i luga o loo faailoa ai le fa'atupula'ia o le numera o tagata fou ua latou talia le Aiga Fuafuaina pe a faatusatusa i le 2019 i le 2021. Ae maitauina mo le tausaga 2022, ua tuu iti'itia le fuainumera o tinā e fa'aaogaina le Jadelle.


Faamai Oti ole HIV ma STI

O le uluai gasegase i Samoa na faamauina ile tausaga 1990. O le gasegase mulimuli na faamauina ile tausaga 2020. E 36 gasegase e aofia ai i latou ua malilie atoa ai ma gasegase o loo Soifua pea, faatasi ma e ua auina atu mo togafitiga i fafo. E to'a 3 tagata o loo maua i le faama'i afi o loo faamauina e aofia i totonu o vaega faapitoa ole faitau aofai ole atunuu. O le pasene o i latou sa maua i le syphilis i le 2022 e 1.6%, chlamydia e 24.5%, gonorrhoea e 14.8% , hepatitis A e 0.9%, 1.4% hepatitis B ma le 0.2% mo le hepatitis C . O le vaevaina o gasegase o loo faamatalaina i lalo.

Siama o le Sifilisi (Syphilis)

O gasegase o le Sifilisi na maitauina le maualuga mai le 2020 i le 2021 (56 i le 145) ma faamauina le pipisi mai tina to ile pepe fou mo le masina o Aukuso ia Oketopa 2022 a'o tapunia tuaoi faavaomalalo mo femalagaiga.

Ata 16: A'ofai o i latou na a'afia ile siama o le Syphilis (Fa'avasegaina ile ituaiga ma le Matua o le Soifua)




Auala o Fa'amatalaga: Fa'amauga o Fa'ama'i 2022

Siama o le Kalamitia (Chlamydia)

E 89% na tuu itiitia ai suesuega faatino mo faamai ole kalamitia ma le konorea, o le mafua'aga lea ole pa'u maualalo o faamauga mo le tausaga 2019 – 2021 ma aliae le fuainumera tele ile 2022. E 33 gasegase e tusa lea ma le 40% o i latou e aafia ile chlamydia na faamauina e aafia foi ile gonorrhoea.

Ata 17: Aofa'i oi latou na a'afia ile siama o le Kalamitia (Chlamydia) (Fa'avasegaina ile matua o le Soifua ma le ituaiga 2022)




Auala o Fa'amatalaga: Fa'amaumauga o Fa'ama'i 2022

Siama o le Konoria (Gonorrhoea)

O gasegase faamauina mo le chlamydia sa faamauina o loo aafia foi ile gonorrhoea e pei ona tuuina atu i lalo.

Ata 18: Aofa'i oi latou na a'afia ile siama o le Konoria (Gonorrhoea) (Fa'avasegaina ile matua o le Soifua ma le ituaiga 2022)




Auala o Fa'amatalaga: Fa'amaumauga o Fa'ama'i 2022

Gasegase o le Ate i La'asaga A, B ma le C

O faamaumauga o le hepatitis A, B ma le C mai masina o Iulai ia Tesema o loo maua i le Hepatitis A, 59 Hepatitis B ma le toa 4 e Hepatitis C. E 66 le aofai o i latou sa faamauina i totonu o le tausaga faaletupe leni ua faamauina ua aafia i le Hepatitis A,B ma le C.

Ata 19: Gsegsae o le Ate i La'asaga A, B ma le C ile 2022




Source of Information: MOH Surveillance Epidemiology Database 2022

Gasegase o le Fatafata Vaivai

O le gasegase o le fatafata vaivai poo le lepela ua vaaia le siitia maualuga i gasegase fou, o le toa 9 o gasegase sa faamauina ile 2022 ua manuia ma puipuia.

Ata 20: Faamaumauga o Gasegase ole Fatafata Vaivai 2022



Auala o Fa'amatalaga: Fa'amaumauga o Fa'ama'i 2022

Vaega 20: Auaunaga i Falema'i Fa'aitumalo ma Nu'u i Tua

O lenei vaega e latou te faatinoina auaunaga mo le faaleleia o auaunaga o le soifua maloloina o lo o faatinoina i totonu o falema'i fa'aitumalo faapea totonu o nu'u ma afio'aga. O galuega o lo o faatinoina i falema'i i nu'u i tua, ua tali tutusa ma auaunaga o lo o faatinoina i totonu o falema'i tutotonu, sei vagana ai auuanaga faapitoa e le mafai ona faatinoina.

Aufaigaluega

E 252 le aufaigaluega o loo galulue i lalo ole Vaega lenei e aofia ai le Ofisa Sili Lagolago.

Tala Faatatau o le Tupe ma lona Faaogaina:

Tupe i le Tausaga	Tupe Faaogaina	Tupe Totote	% Tupe Faaalu
SAT12,191,728	SAT9,670,074	SAT2,521,654	79%

O le tala faatatau o le tupe e patino i le Vagea lenei SAT12, 191,728. Ua faaogaina le 79% e tusa ma le SAT9, 670,074, o le 21% e lei faaogaina, e mo avanoa faigaluega o loo taua i luga.

Galuega Ausia:

1. Faafoeina o Fa'atalanoaga a Falemai Fa'aitumalo

O Falemai Fa'aitumalo uma o lo'o tu'uina atu auaunaga 24 itula i totonu o le fitu aso o le vaiaso. O lo'o galulue foma'i 12 itula i le aso ma toe vala'au mo so'o se telefoni fa'afuase'i mai falema'i. O lo'o faigaluega tausisoifua ile sifi 12 itula.

2. Mata'ituina o Gasegase Taofia ma Gasegase Fa'atea

O Upolu e aofia ai Falema'i Fa'aitumalo e 3 ma Falema'i laiti e 3 mo Auaunaga Lautele. O falema'i fa'aitumalo o lo'o fa'agaioia mo le 24 itula ma o lo'o mata'ituina lelei ma maua uma togafitiga a'o iai i le auaunaga fa'alesoifua maloloina. Ole aofa'i o gasegase ua te'a e fa'atusatusa ile aofa'i o tagata mama'i ua fa'aalia ai le lelei ole faatinoga o togafitiga e faatinoina e Foma'i ma Tausisoifua. O lona uiga e manuia le tausiga atoa.

O le auaunaga a le Falema'i Laitiiti i Lufilufi o lo'o tu'uina atu auaunaga mo gasegase lautele i le 24 itula ma fautuaina tagata gasegase i totonu ole 5 itula e mata'ituina ai ile e aga'i ile falema'i tutotonu o le TTM pe a mana'omia. Ona o le mana'omia o le tautua ma le lē maua o moega i totonu o le matou falema'i autu, o lo'o tumau pea nei gasegase i le falema'i laiti mo togafitiga i totonu o le 24 itula ma o lo'o fa'amauina i totonu o faamaumauga a le falema'i.

3. Fa'afoga o Aiga Fuafuaina

Ua saunia auala e puipuia ai tina mai le ma'itaga e le'i fuafuaina. O lo'o tu'uina atu i Falema'i Fa'aitumalo uma ma Falema'i laity; ma o lona fa'amoemoe autu o lo'o fa'ataua i tama'ita'i ma ali'i matutua uma. O le fuafuaina fa'avava o tamaiti, e mafai ona fa'aitiitia ai le tulaga lamatia o le fanau mai o le isi tamaitiiti ae le'i leva ona fanau le isi. O le mafua'aga autu lena o le maliliu o isi pepe.

O Metotia Aiga Fuafuaina e aofia ai:

- ❖ Fualaa ole Microlut
- ❖ Fualaa ole Microgynon
- ❖ Fualaa Fa'alavelave Fa'afuase'i
- ❖ Tui Puipui Depo Provera
- ❖ Tui Puipui (Jadelle)
- ❖ Aiga Fuafuaina e fa'aaoga ai le Fa'aautagata
- ❖ Pa'u Fai feusuaiga mo Alii ma Tamaitai

O Fa'amanuiaga ole Fa'avavaina o Tamaiti e aofia ai le:

- ❖ Faateleina le malosi o Tina ma faaitiitia ai le popole
- ❖ tele atu le taimi e mafuta ai Tina ma le pepe
- ❖ maua taimi e mafuta ai le tinā ma le tamaititi ma faasoa ai le olaga tuputupu'ae o le tamaititi
- ❖ Soifua Maloloina o tamaiti e mafai ona fananau mai, aua o lea Soifua Maloloina foi le tinā ma le fa'avavaina o fanau
- ❖ Fa'aiti'itia popolega tau seleni

3. Faatinoina o Siaki o Tinā To

O le faia o siaki mo tina ma'ito, o se gaoiga faifai pea e tu'uina atu i falema'i fa'aitumalo uma. E aofia i totonu o le Ta'iala mo nei auaunaga le vave fai o siaki o tina ma'ito, a'o le'i oo i le 20 vaiaso o le ma'itaga. O su'esu'ega mae'ae'a o tina ma'ito i le taimi muamua i Falemai uma e faatinoina e tausii soifua fa'atosaga ma fomai. O le vave faatino o siaki e mafai ona vave iloa ai se faafitauli ma mafai ona vave tuuina atu mo togafitiga faapitoa. O loo faamauina i faamaumauga a le Matagaluega e mai le 100% o tina ma'ito na faatinoina siaki, e 80% o i latou sa asia le falema'i a'o le'i oo i le 20 vaiaso o le ma'itaga.

4. Faafoega o Asiasiga Faasoifua Maloloina I Aoga

O se tasi o fuafuaga a le Matagaluega o le Soifua Maloloina o le faia lea o asiasiga i le atunuu atoa e aofia ai aoga ma nuu. O lenei galuega fa'atulafonoina a falema'i fa'aitumalo sa faia ina ia mautinoa o lo'o usita'ia a'oga uma i tulaga fa'alesoifua maloloina ma ia ola maloloina tamaiti.

5. Faafoega o Auaunaga I Aiga ma Nuu

O auaunaga o le soifua maloloina i aiga ma nuu o loo ofoina atu auaunaga faaauau mo gasegase ua fa'ate'a mai le falemai ina ia mautinoa le tausii lelei. E faapena foi i gasegase ua le toe aoga iai se togafitiga. O polokalame faagasolo a falema'i fa'aitumalo o loo atagia ai le lelei ona faafoe o le vaaiga o gasegase i aiga ma le tali atu i manaoga o tatou tagata.

LU'ITAU

Tulaga Utiuti o le Auaunaga

O le tulaga utiuti o le auaunaga i falema'i faapea auaunaga mo le soifua maloloina lautele o lo o faatumauina pea le avea ma lu'itau ile faatinoga o auaunaga o le soifua maloloina, ma ole ala foi lea e umi ai ona faatali le atunu'u i le faatinoga o auaunaga i falema'i fa'aitumalo ma falema'i tutotonu.

Ua maitauina foi le to'atele o le auaunaga fa'amavae ona ua faamanuiaina i tulaga mauuluga tau galuega i isi matagaluega a le malo, faapea foi nisi ua faamanuiaina mo le nofo mau i Niu Sila, ma nisi ua malaga atu i galuega fa'avaitaimi. O le faafitauli, ua tuua e le auaunaga le Matagaluega, ae ua tele le sao o le Matagaluega na alu ai ile atina'ega o tomai ma agava'a i vaega ta'itasi o le auaunaga.

Faagaioiga o le Polokalame o le m-Supply

O le utiuti o le auaunaga o le lu'itau tele ilea ile fa'agaioiga o le polokalame o le m-Supply. Ua fia faagaioi le polokalame, ao le faafitauli e le o lava le auaunaga e faatinoa le polokalame lenei, ma o se tasi o mafuaaga o le tuai ona faatumu o avanoa faagaluega i le Faletalavai ma le Faletuolua o le Faletalavai.

O le isi foi faafitauli, o le faigata ona talia e nisi o le auaunaga o le faaaogaina o lenei polokalame fou, aemaise lava ile au galulue i totonu o falema'i i tua, oi latou ua silia ma le 20 ile 30 tausaga o galulue, ua faafaigata ona aoaoina ile faaaogaina o le polokalame.

Fafoega o Faamatalaga ma Faamaumaga o le Soifua Maloloina

O lo o faatumauina pea le avea o le fafoega o faamaumaga ole soifua maloloina ma luitau ile Matagaluega, ona o le tulaga le maotonu na iai le polokalame sa faaaogaina muamua e faamautu iai fa'amaumaga (PATIS). E tele a se aafiaga ile moni ma le faamaoni o faamaumaga e faalagolago iai le fausia o faiga faavae ma faavae ai faaiuga fai a le Matagaluega. E le gata i lea, ua faafaigata foi ona maua faamaumaga e fua iai taumafaiga a le Samoa e ausia nisi o faailoilo fava-o-malo, faaitulagi ma faale-malo tau le soifua maloloina, lea e faalagolago iai le tulaga vaaia o le faagasologa o auaunaga o le soifua maloloina o le atunu'u.

E iai le faamoemoe mauuluga o le Matagaluega, i matati'a ua molimauina ua tu mati'e ai le faatinoga o le poloketi o le e-Health ile taimi nei, o le a foia ai nei lu'itau.

Mata'ituina ma le Iloiloga o le Fa'atinoga o Auaunaga o le Soifua Maloloina

O le tele lava o fa'afitauli e alia'e mai i so'o se vaega o auaunaga o le soifua maloloina, ua atagia ai le fa'aletonu o le fa'afueina o auaunaga e mata'ituina ma iloiloia ai le fa'atinoga o auaunaga ma polokalame o le soifua maloloina, ma ua atagia ai le le fa'atinoina o tiute ma matafaioi fa'atulafonoina a le Vaega e Fa'atautaia Auaunaga tau mata'itu ma iloilo, ae ua fa'apito tasi le fa'atinoga o la latou auaunaga ile mata'ituina ma le iloiloga na o poloketi o le soifua maloloina, e pei ona iai le poloketi fa'atupeina e le Faletupe o le Lalolagi (Program for Results). E iai le fa'amoemoe mauuluga ile toe iloiloga o le fa'atulagaga o le Matagaluega o le Soifua Maloloina o lo o nafa nei ma le Komisi o Galuega a le Malo, o le a toe fa'afai ai lenei auaunaga i lalo o le Vaega o le Soifua Maloloina e tatau ona iai, le Vaega o Fuafuaga Alualu Mamao, Faiga Fa'avae ma Su'esu'ega o le Soifua Maloloina, ina toe fa'aleleia ai le fa'atinoga o auaunaga mata'itu ma iloilo o auaunaga ma polokalame uma o le soifua maloloina.

UPU FA'AI'U

Ua molimauina ua iai faamaoniga ua amata ona amana'ia e tagata Samoa la latou matafai oi o le taus i o lo latou soifua maloloina, ina ia atagia ai le manulauti a le soifua maloloina ia maua se Samoa Maloloina, e ala lea ile galulue faatasi o tagata uma e u'una'ia ma faamausaliina le soifua maloloina lelei.

E ui lava ina ua tele galuega ausia a le Matagaluega ua atagia ai le faanaunaga ina ia ausia nisi o Sini Autu o Atina'e Faaauau tau le soifua maloloina, faapea faailoilo fa'ava-o-malo, faaitulagi, ma faale-malo, ae e tele lava foi isi galuega e tatau ona faatinoina ina ia lelei fafoe auaunaga mo puipuiga o fa'ama'i ogaoga e a'afia ai totoga, faapea faamai pipisi ma tutupu fa'avaitaimi. I le aotelega, o amio a tagata o se tasi lea o lu'itau tele e ese le faigta ona suia.

E le gata i lea, ae sa galulue malosi le Matagaluega faatasi ma ta'ita'i o le malo, o pa'aga fesoasoani o le soifua maloloina, o matagaluega ma faalapotopotoga a le malo, faalapotopotoga tuma'oti ma le lautele o le atunu'u ile faatinoga o auaunaga e tali atu ai ile Koviti-19 i le tausaga faale-tupe lenei, ma e faafetaia ua tauia le tigaina sa feagai ai. E ia le talitonuga, ua lava tapena le Matagaluega ma ana pa'aga e tali atu i isi fa'ama'i tutupu mai ile lumana'i e ala lea ile galueaina o fuafuaga fa'ata'atitia mo fa'ama'i pepesi TF2020/21-TF2024/25 ma ta'iala mo faalavelave faale-natura o loo iai nei.

E fa'aiu ai se fa'amatalaga, e talitonu le Matagaluega, e ui lava ile ele o ana galuega ma polokalame fa'atino ua mafai ona ausia i totonu o lenei tausaga fa'ale-tupe, ae o lo o tele foi isi galuega e tatau ona fa'atinoina, ma e lu'itauina pea le fa'atinoga o auaunaga auā le Soifua Maloloina o o tatou tagata.